

صداع الفريده

رواية

نشر في المطبعة

دار بيوند للنشر والتوزيع
٤ ش كمال حسين متفرع من ومبي الهرم
٠١٠٩٦٩٠٠٠٠٧

Beyond.dbh@gmail.com

جميع الآراء الواردة في هذا الكتاب تعبر عن رأي كاتبها. ولا تعبر بالضرورة عن رأي دار النشر

الكتاب: صراع الفريدة

المؤلف: نشوى مصطفى

الطبعة: الأولى

تصنيف الكتاب: رواية

تصميم الغلاف: محمد مجاهد

التدقيق اللغوي: سكون لخدمات الكتب

الإخراج الداخلي: صبرينة غلمي

رقم الإيداع: ٢٠١٨ / ٢٣٢٠٣

الترقيم الدولي: ٩-٦٣-٦٦٤٥-٩٧٧-٩٧٨

دار (بيوند) للنشر والتوزيع

المدير العام

صبرينة غلمي

رئيس مجلس الإدارة

محمد عز الدين

المدير التنفيذي

جلال عز الدين

إهداء

الحب

الحب هو غايه البشر نعيش العمر بأكمله ومن المحتمل أن لا نجده
فلذلك دائما نبحث عنه أو يبحث هو عنا فهو اكسير الحياة الخالد ولا
مجال للاستغناء عنه...

فالحب هو وحده من يقرر مصير حياتنا ويرسم بانامله الطريق...

ولكنه أيضا سلاح ذو حدين فهناك غرام يطيح بك وهناك غرام يصعد
بك فوق سفح القمر...

لأن الحب الحقيقي هو التوحد التام في من تحب، توحد روحي في
جسدين ...

فمن أجل الحب سفكت دماء واقيمه حروب من أجل الفوز بقلب المحب
او النثر من شخص أذاه...

فلذلك اسميه رومانيه ميزان الحياة

وفي هذه الروايه استطاع الكاتب أن يصل بعقل القارئ إلي اقسي
درجات الايذاء في الحب وأكثر درجات النعيم والتضحيه من أجل من
نحب... فكما قلت من قبل هو سلاح ذو حدين وحاولت فريده إستخدامه
فحدث كل ما لم تتوقعه

اهداء بقلم الكاتب /إبراهيم والى

الفصل الأول

تدخل كعادتها إلى ذلك المقهى الذى تعشق وجودها فيه؛ فهو دائماً ما يذكرها بأحلى أوقاتها، تقدمت إلى ذلك الركن الهادئ بجوار النافذه، فهى تعشق ذلك المكان، دائماً ما كانت تجلس هناك بمفردها تتطلع إلى الشارع كثيراً ما رأت العديد من الحكايات والقصص من هناك.

- أب يتناول يد ابنه ليعبر الشارع، وغضب الصغير لرغبته فى شراء الحلوى قبل عبور الطريق...

- صديقتان تتضحكتان وهما تتذكران ما مر بهما اليوم من أحداث...

- حبيب ينتظر حبيبته القادمة، التى ما أن رآها حتى أشرق وجهه بابتسامه خلابة...

العديد والعديد من القصص التى تابعتها من ذلك المكان.

جلست إلى طاولتها وكعادتها التى لم تغيرها منذ أكثر من خمس سنوات مرت، جاء النادل بعد جلوسها بعشر دقائق ابتسامه هادئة على شفثيه، يحمل فى يده طلبها الذى لم تغيره منذ سنوات، قد تزيد عليه إلا أنه هو فى البداية لا يتغير وكأنه أصبح مرتبطاً بها.

كوب كبير من الشوكولاته الساخنة بالكريمة والمكسرات.

- "صباح الفل يا أنسه فريده".

بابتسامة طالعت عيناها قبل شفيتها:

- "صباح الورد يا عصام أخبرك أيه وأخبار بنوتك أيه".

- "زى الفل والله يا أستاذة تسلمى".

يضع كوبها برفق قائلاً:

"كالعادة سخن، وكريمة ومكسرات".

تضحك بخفوت:

- "مش جايز عايزة حاجة تانية".

يضحك النادل:

- "صعب يا أنسة أنا بقالي سنة فى المكان هنا، عمرك ماغيرتى طلبك الأولانى أبداً".

تزداد ابتسامتها:

- "أنت مراقبنى بقى".

يضحك بود:

- "وحد يشوف القمر وما يرقبوش".

تصطنع الفرع:

- " أنت بتعاكسنى يا عصام".

يتصنع هو الآخر الفرع:

- " أوعى تفهمينى صح".

يضحك بود مرة أخرى:

- " انتى على راسنا كلنا يا أنسة فريدة".

تبتسم بهدوء:

- "ميرسى يا عصام كلك ذوق".

- "تسلمى يافندم واحنا فى خدمتك دايمًا .. عن إذن حضرتك".

- "افضل".

تتنهد برفق كم يسعدها معاملة نادلي المقهى الودودة جدًا، فطالما
اعتبرتهم أناس رائعين.

شردت قليلا لتتذكر ذات مرة كانت هنا، وجاءت امرأة ومعها طفلة
صغيرة تحملها فوق يدها، وسألت عن عصام النادل، وعندما كان يقدم
لها عصام طلبها رأى المرأة وهرع إليها، وعندما رأت اضطرابه
توجهت إليه، وعلمت أنها زوجته، وأن الطفلة ابنتهما، وأنها مريضة،
وجاءت بها إلى المقهى؛ لأنها خائفة وقتها أصرت على عصام وأخذتهما
بسيارتها إلى المستشفى، وبقيت معهم حتى اطمأنا على الطفلة وإعادتهما
إلى منزلهما.

عادت بأفكارها إلى الواقع، ورمشت قليلاً لتعود إلى واقعها.

عندها وجدته ينظر إليها بعمق رجل فى اواخر الثلاثينات قوى البنيه ذو نظرات ثاقبه اسود الشعر طويل يصل الى بدايه ياقه قميصه يرتدى بدله سوداء وقميص كحلى اللون ارتبكت قليلاً، وأبعدت عينيها عن نظراته، وعادت لشرودها بجوار النافذة، وبعد قليل انتهت حاسة الشم لديها بعطر ناعم وقوى تخلل إلى مسامها؛ أغمضت عينيها برفق، ولاحت على شفيتها ابتسامة هادئة قاطعها صوت قوى أثار الرجفة فى أوصالها:

- "مساء الخير".

فتحت عينيها بقوة لتطالع ذلك الغريب، الذى اقتحم أفكارها، والذى كان يحرق بها منذ قليل، تنفست ببطء قائلةً بعدها:

"مساء النور".

ابتسم برفق وأشار بيده إلى الكرسي المقابل لها، وبنفس النبوة القوية والعميقة:

"تسمحلى".

ولم ينتظر ردها لتتفاجأ به ساحباً الكرسي، وجالساً فوقه بمنتهى الهدوء والراحة.

ظهرت نظرات الغضب فى مقلتيها الصافيتين، وبنبرة صوت قاطعة، ولكن هادئة:

- "أنا مسمحتلكش تقعد".

- " ماهو أنت مكنتيش هترفضى".

رفعت حاجبها باستهزاء وغضب:

- " آيه الثقة دى".

- " مش مسألة ثقة بس أنا متأكد إنك مش هترفضى".

سكنت قليلاً لتسيطر على الغضب الذي بدا يتنامى بداخلها، إلا أن نظراتها كانت تنبئ بكل ما كان يدور بداخلها، وقح مغرور جلف غبي....

التوت شفتيه بابتسامة رقيقة قائلاً بهدوء:

"بلاش تفكيرك يجيب صفات أكثر من كده".

فتحت عينيها بذعر لتوقعها اكتشافه ما تفكر فيه، حاولت إيجاد كلام إلا أن عصام النادل - الذى تابع الموقف من البداية - جاء ليزيح قليلاً من التوتر، فهو أعلم بكل منهما، حتى وإن لم يكونا على علم ببعضهما ووبنبره متردده

- " احم احم أستاذ أدهم حضرتك اجبلك قهوتك هنا".

أدهم بهدوء ودون أن يرفع عينيه عن عينيها المضطربة:

"ياريت ياعصام".

- "وحضرتك يا أنسة فريدة أجبلك حاجة".

بهدهوء يناقض ما بداخلها.

- "لا ميرسي يا عصام أنا لسه ما خلصتتش الهوت شوكلت".

نظر إلى كليهما بتوتر، وانصرف.

مد أدهم يده اليمنى إليها قائلاً بهدهوء:

- "أدهم الأنصاري".

نظرت ليده الممدودة إليها قائلة بحنق:

- "أسفه ما...".

قاطعها سريعها ليرفع عنها الحرج رفعا حاجبيه تقديرًا لها وأعاد يده إلا الطاولة قائلاً بلباقة:

- "أسف مقصدتتش".

نظرت له شذراً:

- "حصل خير فر...".

وقبل أن تكمل جملتها قاطعها مبتسما بهدهوء قائلاً:

"فريدة أبو العزم".

- باندهاش وحذر بان على مقلتيها "وعرفت منين".

- اجابها بهدوء وصوت منخفض حتى يزيح عنها حذرها "بصي يا فريدة أنا أعرفك من سنة تقريباً بشوفك هنا، كل مرة باجى فيها هنا كنت بلاقيكي على نفس الطرييزة دي، ونفس الهوت شوكلت ده إن مكنش نفس المچ كمان".

- بصوت حاد لتبعد توترها عنها "ياااه ده أنت متابع بقى".

- هز راسه برفق " يعنى تقدرى تقولى لما بهتم بتابع".

- رفعت حاجبيها دهشه من رده "بتهم !!!بتهم بايه؟؟؟"

- مبتسما بهدوء اكثر "بحد"

سكتت قليلاً ثم قالت بحدة، وبصوتٍ عالٍ:

- "وأنت تهتم بيا ليه؟!"

أطرق رأسه قليلاً، ثم رفع عينين غاضبتين اثارتا رجفه فى اوصالها قائلاً بصوت حاد :

- "أولا ما تعليش صوتك عليا ثانيا أنا محبش مراتى يبقى صوتها عالي أصلاً".

فزعت ورفعت حاجبيها دهشةً و غضباً وبصوت غاضب:

- "مرا... مرات مين أنت أكيد مجنون".

- تنهد قائلاً بلين كانه يحاول اقناع طفله صغيره بما يقول "بصى يا فريدة أنا بحبك، أيوه بحبك؛ وهنتجوز، فياريت تخلى بالك من

صوتك العالي ده؛ لأنى مش هسمحك تانى تعلى صوتك عليا
خصوصا انك مش كده".

أضاف وهو يقف ليغادر:

- "أه ويا ريت تغيري أسلوبك فى الكلام مع الناس هنا، مراتى
محبش إنها تضحك لحد أو تهزر مع حد".

أضاف وهو يميل على الطاولة؛ ليقرب رأسه من رأسها:

- "غيري افتكري كويس... غيري".

ما هذا الجنون تطلعت فى أثره لا تصدق حقًا ماحدث من هذا المعتوه،
وما هذا الكلام الذي تفوه به، آثرت الصمت والهدوء؛ حتى تستوعب ما
قاله إلا أنها نهرت نفسها عن التفكير فهي لا تمتلك القدره على تحمل
مجانين اخرين فى حياتها فيكفيها ماحدث من قبل ، وما هو إلا مجنون
أفسد عليها جلستها، فضلت الخروج من المقهى فلم يعد لها رغبة فى
التواجد فى المكان، فعطره وتأثيره القوى ما زال يحيط بها، أشارت إلى
عصام ليحضر:

- "عصام من فضلك الحساب".

تنحنح بتوتر:

- "أنسه فريدة أستاذ أدهم دفع الحساب".

نظرت إليه بغضب:

- "وأنت ازاي تسمحله يعمل كده هو اتجنن".
- "أسف بس هو دفع ومشى معرفتش أمنعه، أنتِ ما تعرفيهوش زينا، رأسه ناشفة ازاي ومحدث بيقدر يمنعه".
غضبت أكثر:

- "على نفسه مش عليا، هو فاكِر نفسه مين ده".
التقطت ورقة مالية ووضعتها على الطاولة، وسحبت حقيبتها ونهضت بغضب:

- "من فضلك أبقى اديله الفلوس دى" وما أن ابتعدت خطوة حتى توقفت وأطرقت رأسها أرضاً، وتنهدت بعمق، والتفتت إلى عصام بابتسامة هادئة:
- "معلش يا عصام أسفة، لو كنت اتكلمت بأسلوب مش ظريف سامحنى".

ابتسم بعفوية:

- "ولا يهملك حضرتك محصلش حاجة بس لو تسمحيلى".
- "اتفضل".
- "أستاذ أدهم شخصية محترمة جداااا جداااا ما تضايقيش نفسك".
- "حصل خير يا عصام سلام عليكم".

- "وعليكم السلام".

مضت غاضبة لا تعرف كيف تجرأ وخاطبها هذا المدعو أدهم بهذا الشكل ولامت نفسها كيف جعلته يؤثر فيها بهذا الشكل ، وكيف لم ترد عليه الرد اللائق به.

ركبت سيارتها وعادت إلى شقتها....

مر أسبوع لم تذهب إلى المقهى محاولة تجنب لقائه، حتى وإن كان صدفةً، وفي أحد الأيام وهي تغادر عملها؛ توجهت إلى سيارتها؛ لتجده يقف بجوارها، ويستند إليها يرتدى بذله سوداء اللون وقميصا اسود فاتحا ازراه العلويه وكأنه لايعرف اهميه وجود ازرار للقميص يرتدى حذاء اسود اللون ، وقفت مصدومة بمكانها، ولم تجرؤ على التقدم خطوة، تذكرت ما حدث منذ أيام، وكيف عاملها، وكم كانت حانقة وغاضبة، حتى إنها غيرت عاداتها فقط؛ لتتجنب مقابلته، كل هذه المشاعر مرت عليها في أقل من دقيقة، كان هو يتأملها بحب وشوق، نعم لقد اشتاق لها، لهدوئها، لعينها الغاضبة،

عطرها، شرودها، وابتسامتها الحالمة، نعم هو يعشقها، ولن ينكر ااااه كم أتمنى ان اخبئك داخل صدري؛ حتى لا يراك أحد يا فريده، ابتسم بعشق، ظهر بملامحه، واعتدل في وقفته، ووضع كفيه في جيبي بنطاله؛ حتى لا يتهور ويحتضنها قائلاً:

- "هتفضلى واقفة كده كثير".

تنهدت بغضب وأغمضت عينيها، تعد لعشرة علَّها تُهدئ ما يدور بداخلها، فلا أحب على قلبها الان من أن تضربه على رأسه بأي حجر ثقيل؛ حتى ترتاح منه، فتحت عينيها بغضب قائلةً:

- " أنت عايز أيه؟! "

تقدم منها بهدوء:

- " حد يقول لجوزه عايز إيه. "

- بغضب " أستاذ أدهم يا ريت حضرتك تراعي كلامك معايا، أنا مسمحكش تتكلم معايا بالطريقة دي. "

كان قد وصل أمامها، ويفصل بينهما خطوة واحدة إلا أن هذه المساحة جعلته يستنشق عطرها وعبيرها، الذى أسكره نظر فى عينيها بعمق قائلاً:

- " مش بتروحي الكافيه ليه. "

نظرت له بحاجب مرفوع:

- " شيء ما يخصكش. "

لم تتغير نظرة عينيها قائلاً بلهجة أقرب للغضب:

- " ما بتروحيش الكافيه ليه يافريده. "

- بنبرة عالية: " وأنت مالك. "

- بنبرة أعلى منها: "قلتك صوتك ما يعلاش".
 - بغضب وبصوت قوى: "انت تقول اللي تقوله، وأنا أعمل اللي أنا عايزاه".
 - بغضب مكتوم "ما تختبريش صبري يا فريده".
- بصوت أعلى: "أنت عايز منى إيه".
- اقترب منها لاغياً الخطوة الفاصلة بينهما، ونظر إليها قائلاً بعشق:
- "وحشتيني".
- ارتدت خطوه للخلف مصدومة من كلمته قائلةً:
- "أنت أكيد مجنون فعلاً، أنت عايز منى أيه، ابعده عني".
- رفعت إصبعاً في وجهه محذرةً:
- "ابعده عني تماماً واوعى تعترض طريقى مرة ثانية فاهم ولا لأ، أنت ما تعرفش مين فريده فاهم".
- همت بتركه إلا إنه أمسكها من ذراعها بقوه ألتها، إلا أنها كتمت ألمها الذي ظهر في ملامحها، غير إنه لم يلين:
- "ترجعى تروحي الكافيه تاني، أنا مسافر يومين، ولما أرجع لينا كلام تانى".
- نفضت ذراعها من يده قائلةً:

- "لا تانى ولا تالت".

ابتعدت مغادرةً ومن خلفها سمعته يقول:

- "لما أرجع هنشوف".

ركبت سيارتها فى غضب، وأخذت تسب أدهم بأفزع أنواع السباب، قطع عليها صوت رنين هاتفها وصله السباب المستمرة، وغضبها المتصاعد من أدهم.

نظرت للهاتف ووجدت صديقتها جويرية فتحت الهاتف قائلةً:

- "فى وقتك يا جوري".

- "مالك يا ديدة صوتك ماله؟!!"

ترقرقت الدموع فى عينيها قائلةً:

- "مضايقة قوي قوي جوايا غضب الدنيا".

- "طيب يا حبيبتي اهدى أنت فين؟".

- "أنا مروحه".

- "طيب ما تيجي".

- "بتعب" لا مش قادرة تعاليلي انتي".

- "طيب ممكن كمان ساعتين ثلاثة واعدي عليكي، اهدى كده، ولما اجى نتكلم".

- " طيب تمام هستناكي سلام".

- "سلام".

أغلقت الهاتف، ونزلت دموعها على خدها لاعةً أدهم، ولاعنةً ضعفها،
نعم فمهما كانت الشخصية التي ظهرت أمام أدهم إلا أنها غلاف تحمى
به نفسها، خوفها منه منعها من أن تذهب إلى مكانها المحبب؛ وجعلها
تُظهر تلك الشخصية المتنمرة علَّه يبتعد عنها.

الفصل الثاني

عادت لمنزلها، أخذت حمامًا دافئًا علَّه يهدئ من غضبها، خرجت واستلقت في سريرها، وخانتها دمعها وحيدة جعلتها تتنهد بحرقة، ومر في ذهنها ما حدث مع أدهم حتى غلبها النوم.

أفاقت على صوت جرس الباب يدق؛ توجهت لفتح الباب فوجدته عامل تسليم ورود، بادرها بابتسامة قائلاً:

- "أنسة فريدة أبو العزم".

- "أيوه".

- "ممكّن حضرتك تستلمي البوكيه ده وتمضيلى".

استلمت البوكيه، وقبل أن تغلق باب الشقة؛ وجدت جويرية تخرج من المصعد، سلمت عليها وأدخلتها، بادرتها جويرية بابتسامة:

- "ده أيه الجمال ده، طلو قوي البوكيه ده، من مين يا ديدة".

- "مش عارفة لسه افتحيه، شوفى مين على ما أعمل هوت شوكلت، تشربي؟".

- "أه عندك شوكلت كيك؟".

ابتسمت:

- "طبعًا أنا تقريبًا تلاجتي مش بتنقص منه".

ضحكت جويرية على صديقتها، فهي تعلم جيدًا مدى عشقها للشوكولاته، فتحت باقة الورد، وأخرجت البطاقة؛ وتوجهت للمطبخ، وجلست على كرسي بجوار الطاولة قائلةً:

"سأجمع اليوم الورد ولا أدري

إلى عينك أم خديك أهديه

لا تخجلي صغیرتي

فالورد أنت وحدائق الورد في خديك

أنا مش بكتب شعر، أنا بس بوصف فريدتي"

أدهم.

توقفت فريدة عما كانت تفعله وهي تصغي لصديقتها، وشردت يا إلهي
ألن يتركني في حالي؟! "

جويريه بتساؤل

- "مين أدهم يا فريدة؟! "

أعادت جويرية السؤال مرة أخرى بنبرة أعلى:

- "مين ادهم يا فريده؟ فريدة روحتي فين".

أفاقت فريده من شرودها قائلة

- "ها بتقولي آيه".

- "بقولك مين أدهم".

تنهدت بتعب قائلة:

- "هحكياك".

قصت عليها كل ماحدث منذ أن رأت أدهم أول مرة، وحتى اللحظة؛
ربتت جويرية على يدها مهدئة:

- "انتى خايفة ليه كده".

- بتعب بان فى ملامحها "مش عايزه أحب ولا اتحب".

- جويرية بهدوء وهى تتلمس كفى صديقتها "أديله فرصة".

نظرت لها بحزن ومقلتين دامتين :

- "علشان يوجعني".

- جويرية بهدوء ونبره دافئه محتضنه كتفى فريده "فريده خلياكي
قوية محدش يقدر يعمل كده".

نظرت لها بحدة:

- "ده على أساس إن كريم معملش كده ولسه بيعمل كده وبعدين
انتى نسيت ال انا فيه ولا آيه".

ابعدتها جويريه عن احضانها و ضمت كفي فريدة بين كفيها قائلةً
بحنان:

- "ياديدة كريم موضوع وانتهى وانتي عارفه انه كداب ومافيش
حاجه من ال كان بيهدك بيها دي حقيقه ، ليه مش عايزه
تعيشي حياتك، ليه بتعاقبي أدهم بذنبه، اسمعيه وبعدين احكمي
عليه".

تنهدت فريدة بحزن قائلة:

- "مش قادرة خايفة أصدقك يطلع كريم مش كداب واخل في
دايره تانيه انا مش قدها وخايفه اصدقه يوجعني، وأنا خلاص
مش هقدر استحمل، أنا وقفت على رجليا تاني بصعوبة، والمرة
دي هيبقى فيها نهايتي يا جويرية".

- "يا حبيبتي سلمي أمرك لله، وبعدين ربنا سبحانه وتعالى بيقول
أنا عند حسن ظن عبدي بي".

"ادعي ربنا يا حبيبتي لو ليكي خير فيه؛ ربنا يقربه، ولو شر ربنا بيعده،
بس ادي لنفسك فرصة".

نظرت لها فريدة بعينٍ دامعة؛ مما جعل صديقتها تشفق عليها، احتضنتها
جويرية بين ذراعيها؛ عندها تركت فريدة لدموعها العنان؛ واجهشت
ببكاء يقطع القلب، حتى هدأت في أحضان صديقتها، ربنت جويرية على
رأسها قائلةً:

- "بقيتي أحسن".

رفعت فريدة رأسها قائلةً:

- "أحسن أنا مش عارفة من غيرك كنت عملت أيه".

ضحكت جويرية بهدوء قائلةً:

- "كنتي عملتي هوت شوكلت".

ضربتها فريدة على كتفها قائلةً:

- "قومي روعي يا جوروي، أنا مش عايزاكي ياله شطبنا".

- "هههههه كده خدتي غرضك مني، وبتتطرديني يا ديدة".

- "أيوه وهقطع علاقتي بيكي كمان، ربنا يكون فى عون جوزك، ده أنت سخيفة بشكل أوفر الحقيقة".

- "هههههه لا ما لكيش دعوة بجوزي هو راضي يا سيتي".

- "ربنا يهنيكوا يا سيتي، صحيح يا جوروي بمناسبة جوزك، هو مش ناوي يفتكر إن ليه بنت خاله يسأل عليها، على العموم قوليله إنى هقطع علاقتي بيه قريب".

- "والله يا ديدة مشغول جدًا المشروع الجديد واخد وقته كله، وبعدين انتي مش عايزة تيجي تقعدي معانا، على الأقل كنتوا شفتوا بعض، هو على طول ببسألني عليك، وقلقان من قعدتك لوحداك هنا، فكري يا ديدة، والله هتونسيني بدل ما أنا قاعدة لوحدي طول اليوم كده".

- "لا يا سيّتي شكراً، أنا كدة مرتاحة قوي أبقى بس سلميلي عليه، وأنا هحاول أعدي عليه فى الشركة".
- تناولت حقيبتها ووقفت لتغادر "طيب أنا هسيبك بقى، وأقوم أروح؛ لأنه زمانه جاي، هتعملي أيه دلوقتى".
- "أبدًا عندي مشروع أنا كمان، هبدأ فيه، هقعد أحط شوية أفكار كدة، وبعدها هنام".
- "طيب يا حبيبتى أشوفك على خير، وزى ما قلنا أدي لقلبك فرصة يا ديدة".
- "حاضر يا جورى".

غادرت جويرية، وعادت فريدة لغرفة مكتبها، حاولت العمل على مشروعها الجديد - ففريدة من أفضل مصممي الديكور، وتملك مكتبًا للديكورات معروفًا - ظلت تعمل قرابة الأربع ساعات؛ حتى شعرت بالتعب؛ دخلت لغرفتها ومن شدة تعبها نامت مباشرة إلا أن أحلامها لم تخل من ذلك العابث، الذى ظهر فى حياتها دون مقدمات.

مرت أيام فريدة هادئة إلا أن أدهم أخذ من حيز تفكيرها الكثير، حتى إنها نهزت نفسها أكثر من مرة على تفكيرها به، وإنها يجب أن تتوقف عن التفكير فيه بأي شكل؛ فهو مجرد مغرور وقح عابث وسيم.

دُهِشَتْ من نفسها عندما نعتته بالوسيم، إلا أنها عند هذه النقطة تذكرت ملامحه، فهو فعلاً وسيم، وسيم وبشكل لا يقاوم فعيناه الزرقاء والتي تنافس زرقه السماء تعطيك احساس بالراحة والتي يجعلك تنبسم داخليا

لرؤيته ملامحه الرجولية والتي تجعلها تهتز عند ظهور ملامح الغضب عليها

بعد مرور عدة أيام اشتاقت لمكانها المحبب؛ عندها قررت الذهاب، وليكن ما يكون، فذلك الأدهم لن يحجر على تصرفاتها، ولكن قبلها قررت زيارة إباد ابن خالتها، وأخيها، وزوج صديقتها المقربة جويرية.

زياد الذي يكبرها بعشر سنوات، هو بعمر حازم أخيها الأكبر، وهو من قام بتربيتها مع حازم بعد وفات والديها،

ذهبت إلى الشركة، ووجدت مديرة مكتبه السيدة جيهان، سيدة لطيفة وحنونة تبلغ الخامسة والأربعين، هي مديرة مكتبه، ومن قبله مكتب والده، وزوج خالتها السيد فايد.

- دخلت المكتب بخطوات هادئة مبتسمة بحب "صباح الورد يا جي جي".

رفعت السيدة جيهان رأسها تبتسم لتلك الشابة، التي طالما اعتبرتها بمثابة ابنتها.

- "يا بنتي انتي مش هتعقلي جي جي أيه بس، هو أنا طفلة صغيرة".

اقتربت منها فريدة؛ فضمتها جيهان بحب، فطالما شعرت فريدة معها بحنان الأم، الذي حرمت منه منذ صغرها.

- "طفلة أيه بس يا جميل أنت، هو في حد فحلاوتك يا قمر".

- "بحبك يا أحلى جي جي".

توجهت إلى باب مكتب إياد وطرقته بهدوء، وسمعت صوته الهادئ يأمر الطارق بالدخول:

- "اتفضل".

أطلت برأسها الصغير قائلةً بابتسامة:

- "معطلك".

ابتسم بدهشة؛ وقام من خلف مكتبه يستقبلها قائلاً:

- "أيه المفاجأة الحلوة دي حبييتي وحشتيني تعالي".

احتضنها بقوة مقبلاً رأسها:

أحاطت خصره بذراعها قائلةً بحب:

- "وأنت كمان يا حبيبي وحشتني قوي".

أبعدها عنه قليلاً ينظر إليها قائلاً:

- "يا بكاشة لو وحشتك كنتي جيتي من زمان".

ضحكت برقة قائلةً:

- "أيه حكاية بكاشة دي، لسه جي جي قايلالي كده، ما أنت

عارف يا إياد كنت مشغولة ازاي".

- "أه جورى قالتلى".

كان الحوار دائراً بينهما، وتناسيا ذلك الغاضب، الذى انتفض قلبه شوقاً عند سماع صوتها، وأصابه غضب الدنيا كله عند سماع حديثها مع صديقه ونبرتهما وضحكهما وكلماتهما الناعمة، إلا أنه لم يعد يتمالك نفسه فتنح قائلاً:

- "إياد أنا هسيبك دلوقتى وبتكلم بعدين".

التفت كلاهما إليه، وأربع عيون تنظر إليه.

اثنتان تطالعانه بابتسامة، واثنتان بدهشة كبيرة جعلتها تتوقف عن التنفس، فكان أبعد من خيالها أن تقابله هنا فى مكتب إياد.

ابتسم إياد بقوة قائلاً:

- "معلش يا أدهم أصلي بقالي كتير ما شفتهاش أعرفك...."

وقبل أن يُكمل كلامه بادره أدهم:

- "فريدة أبو العزم".

رد إياد بدهشة:

- "انتوا تعرفوا بعض!!".

أجابا فى نفس واحد:

- فريدة: " لأ" ..

- أدهم: "أيوه"...

نظر إليهما إباد بتعجب مردداً:

- "أيوه ولا لأ".

نظر لها أدهم نظرة تحدي فكيف تنكر معرفتها به، وعندما طال سكوتها قال لإباد دون أن يرفع عينيه عن عينيها:

- "اتقابلنا مرة صدفة في كافي".

نظرت له فريدة بغيظٍ شعر إباد بحالة من التوتر تسود المكان فقال بهدوء:

- "بس طبعاً ما تعرفش إن فريدة تبقى أختي وبنت خالتي".

اتسعت عينا أدهم دهشةً:

- "أيه؟!".

- "أه فريدة تبقى بنت خالتي وأختي".

- "ممم أنا مكنتش أعرف".

ردت فريدة بتحدٍ:

- "وأنت تعرف ليه".

نظر لها إباد بدهشة قائلاً بهدوء، وهو يحيطها بذراعه:

- "مالك يا ديدة أدهم ماقلش حاجة".

نظرت لأدهم بقوه قائلةً:

- "وهو هيقول أيه يعني".

تبادل إياد وأدهم النظرات فزفر أدهم بتوتر قائلاً:

- "يا ديدة أنا...".

قاطعته فريدة بحدّةٍ قائلةً بعصبيةٍ وجسدها يرتعش، وبصوت عالٍ:

- "أنسة فريدة يا أستاذ أدهم".

زادت نظرات الغضب فى عيني أدهم، وضم قبضتى يده إلى جواره بشدة، ثم أدار ظهره لها؛ حتى لا يتهور فى وجود صديقه إلا أنه أقسم أن يعلمها معنى رفع صوتها عليه مرة أخرى، وفى وجود أحدهم، حتى لو كان أقرب أصدقائه وابن خالتها.

ارتبك إياد من تصرفاتهما قائلاً لهما، وهو يضمها إلى جسده أكثر:

- "مممكن أفهم فيه أيه بالطبط انتوا الاتنين".

أخذت فريدة نفساً عميقاً وبقوة، ثم ربتت على كتف إياد قائلةً بنعومة:

- "ما فيش حاجة يا حبيبي ماتشغلش بالك، أنا كنت بس جاية أشوفك وماشية، أسيبك مع ضيفك بقى".

- "استنى بس أنا ما لحقتش أقعد معاكى".

- "معلش يا إياد والله مستعجلة، هبقى أعدى عليكوا ونقعد تمام؟"

قَبْلَ إِيَادِ جَبِينَهَا بَحْنَانَ قَائِلًا:

- "ماشى يا حبيبتي براحتك هستناكي".

- "سلام عليكم".

- "وعليكم السلام".

غادرت فريدة، وتركت ذلك الغاضب وهو يقسم أن يجعلها تعى معنى رفع صوتها عليه، أخرجته من غضبه ربت يد صديقه على كتفه قائلاً بهدوء:

- " اهدى بقى كده، واحكيلى كل حاجة من الأول".

تنهد أدهم بعمق قائلاً "حكايك".

جلس إياد وأدهم فيما تنهد أدهم قائلاً:

- "من سنة دخلت كافيه أشرب قهوة، جالي تليفون رديت، ووأنا بتكلم لفت نظري بنت قعده فى ركن فى آخر الكافيه، كانت بتقرأ كتاب، وبتشرب هوت شوكلت، خلصت المكالمة وفضلت باصص عليها مش عارف ليه، برغم إنها ما رفعتش عينها من الكتاب، بس كنت مشدود ليه، كنت عامل زي المسحور، مش عارف أبعد عنيا عنها، مكننتش عايز غير إنها ترفع عينيه، كان

نفسى بس أشوف لونها، أتأمل ملامحها، وكأنها سمعتني؛ رفعت عنها بس علشان تكلم الجرسون، ويا ريتها ما رفعتهم، شفت فيها براءة الدنيا، وابتسامتها فيها حنان ما يتوصفش، مكنتش سامع الحوار بس أول ما ابتسمت؛ قلبى زاد دقة، كأنه كان مستنى ابتسامتها، سحرتني وتوهنتي معاها، خدنتي لنديا عمري ما دخلتها، فضلت مشدود ليها، ملامح وشها، عنيتها، شعرها، شفائها، حركة اديها وهى بترفع خصلة من شعرها ورا وندها، ابتسامتها الهادية لما كانت بتقرأ، وتعبيرات وشها اللي كانت بتتغير وهى بتقرأ كأن كل كلمة بتقراها كانت بتظهر فى ملامحها، فضلت قاعد لحد ما قامت.

محسنتش بالوقت لدرجة إنني فضلت متابعتها لمدة تلت ساعات.. تلت ساعات قاعد بتابع بنت من بعيد، مش بعمل حاجة غير إنني أشوفها وبس، وبدأت أروح الكافيه كل يوم فى نفس المعاد، بس علشان أشوفها مكنتش طالب أكثر من كده، يوم ورا يوم كنت بحس إنها بتشدنى ليها، بتربطنى بيها برباط سحري، جنية من عالم الخيال خدتنى ليها، وغرقتنى فى شعرها اللي بلون القهوة، وعنيتها اللي لحد من كام أسبوع مكنتش عارف هى لونها أيه، عنيتها اللي غرقت فيها أول ما شوفتها، ومكنتش عايز حد ينفذني.

كنت كل يوم بشوفها، كل يوم بغير نظام حياتي ومواعيدي بس علشان أشوفها، اليوم اللي كنت بروح ومش بشوفها كان يوم ما اتحسبش من عمري، مكنتش ببقى عايز أعيشه لما كنت بشوفها وألاقيها تعبانة أو زعلانة أو دمعة بتنزّل من عينها حتى لو كانت بتضحك كنت بموت، وبحسها سكيّنة بتتغرس فى قلبي، وقريب اكتشفت إن عدا عليا سنة وأنا

بس متابعتها من بعيد لبعيد، وكأنني لو روحت كلمتها، أو اتعرفت عليها هكتشف إنها فعلاً ملاك، خيال وهتغيب أول ما هقرب منها.

لحد مافي يوم اتجرات وعرفت من الجرسون اسمها.. فريدة أبو العزم.. فعلاً مكنش هيليق عليها غير فريدة، هي فعلاً فريدة ما فيش زيتها، شقبت حياتي غيرتني ٨٠ درجة، بطلت سهر وخروج وسفر ما لوش لزوم، بس علشان ما أضيع يوم ما أشوفهاش فيه، تخيل أنا أدهم الأنصاري اللي عمري ما فكرت في أي واحدة، تيجي بنت في لحظة تعمل فيا كده، تقلب حياتي بالشكل ده، لحد من شهر تقريباً عرفت بالصدفة من جرسون في المطعم إن في واحد شافها هناك؛ وحابب يخطبها، وكان عايز بيانات عنها، وقتها مش عارف أيه اللي جرافي حسيت إنني زي المجنون، تايه ازاي يعني أيه حد يخطبها، ازاي حد ياخدها مني ازاي ممكن ما أشوفهاش تاني، ازاي مش هملي عنيا منها، وقتها اتأكدت إنني عايزها تبقى مراتي وحببتي وبنتي وأمي.

عايز أصحى الصبح على صوتها وعيونها، عايز أنام وأنا راسي جوا حضنها، عايز لما اتعب ألاقي ايدها بتطبطب عليا، لما أفرح تبقى جمبي، لما اشتكي تسمعني، لما اغلط تتخانق معايا، وتخصمني وتغلبني لحد ما أصلحها، عايز أكبر وأشيب وهي جنبي، عايز ولادي يببقوا منها، عايزها هي وبس، علشان كده بعدها قررت إنني مش هفضل ساكت وأسببها تضيع من ايدي، رحلتها عرفتها على نفسي، ههه جازي كنت سخييف، بس مش عارف وقتها كنت زي التلميذ الخايب اللي مش عارف يجاوب على الامتحان، قتلها إنني بحبها، وإننا هنتجوز، وإنني عايزها تغير طريقتها مع الناس، وإنها لا تضحك ولا تهزر مع حد غيري لإنها هتبقى مراتي.

وسيبثها ومشيت قعدت أسبوع ما تروحش الكافيه؛ لحد ماعرفت مكان شغلها، وروحلتها هناك وقتلتها إنها وحشتني، وإني مسافر، وطلبت منها ترجع تروح الكافيه، طبعاً غضبت وزعقت، وهددتني إني أبعد عنها وعلشان أصلحها بعنلها بوكيه ورد، وكتبتلها شعر ههههه، تخيل أنا أكتب شعر".

كان إياد يستمع لصديقه الذي تهدج صوته فى نهاية حديثه لا شعورياً.

تتهد إياد ببطء، وجلس بجوار صديقه، وربط على ركبته قائلاً:

- "اهدى يا أدهم.. كل ده جواك، وأنا معرفش كل ده يااااه".

ضحك أدهم ضحكة صغيرة "لا وتطلع اختك بعد كده، والأصعب إنها تبقى واخدة مني الموقف ده، أنا فعلاً تعبان انت مش متخيل فريدة عامله فيا أيه، لأول مرة احس الإحساس ده، بحس إنها جوايا بتنفسها، عندها الغضبانة اللي بتبقى مليانة غضب، بموت فيها شفايفها اللي بتعض عليها، لما بتبقى مش عارفة ترد.. شعرها.. برفانها.. كل حاجة فيها بتوجعني وبتوحشني".

تنحج إياد:

- "احم احم طب خف يا معلم وراعي إنها أختي".

- ارتبك ادهم ورفع يده يرفع خصلات شعره عن جبينه "آسف يا إياد والله، بس أنا فعلاً بحبها، وعايزها تديني بس فرصة مش أكثر".

- "بص يا أدهم أنا مش هكدب عليك، انت قدامك مشوار طويل قوي مع فريده.. فريده سبق واتوجعت لا مش اتوجعت، فريده اتكسرت، ومن غير زعل أنا مش هسمح لحد إنه يوجعها، حتى لو كان أنت يا أدهم، فريده مش بس بنت خالتي، لأ فريده أختي وبنتي، فريده متريبة على إيدي بعد موت خالتي وجوزها، أنا وحازم اللي ربيناها على ايدينا".

- "حازم، أنت تقصد إن فريده تبقي أخت حازم.. يااه ده أنا غبي بشكل، ازاي مربوطتش الاسم ببعضه، سبحان الله يعني أنا أعرفكوا من أكثر من ثلاث سنين، ودائمًا بسمع عنها إلا إنى عمري ما شوفتها دايماً.....

- "قطب أدهم حاجبيه بغضب قائلاً": أنت تقصد إن فريده هي اللي كانت مخطوبة لكريم الدمنهوري و....."

- هز اياد راسه مؤكدا "أيوه يا أدهم هي فريده؛ علشان كده بقلك هي اتكسرت، ومش هسمح لحد يكسرها تاني، فريده رجعت لحياتها تاني بصعوبة، بعد ما فضلت ما بتتكلمش لمدة ست شهور، كانت رافضة الحياة لا بتاكل ولا بتشرب ولا بتنام، كانت بتصاحب الموت لحد ما حازم قرر ياخدها ويسافر، قعدت في مصحة في لندن لمدة سبع شهور، لحد ما رجعت شبه الطبيعية، وبعدها خدت قرار ترجع مصر، وتكمل حياتها وشغلها ومستقبلها... وقفت بصعوبة لدرجة إنها لحد دلوقتي بتنام والنور مفتوح، لسه مش قادرة تبطل خوف، رغم إنها قاعدة لوحدها، وبتحاول تبين إنها قوية، بس رعشتها وهي في

حضني دلوقتي، وأنت قدامها، أكدلي إنها لسه بتخاف، ومش سهل تنسى..

أدهم أنت صاحبي وعارف أنا بحبك قد ايه، بس لو مش هتستحمل فريدة وتقدر وضعها بلاش، ابعدها عنها.

- "صدقني يا إياد أنا دلوقتي متمسك بيها أكثر من الأول، واوعدك إني عمري ما هأذيها وهحافظ عليها، وهحميها بس أنا محتاج أكلم حازم، لازم يبقى عارف كل حاجة، انتوا أصحابي ومش هقدر أتكلم معاها حتى من غير ما يبقى عارف".

- "حازم نازل بعد أسبوع، وقتها نقعد ونتكلم، بس أرجوك خليك جينتل معاها".

ضربه أدهم على كتفه:

- "أيه ياعم شايفني متوحش، وبعدين أنت توصيها هيا عليا، ده هاين عليها تديني رصاصة في دماغي، ياعم أنت مش شايف بتبقى بتبصلي ازاي".

- "وحدة وحدة وكل حاجة هتبقى كويسة بإذن الله".

- "إن شاء الله".

خرجت فريدة من مكتب إياد وغضبها قد تجاوز حدود السماء، فلم تكن تتوقع وجود أدهم، وصادقته مع إياد، لم تستطع فعل شيء إلا أن تركب سيارتها، وتقود بأقصى سرعة - وهو ما كانت دائماً تقوم به عند

إحساسها بالغضب أو الحزن - ظلت تقود سيارتها إلى أن وصلت إلى البحر، منطقة هادئة لا يوجد بها أحد، أوقفت سيارتها؛ ونزلت منها واستندت على مقدمتها، وتنفست بغضب وقوة، لاتعلم لم هي غاضبة، أو ممن....

من أدهم؟... أم من نفسها... أم مما؟

هل تعطي أدهم الفرصة كما طلبت منها جويرية؟!

أم تبتعد عنه تمامًا، فهي لن تحتمل صدمة أخرى في حياتها...

فيكيفها ما نالته على يد كريم.

وحين تذكرت كريم انتفض جسدها بحدة، وانتشرت برودة حادة بجسدها؛ جعلتها تصاب برعشة، جعلتها ترفع كفيها لتضم ذراعيها بهما، عليها تنتشر الدفء فيهما.

نزعا من شرودها صوت هاتفها، تناولته من جيبها؛ لتجد رقمًا غريبًا.

ردت بهدوء قائلةً: - "الو".

- "الو".

انتفض قلبها عند سماع صوته، وارتجف صوتها وهي ترد داعية أن تكون نبرة الصوت مخطئة:

- "أيوه".

- "فري".

الفصل الثالث

عندها تبيست أصابعها فوق الهاتف؛ ولم تنطق بحرف، إلا أنها أنزلت الهاتف عن أذنها، وأغلقت الخط، ولكن الهاتف رن مرة أخرى في يدها قبل أن تستوعب ما حدث، عندها رفعت الهاتف؛ لتجد نفس الرقم، عندها أغلقت الهاتف نهائياً، وظلت شاردةً في أمواج البحر، وهي تتساءل لِمَ عاد؟ وماذا يريد منها؟ لم تشعر بنفسها اللي ودموعها على خدها، شهقت بعنف، وصرخت بأعلى صوتها قائلةً:

- "عايز منى أيه تاني، ابعده عني بقى، ابعده عني".

وانهارت أرضاً حاضنة جسدها بذراعيها تبكي وتصرخ.

إلي أن شعرت بأن قواها كادت تخذلها عندها تناولت الهاتف، وفتحته وطلبت جويرية التي ردت عليها قائلةً بمرح

- "ديده انتى فين يا بنتى انتى مش قلتي هتيجي..".

ردت فريدة باكية وهي تشهق بعنف

- "جويرية الحقيني".

ردت جويرية بفرع:

- "فى أيه يا فريدة انتى فين؟!!!"

ردت ببكاء وصراخ:

- "رجع يا جويرية رجع الحقيني أنا خايفة الحقيني".

- "طيب اهدى يا حبيبتى أنا مش فاهمة انتى فين".

شهقت فريدة بعنف قائلةً:

- "أنا عند(.....) الحقيني".

- "طيب اهدى أنا جيا لك حالا".

- "بسرعة... بسرعة".

- "فريدة اهدى شوية وانتفسى فريدة.. فريدة".

وانقطع الخط...

- "ياربى اعمل أيه بس أه.. إياد".

رفعت هاتفها طالبةً إياد، الذى رد بعد فترة، فقد كان يتحدث مع أدهم:

- "أيوه يا جوري".

- "إياد الحقني يا إياد".

- "مالك يا جويرية فى أيه".

بصوتٍ بالكِ "فريدة يا إياد فريدة".

فزع إياد من نبرتها ونحيبها فقال صارخًا:

- "مالها فريدة انطقي".

وعندما سمع أدهم اسم فريدة هبَّ من مكانه صارخًا بدوره:

- "مالها فريدة يا إباد؟!!!".

أشار له إباد ليصمت قائلاً:

- "اهدي وقوليلي فى أيه".

قصت عليه جويرية ماحدث، وأملته العنوان قائلةً:

- "إباد أنا خيفة عليها قوي".

- "أفلى دلوقتي وما تتحركيش من البيت، وأنا هشوفها".

أخذ هاتفه ومفاتيحه وتحرك مغادرًا قائلاً:

- "معلش يا أدهم أنا لازم أنزل".

تحرك أدهم خلفه قائلاً بعصبية:

- "أنا جاي معاك".

نظر له إباد بتوتر

- "أيوه بس".

- ادهم باصرار "أنا جاي معاك يا إباد".

تحركا سوياً، وقص عليه إياد ما قالته زوجته، وأعطاه عنوان المكان المتواجدة به فريدة، حاول إياد الاتصال بها أكثر من مرة إلا أن هاتفها كان مغلقاً، دار بعقله الكثير والكثير من السيناريوهات، التي يمكن أن تكون قد حدثت في هذه الفترة، اقتربا من المكان فقال إياد:

- "عربيته أهي اقف يا أدهم".

قفز الاثنان من السيارة وتوجها لسيارة فريدة، التي لم يجدا أثراً لها داخلها، فقال إياد بعصبية، وهو يشد جذور شعره بكفيه:

- "ياربي أيه اللي حصل، أنت فين يافريدة!!".

فقال أدهم متوترًا، وهو يتقدم إلى مقدمة السيارة حيث وجدها متكورة على نفسها، وجسدها يرتعش

- "هنا يا إياد".

اقترب أدهم منها وما أن حاول لمسها حتى صرخت فريدة منهارة:

- "ابعد عنى ما تلمسنيش ابعده عنى".

كان إياد قد وصل إليها؛ فقال بهدوءٍ مشيرًا لأدهم بيده أن يتوقف:

- "ديده حبيبتى أنا إياد محدش هيلمسك متخافيش".

رفعت رأسها وهاله شكل عينيها؛ عندها شهق أدهم بقوة؛ فقد كان يسكنها خوف الدنيا كله، تلك العينان اللتان كانتا تحمل كماً هائلاً

من الحنان والبراءة، تحولتا في لحظة إلى خوف وفزع لا يستطيع أحد وصفهما.

نظرت لإياد بخوف وصرخت قائلةً: " ابعدوا عنى انتوا عايزين أيه".

ظلت تنكمش على نفسها طالبةً الحماية.

فقال إياد بهدوء: " اهدى يا ديدة اهدى أنا إياد يا حبيبتى".

نظرت له بخوف، ثم قالت بخفوتٍ، وبصوتٍ مبجوح:

- "رجع يا إياد رجع وه..ه...".

جثى إياد على ركبتيه واقترب منها ساحبًا جسدها إلى صدره، ولفها بذراعيه قائلاً بهدوء مناقض تمامًا لما يشعر به:

- "محدث هيمس شعرة منك، أنت معانا دلوقتي، محدش هيقدر يعمل حاجة متخافيش أبدًا".

تشبثت بقميصه بقوة؛ مما جعله يضمها أكثر حتى تهدأ، وقالت ببكاء يقطع نياط القلب:

- "ابعده عنى يا إياد وحياتى عندك، ابعده عنى ما تخليهوش يلمنى علشان خاطر ربنا".

هددها إياد برفق قائلاً:

- " اهدى يا ديدة محدش هيلمس شعرة منك طول ما أنا عايش، اهدى يا حبيبتى اهدى".

وقف أدهم يطالعا بحزن، وبقلب باكٍ، كيف لأحدهم أن يحاول إيذانك يا صغيرة!! أي عديم قلب وضمير سولت له نفسه بخدش براءتك، وزرع هذا الخوف بداخلك، عندها تحول حزنه إلى غضبٍ؛ واشتدت عروق رقبته، وضم قبضتي يده من شدة غضبه، وأقسم على النيل ممن أعطى لنفسه الحق لإيذائها بهذا الشكل، اقترب منهما؛ وجثا على ركبتيه بجوارهما، ووضع كفه فوق كتفها بهدوءٍ قائلاً بصوت منخفض وهادي، مناقضٍ تمامًا لما يشعر به:

- "أهدى يا فريدة محدش هيقدر يعملك حاجة أبداً طول ما أنا جنبك".

انتفضت فريدة من لمستته إلا أنها لم تبعده عنها، لكنها غرست وجهها في صدر إياد أكثر وأكثر؛ وبكت بشدة، ربت أدهم بكفه على رأسها مهدئاً، ثم اقترب من أذنها قائلاً بهدوء:

- "وحياة عنيكٍ ما حد هيلمسك طول ما أنا عايش على جنتي يا ديدة.. على جنتي".

هدأت فريدة بعد كلماته، التي لم تعلم كيف فجأة بثت بها الهدوء والأمان.

رفعها إياد ببطء من الأرض لكنها لم تستطع الوقف؛ وترنحت ببطء؛ فحملها بين يديه طالباً من أدهم أن يفتح لها باب سيارتها، جلست على الكرسي المجاور للسانق، وركب إياد معها، وعاد أدهم بسيارته.

عادوا جميعاً إلى فيلا إياد، حيث وجد جويرية تنتظره بقلق عند باب الفيلا.

تقدمت من السيارة وفتحت بابها ليهيئها منظر فريدة؛ فتربت على كنفها شاهقة:

- "فريدة أنتِ كويسة؟!!".

تنظر لها فريدة بخوف ولا رد سوى دموع غزيرة تتساقط على خديها، وجسد مرتجف من شدة الخوف، تشهق جويرية قائلةً بهدوء؛ حتى لا تفزعها أكثر:

- "فريدة حبيبتى ردي عليا".

ولا رد سوى شهقات خافتة.

أبعد إيداد جويرية عن الباب قائلاً بهدوء:

- "اهدي علشان ما تخفش، واطلبى الدكتور بسرعة".

اقترب من فريدة ببطء قائلاً:

- "ديده حبيبتى احنا وصلنا، أنا هشيلك اطلع اوضتك".

انكشفت فريدة فى مقعدها ضامة جسدها بذراعيها، وحركت رأسها بعلامة الرفض.

جلس إيداد أمامها القرفصاء قائلاً:

- "ديده أنا إيداد، أنت خايفة منى أنا أخوكى يا حبيبتى".

نظرت له بحيرة ودموعها منهمة على وجنتيها رافضة ما يقوله.

تنهد إباد برفق قائلاً:

- "ما تخافيش يا ديدة أنا جنبك، وجويرية كمان محدش هيعملك حاجة".

صرخت قائلةً:

- "لا أنا مش عايزة حد، سيبوني لوحدي سيبوني لوحدي".

ربط على كتفها مهدئاً:

- "اهدي يا ديدة اهدي مش انتي كنتي عندي الصبح، وقلتي إنك هتعدى عليا، أنا إباد يا ديدة".

اقترب أدهم منهما وعلامات الذهول على وجهه، جلس أمامها بجوار إباد ناظرًا لها بحب:

- "ديده مش هنتخانقى معايا، أنا أدهم يا ديدة".

نظرت له بحيرة وخوف إلا أنها هزت رأسها بعد برهة موافقة.

نظر لها إباد باستغراب لكن أدهم عاجلها قائلاً:

- "طيب مش ندخل جوا نتخانق ولا نفضل هنا كده".

نظرت له بعمق ثم حولت نظراتها لإباد وهي تشهق باكية، ثم مدت يديها له تتعلق بعنقه كطفله صغيرة وحيدة، ضمها إباد إليه بقوة مهدئاً منها قائلاً بصوتٍ خافتٍ:

- "اهدي يا حبيبتى اهدي".

ثم حملها بين ذراعيه، ودخلا الفيلا؛ صعد بها إلى غرفتها، ولحقت به جويرية قائلةً:

- "الدكتور فى الطريق".

أدخلها غرفتها ووضعها فوق سريرها بهدوء، وضمتها جويرية بين ذراعيها وانهارت كلتاها من البكاء،

ربت إياد على كتف جويرية قائلاً:

- "مش كده اهدى علشانها".

نظرت له من بين دموعها محرقةً رأسها بنعم حتى تهدئها.

وصل الطبيب وأعطاهها حقنة مهدئة سقطت على إثرها فى النوم مباشرة، خرجوا من غرفتها ووجدوا أدهم يستند بكتفه على الجدار المجاور للغرفة، وما أن رآهم حتى اعتدل فى وقفته، نظر له إياد بهدوء، وجويرية باستغراب فهى لم تع وجوده حتى وقتها.

توجه إياد بكلامه للطبيب:

- "خير يادكتور حسام".

- "زى المرة اللي فاتت يا إياد انهيار عصبى، بس الموضوع كده بقى صعب، فريدة لازم تتكلم معتش ينفع تسكت المرة اللي جايه لا قدر الله مش عارف ممكن يحصل إيه، على العموم الحقنة

هنتنيمها للصبح وبعدها لازم حازم يكون هنا ويتصرف معتش
ينفع يا إباد".

شهقت جويرية بقوة واضعة كفها على فمها حتى لاتصدر
صوتًا، أحاطها إباد بذراعه مقربًا منها إلى صدره قائلاً:

- "شكرا يا حسام مش عارف أقولك إيه، ربنا يسهل هكلم حازم
وهنشوف".

- "انت بتشكرنى على إيه احنا أهل، ولو حصل أي حاجة فى أي
وقت ما تترددش واتصل بيا على طول، أنت عارف فريدة إيه
بالنسبة ليا، أنا لولا المستشفى كنت استنيت بس غصب عني".

- "ولا يهكم يا حسام".

نظر له أدهم بغضب، فرغم خوفه على فريدة وحرزه عليها؛ إلا أنه لم
يتمالك نفسه عند سماعه لعباره حسام ومدى أهمية فريدة لديه، لم يفت
على إباد نظرة صديقه، لكنه يعلم أنه ليس بالوقت المناسب أبدًا لشعور
الغيرة الذي ينتابه حاليًا.

ودعا الطبيب وعادا إلى غرفة المعيشة، عندها تنحج أدهم قائلاً:

- "أنا همشى يا إباد وهكلمك اطمن عليها، ولو حصل حاجة
أرجوك يا إباد كلمني، أنا هستنى تظمني أرجوك".

نظر له إباد مهدئًا من روعه قائلاً:

- "ما تقلقش هي هتبقى كويسة اه صحيح..".

مد يده لجويرية فوضعت كفها بيده قائلاً بحب:

- "دي جويرية مراتي، وده أدهم الانصاري صاحبي يا جويرية".

شهقت جويرية بقوه قائلةً:

- "أدهم الانصاري".

نظر كلاهما لها باستغراب، فقال إياد:

- "أيوه يا جوري في إيه؟!!!".

ابتسم أدهم برفق:

- "هي حكتلك".

ابتسمت بتلقائية:

- "أيوه، وكانت مرتبكة جداً، بس ازاي أنت وإياد...".

تنهد أدهم قائلاً:

- "إياد هيحكيلك، أنا همشي دلوقتي واسيبكوا ترتاحوا، ومعلش

هتصل اطمن عليها".

ربت إياد على كتفه مطمئناً:

- "هتبقى كويسة بوجودك، دلوقتي أنا متأكد هتبقى كويسة".

- "يعني إيه؟!!!".

- "يعنى أنت أول حد نتكلم عن إحساسها عنه بعد الحادثة، وده شيء كويس، روح وبعدين نتكلم".

ودعها أدهم مغادرًا، وبعدها حكى إياد لجويرية كل ما حدث، وإحساسه بأن وجود أدهم سوف يساعد فريدة كثيرًا؛ بعدها اتصل بحازم وقص عليه كل ما حدث، الذى انفعل قائلاً:

- "الحيوان ده عايز منها إيه تاني، مش كفاية اللي عمله".

- "اهدى يا حازم مش كده، هي هنا دلوقتى، ومحدش هيمسها".

- "أنا هغير حجز الطيران وهنزل بكره، هبعثلك المعاد تجيلي المطار".

- "يا حازم هي كو...".

- "إياد انتهيينا أنا نازل، أشوف بقى ابن الدمنهوري هيعمل إيه والله لموته".

- "يا حازم مش كدة اهدا شوية، ولما تيجي نتكلم بس اهدا".

تنهد حازم قائلاً:

- "أنت ما شفتش حالتها الفترة اللي كانت فيها هنا، دي أوقات كانت بتخاف مني أنا.. فريدة يا إياد بنتي اللي مخلقتهاش، بتخاف مني من لمستى ليها، أنت فاهم".

- "فاهم يا حازم، وده اللي حصل انه ارده معايا، لولا وجود أدهم هو اللي خرجها من الخوف ده".
- "أدهم؟ أدهم مين؟".
- "أدهم الأنصاري".
- "الأنصاري؟ وإيه علاقته بفريده".
- "لا ده موضوع كبير لما تيجي هحكيلك، وإحساسى بيقول إن حالة فريده هتتحسن بوجوده إن شاء الله".
- "أنا مش فاهم حاجة".
- "لما تيجي يا حازم، المهم رتب الحجز وكلمني".
- "تمام لما تصحى خليها تكلمني، عايز اطمئن عليها".
- "فى الغالب هتصحى بكره، حسام قال الحقنة هتنيمها".
- "يبقى هتصحى تلاقيني جنبها بإذن الله".
- "إن شاء الله".
- "لا إله إلا الله".
- "سيدنا محمد رسول الله".
- تملمت فريده فى سريرها تشعر بالام رهيبه فى جسدها فتحت عينيه ببطء تحاول تذكر اين هى لكنها لاتذكر شىء لاشىء

سوى انها كانت بمكتب اriad ورايتها لادهم بدات الاحداث تتوالى على ذهنها حتى وصلت الى تلك المكالمه التى اعادتها للوراء سنه ونصف شهقت بعدها بعنف عندها فتحت الاضاء المجاوره لسريرها فشهقت بعنف اكبر ونظرت لجوارها الى انها لم تستطع تبين ملامح الشخص المجاور لها فهبت من الفراش فزعه وهى تشهق وبنبره مهتز حائفه

- " ابعـد عني انت عايز منى ايه ابعـد عني "
- اقترـب منها حازم بسرعه مهدئا لها محاولا لمسها حتى تهدء
- اهدى يا فريده اهدى انا حازم يا حبيبتي "
- ابعدت يديه عنها وهى تضربه باكيه
- "لا ماتلمسنيش ابعـد عني "
- حاول تهدئتها الى ان دخلت جويريـه واياـد الغرفه بسرعه فقالت جويريـه وهى تقترب منها
- "ايه الاحصل اهدى يا فريده اهدى "
- فريده بهسيريا " ابعـدوا عني عايزين منى ايه ابعـدوا عني "
- فقال اriad
- "لازم تاخذ المهدىء "
- فقال حازم بقوه
- " لا مافيش مهدىء "
- نظر لها وامسك كتفيها بقوه صارخا بها

- انت هتقدرى تخرجى من الا انت فيه انتى اقوى من كده مافيش مهدىء تانى فريده اهدى انت قويه ليه مش عايزه تتكلمى ..
- اتكلمى خرجى الا جواكى صرخى عيطى بس اتكلمى انا مش هسيبك تضيعى منى اتكلمى يا فريده قولى حاسه بايه"
- نظرت له بضعف قائله
- "وهيفيد بايه"
- نظر لها بحنان قائلا
- "هترجى فريده بتاعت زمان"
- نظرت له نظرة حزينة، وقالت:
- "أنا عايزة أنام".
- وضعت رأسها على الوسادة مرة أخرى إلا أن حازم هتف بها قائلاً:
- "لا يا فريده مش هتنامى".
- مسكها من ذراعها بعنف وأجلسها مرة أخرى على الفراش:
- "مش هتهربى يا فريده معنش ينفع".
- احتدت قائلةً:
- "أنا عايزة أنام سيبني أنام".
- "وأنا قلت مش هتنامى كفاية لحد كده اتكلمى".
- صرخت قائلةً:

- "كفاية بقى كفاية انتوا محدش حاسس بيا، محدش عارف أنا فيا
أيه ارحموني بقى".

نهضت من الفراش سريعاً محاولاً الخروج من الغرفة، ولكن إياد وقف
بوجهها قائلاً بتهديد:

- "فريدة".

زمجرت بوجهه:

- "ابعد عني يا إياد".

- "اهدي يا فريدة".

صرخت قائلةً: مش ههدا مش ههدا، ومش هتكلم سيبوني فى حالي
بقى".

امسكها حازم من ذراعها بقوة:

- "انتى ليه متترفضة كده، احنا عايزين مصلحتك، اتكلمي علشان
ترتاحي".

نزعت ذراعها من كفه بقوة قائلةً والدموع تنهمر على خدها:

- "اتكلمي اتكلمي اتكلمي، عايزيني أتكلم... حاضر يا دكتور
حازم، حاضر يا باشمهندس إياد، عايزيني أقول أيه، اقولكوا إن
حببت كريم، حبيته أكثر من أي حد فى الدنيا، وإنى كنت عايشة
معاه أحلى أيام حياتي، وإنى كنت مستتية جوازنا بفارغ الصبر؛

علشان أكمل عمري معاه؛ علشان ولادي بيقوا منه؛ علشان
أصحى الصبح ألاقي حبيبي جنبي، اقولكوا إيه...

إن كريم اللي حبيته واديته كل إحساس حلو، وكل كلمة حب، وكل لحظة
اهتمام وخوف وحنان؛ طلع جبان خاين حيوان، ما بيدورش إلا على
مزاجه وبس، اقلكوا إن كريم بيه الدمهورى ابن سامح بيه الدمهورى
ابن الحسب والنسب طلع مدمن مخدرات، طلع تاجر سلاح.

شهقت باكية وأكملت: ولا اقولكوا إيه اقولكوا إن المحترم اللي كنت
هبقى مراته قبل أيام من فرحنا جالي سكران ومتعاطي كوكايين هو
وأصحابه وحاول".

سكتت قليلاً وخفضت رأسها وانهارت باكية، اقترب حازم منها ورفع
رأسها ونظر فى عينيها بعمق وقلق قائلاً خانفاً من ردها على سؤاله:

- " حاول إيه يا فريدة؟!!!"

نظرت له بخوف، وظلت تبكي، ردد حازم سؤاله مرة أخرى بخوف
أكبر وهو ينظر إلى عينيها برجاء:

- " حاول إيه؟!!!"

اغضت عينيها ألماً، فقد كانت تحاول جاهدة أن تنسى كل ما حدث،
كانت تحاول الخروج من تلك الذكرى المؤلمة باحداث نسجها خيالها إلا
أن كل شيء يُعاد أمام ناظريها كأنه يحدث الآن، توالى عليها ذكريات
ذلك اليوم فى ثوانٍ، كانوا جميعاً يحترقون من الانتظار؛ فكلما كانت
نصل سكين حاد يقطع قلوبهم، شهقت بقوة وفتحت عينيها بضعف،

وهاله ما رأى فيهما من خوف بل رعب، وكأنها ترى الشيطان أمامها
إلى أن نطقت بصوت مبحوح:

- "حاول يغتصبني".

شهق كل من إباد وجويرية بقوة؛ فإباد لم يكن يعلم، أما جويرية فتعلم ما
بصديقتها ورفضها البوح لأي من أخويها بما حدث وقتها وكيف يحاول
عقلها تزييف الحقائق ، أما حازم فظل ينظر فى عينيها متسائلاً: كيف
يحدث كل هذا يا صغيرتي دون أن تبوحى، كيف استطعتي تحمل كل
هذا الألم بمفردك، إلا أنها أخرجته من أفكاره بإضافتها:

- "هو واصحابه".

الفصل الرابع

انتفض حازم إثر كلماتها، وشدها إلى صدره يحتضنها بقوة، يزرعها بداخله علّه يمحي كل آلامها وعذابها، تثبتت بقميصه بقوة تاركةً لدموعها حرية الانهمار، فطالما كتمت تلك الدموع كثيرًا، خذلتها قدميها، فسقط جالسًا بها على الأرض حاضنًا إياها أكثر وأكثر، ولم يشعر بدموعه المنهمرة على خديه، فهي حبيبته وابنته الصغيرة، كيف لم يشعر بها كل هذا الوقت، كيف كان غائبًا عنها، لطالما كانت سعيدةً، كان دائمًا يرى نظرات حباها لكريم وحبها لها، فكيف خُدع... كيف..؟؟

شدت زراعته حولها، كان يحدث نفسه قائلاً:

- "كيف أمحو عنك ألمك يا صغيرتي؟ كيف؟"

ربط إياد على كتفه برفق قائلاً بهدوء يناقض ذلك الغضب المتمكن منه:

- "قوم يا حازم".

نظر له حازم وكأنه لأول مرة يراه، كان يبكي كما لم يبكي قط، إياد الفايذ الذي لم يره في عمره كله يبكي.

بكى بكى على تلك الصغيرة المتلحفة بحضنه من غدر وألم، لم يستطع حمايتها منه؛ فقال بذهول:

- "ازای یا ایاد ازای، کنا فین، ازای معرفناش کل ده، ازای قدرت
تشیل کل ده، ازای اتحملت کل ده، ازای؟! "

تنهد ایاد برفق ماسحًا دموعه بکفه:

- "قوم یا حازم کلنا محتاجین نهادا علشان نفهم، قوم."

وقف حازم حاملاً فريدة الباكیة بین ذراعیه، غارسًا رأسها فی صدره،
خرجوا جميعًا من غرفتها، وتوجهوا لغرفة المعيشة، وجلسوا جميعًا،
جلس ایاد و بجواره جویریة، التي التجأت إلى حضنه تخفي رعشة
جسدها وألمها على صديقة عمرها، وجلس حازم محتضنًا فريدة بقوة،
رافضًا تركها لإحساس الألم والضياع الذي شعرت بهما؛ فهو المسؤول
عنها، هو السبب، كيف تناسوها هكذا، وكيف غفلوا عن كريم.. كيف؟
تنهد ایاد قائلاً:

- "بالراحة یا فريدة واحكيلنا كل حاجة.

نظرت له فريدة بحزن:

- "أنا فعلا محتاجة أتكلم، معنتش قادرة استحمل أكثر من كده.

ضمها حازم برفق واضعًا ذقنه فوق رأسها، تنهدت وقالت:

- "مكنتش حاسة بأى حاجة غير إنى بحبه، لما كنت بشوفه كنت
بحس إنى طایرة، حب الدنيا كله كنت بشوفه فى عنيه، طبيته
وحنیته كانت دایمًا بتفكرنى بيكوا، كنت واثقة إنه هیحافظ علیا،
وهیحمنى ویحبنى.. "

الفترة اللي كنت معاه فيها كنت بحس إنى مطمئنة، عمرى ما خفت من حاجة، ولا من حد، كان دايمًا بيحسنى إنه ظهري وسندي زي ما كنتوا بتعملوا بالظبط، معاه حسيت إن خلاص هيبقى ليا البيت والعيله والولاد، الأمان والحنان اللي كنت عيشاهم معاكوا، أوقات كان بيبقى عصبي قوي بس كان دايمًا يقولى علشان الشغل، كان بيبستاذن يدخل الحمام ويرجع بعدها ولا كان فى أي حاجة، لحد ما مرة ضربني، سكتت قليلاً وشعرت بجسد حازم يتصلب تحت جسدها، أحاطت صدره بذراعها وأكملت باكية:

- "يومها كنا فى النادي، وقابلنا واحدة عاملته بشكل أنا نفسي ما كنتش بعامله بيه، ولما مشيت واعترضت على تصرفه، وإنه ما احترمش وجودي معاه، وإن المفروض فى غيابي أو وجودي لازم يحترمني؛ اتعصب عليا وشدينا مع بعض؛ ومحستش بيه إلا وكفه على خدي، وقتها انهزت ومشيت وسيبته، قعدت بعدها أكثر من أسبوع لا كنت بكلمه ولا بشوفه، كنت حاسة إنى موجوعة منه قوي...

قال إياد:

- ده الوقت اللي قولتي إنه مسافر بره مصر".

هزت رأسها موافقة:

- ما كنتش عايزة حد فيكوا يعرف حاجة؛ علشان كنت متوقعة رد فعلكوا، وقتها قلت هو هيعرف إنه غلط وهيعتذر، ومش هيكورها تاني، وحصل ورجع ندمان، وحلفلي إنه عمره ما هيعمل كده

تاني، وإنه ما يقدرش يستغنى عني؛ سامحته زي الهيلة، وعديت الموضوع، لحد ما في يوم قبل فرحنا بأسبوعين كنا في حفلة، دخل هو وواحد صاحبه أوضه، لما غاب رحنا أشوفه لقيتيه مع واحد صاحبه بيتكلموا عن شحنة سلاح ومخدرات ومواعيد تسليم وحجات كتير، وقتها من الصدمة ما كنتش فاهمة يعنى إيه.

مقدرتش استحمل دخلت لقيتيه بيشم هيروين، وقتها معرفتش أنا بقوله إيه ولا بعمل إيه، اقعنى إنه كان بيحرب بس، وإنه مش بيتعاطى ولا إيه فيه، وخرجنا من الأوضه وهو طبعا ما عرفش إنني سمعت حاجة، ولما طلبت أروح قالي شوية وهنمشي، وبعدها بدأوا يلعبوا ورق، وقلب على فلوس، ولما طلبت إننا نروح قالي لسه بدري، وعادي والكل يلعب.

وبدأوا يتزاهنوا، وكانت النهاية لما واحد صاحبه خسَّره كل اللي كان معاه؛ بعدها قلنله كفاية كدة وياله نروح؛ اتنرفز عليا وزعقلني قدام الناس؛ سيبته ومشيت رجعت على شقتي؛ انهارت وعيطت مكنتش عارفة أعمل إيه، وقررت إنى هسيبه حتى لو رجع زاحف.

يومها الساعة أربعة الفجر ضرب جرس الباب؛ فكرت حد فيكوا، وقتها كنتوا بتروحوا وبتيجوا من سفرکوا على الشقة قبل جواز إياد وجويرية؛ ففتحت من غير ما أعرف مين على الباب؛ واتصدمت لما لقيتيه هو، وكان معاه اثنين أصحابه، سكران وحالته حالة، ومش شايف قدامه، طردته من على الباب، وقلت له إن كل حاجة انتهت، واتخانقنا، ولما أصواتنا عليت اتهم عليا وحاول...

شهقت باكية بقوة وأردفت: حاول يغتصبنى وأصحابه حاولوا يمسوني؛ صوتي خلى الأمن اللي فى العمارة يطلع، وهما اللي انقذوني من أيديهم قبل ما يعملوا أي حاجة، وضربوهم، وكانوا هيطلبوا البوليس، وأنا رفضت وهددته إنه لو اتعرض لي تاني مش هتردد، وهحبسه... ضمها حازم إليه بقوة وغضب قائلاً:

- "وازاى محكتيش كل ده، ازاي سكتي".

ضمته بقوة قائلاً:

- "كنت خايفة، كنت خايفة قوي ما قدرتش أتكلم، ما كنش عندي استعداد أأذيكوا؛ أنت فاهم يعني أيه مخدرات وسلاح، يعنى مافيا، وقتها طلبت جويرية؛ وجتلي وحكتلها كل حاجة.

شهق إباد بقوة ناظرًا إلي جويرية:

- "انتي كنتي عارفة كل ده ومتكلمتيش؟!".

نظرت له بخوف:

- "ما كنش ينفع أتكلم، دي صحبتي، ما كنش ينفع أخون ثقتها فيا".

صرخ قائلاً:

- "وأنا جوزك يا هانم ازاي تخبي عليا، افضوا كان جراكوا حاجة، ولا اتهجموا عليكوا تاني".

شهقت بقوة:

- "مكنش ينفع، أنت مكنتش شايف حالتها عاملة ازاي".

صرخ حازم:

- "مش وقته يا إيد، مش وقته".

- "بعدها مكنتش عايزة اتكلم ولا اشوف حد، لحد ما في يوم صحيت لقيت نفسي ما بتكلمش، وصوتى مش طالع، وقتها وصلتلوكوا إني هسيب كريم؛ لأنه خاني مع واحدة تانية قبل فرحنا، وانتوا وقتها وافقتوني على أى حاجة بعملها، وبعدها انتوا عارفين كل حاجة".

تنهد حازم قائلاً:

- "وايه اللي حصل أول امبارح".

قطبت جبينها حائرة قائلةً:

- "أول امبارح!!! إيه اللي حصل؟؟".

- "إيه اللي خلاكي تنهاري كده؟".

شهقت قائلةً:

- "هو أنا نمت يومين؟!!!".

أجابت جويرية بشفقة:

- "أيوه يا حبيبتي، انتي كنتي منهارة، وحسام ادالك مهدئ نمتي يومين، أنتي مش واخده بالك إن حازم هنا".

وكانها اكتشفت وجود حازم، فابتعدت عنه مندهشة:

- "حازم إيه ده أنت هنا فعلاً!!".

ابتسم برفقة؛ وضمها إليه:

- "لسه واخدة بالك"

نظرت له بعينين مغرورقتين بالدموع وضمت نفسها إليه مره اخرى

فقال برفق:

- "هنا، ومش هسيبك تاني أبداً، المهم إيه اللي حصل وخلاكي تنهاري كده؟!".

بكت قائلاً:

- "اتصل بيا".

رد إياد بغضب:

- "الحيوان ده عايز إيه".

مش عارفة، مقدرتش اسمع صوته، خفت قوي؛ قفلت السكة وكلمت جويرية، وبعدها أنت جيت احدثتي، افكرت كل حاجة عملها فيا".

ضمها حازم إليه بقوة؛ فاجهشت بالبكاء، مما جعل جويرية تبكي هي الأخرى؛ فضمها إياد إليه قائلاً بمرح ليخرجهم من ذلك الجو الحزين:

- "مهما عيطي يا جويرية لسه حسابك معايا عسير".

نظرت له باكية تستعطفه:

- "مكنتش هعرف أخونها".

- "بس تعرفي تخبي عليا!".

شهقت بحدة قائلةً:

- "أبدأ والله بس.. بس..".

نظرت لفريده قائلةً تستنجد بها:

- "ديده قوليله، والله يا حازم هي اللي قالتلي".

ابتسم حازم برقة ناظرًا لفريده:

- بس مش هتخبوا علينا حاجة تانية مفهوم.

قالت جويرية بسرعة:

- مفهوم.

نظرت له فريده وضمت نفسها لحضنه أكثر دون أن ترد فهمس في أذنها برقة:

- مفهوم.

فهزت رأسها بنعم دون أن تتحدث، هدأت بين ذراعيه عندها قام إياد وجويرية ليتركاها بمفردهما تنهد حازم وقال برفق:

- ازای خبیتی علیا ازای تشیلی لوحدك كل ده.

تنهدت بتعب

- مكنتش عارفة أعمل ايه كنت خايفة ومرعوبة، خفت عليكوا كلكوا، عارف لما تبقى بترسم أحلام مع شخص بيبقى هو كل حياتك، شخص بيبقى هو النفس اللي بتتنفسه الشخص إلى بيدخل حياتك دون إذن... وبيملی الفراغ اللي كان فيها.. الشخص اللي كان وجوده بيملى حياتك بسمه وفرح وأمان، حب وسعادة الإنسان ده اتحول فجأة بقى حد ما اعرفهوش، شيطان فى هيئة بني آدم أول ما قربلى كنت حاسة إن تعبان بيلمسنى، نفسه ريحته صوته كل حاجة كنت بعشقها فيه حاسيتها بتخنقني، بقيت بضرب فيه بقاومه لدرجة إنى حسيت إن جسمى كله بعدها وجعنى برغم إن الموضوع مخدش أكثر من خمس دقائق وكان الأمن موجود فى الشقة، بس حسيت إنى كنت بحارب، ولما هديت وقتها بقى فى صوتين فى دماغي.. واحد عمال يقول بلغى عنه ده مجرم، والتانى كان بيقول حازم.. إياد... جويرية الصوتين كانوا دايمًا بيتصارعوا؛ لحد الصوت التانى ما غلب، خوفى وقلقى عليكوا غلب، اجهشت بالبكاء مضيضة هعيش ازای من غيركوا، ازای هتحمل إن حد فيكوا يحصله حاجة بسببى، مكنتش هقدر مكنتش هقدر يا حازم.

تنهد قائلاً:

- الحمد لله على أى حال، المهم انتي دلوقتي كويسة وبيننا، وأنا مش هسببك تانى أبدًا.

- حازم أنا خايفة قوي قوي.

ضمها إليه مقبلاً رأسها قائلاً بقوة، وفي عينيه نظرة غضب وانتقام:

- محدش هيمس شعره منك، انتي بنتي يا فريدة مش اختي، المهم ما تخبيش عني أي حاجة تاني يا فريدة، أي حاجة حتى لو صغيرة فاهمة!

ردت بصوت مجهد:

- حاضر يا حازم حاضر.

فى صباح اليوم التالي جلس إياد مع حازم فى الشركة:

- ها يا حازم ناوي علي أيه؟!

نظر له حازم ملياً وتنهد قائلاً:

- فى إييه؟

نظر له إياد بغضب:

- حازم أنا إياد.

حازم بلا مبالاة

- تشرفنا أهلا وسهلا.

- بطل سخافة وقولي هتعمل إييه فى موضوع كريم.

تنهد إِيَاد بعمق ونظر لحازم بغضب وبادله حازم نظرته بقوة زافرًا.

قال إِيَاد:

- أنا هكَيْلك.

سرد إِيَاد على أدهم كل ما قالته فريدة، وعندها لم يتمالك أدهم أعصابه،
ووقف غاضبًا

- ابن ال.... الحيوان، وفريدة ازاي تسكت على كل ده ازاي.

- اتهد انت كمان هو أنا قادر عليه علشان تعمل كده انت كمان.

- عايزنى أعمل إيه بعد كل اللي حكيتهاولى ده، أنا هابن عليا أضربه
بالنار، بس بعد ما أقطع فى جسمه وهو حي.

ضحك حازم باستهزاء:

- ما شاء الله ده انت أفكارك غلبت على أفكارى.

هب إِيَاد واقفًا صارخًا فى كليهما:

- بصوا بقى انتوا الاتنين، أنا مش هسمح ليكوا بأى تصرف متهور،
أنا معنديش استعداد أخسرکوا انتوا الاتنين فاهمين ولا لأ، كريم
الدمنهوري ده تشيلوه من دماغكوا تمامًا فاهمين ولا لأ.

تبادل أدهم وحازم النظرات، وقال حازم:

- ماشى يا إِيَاد.

- وانت لو عايز فريدة بجد يبقى تبعد عن الموضوع ده تمامًا فاهم ولا لأ، فريدة تعبت قوي وكفاية عليها كده.

نظر له أدهم بحنق:

- آسف يا إياد المرة دي مش هقدر مستحيل اسيبه.

- انت بتقول أيه يا أدهم!؟

- قلتك مش هقدر اسكت والموضوع انتهى

- يعنى هتعمل إيه.

- هموته.

- والله وتروح فى داهية... وفريدة؟؟؟

- افهم يا إياد أنا هعرف ازاي اتعامل مع الأشكال دي وأنا بعيد.

- اسمع يا أدهم فريدة فى كفة وانتقامك اللي ما لوش لازمة من ابن
الدمنهوري في كفة، وأنت اختار

- أيوه يا إياد بس...

صرخ إياد غاضبًا:

- من غير بس، انتهينا.

زفر أدهم بغضب:

- حاضر يا إِيَاد، حاضر.
- جاتكوا القرف أنا مش فاهم انتوا ازاي دكتور والتاني رجل أعمال.

قال حازم بحق::

- ما خلاص بقى يا إِيَاد.
- بلا إِيَاد بلا هباب.

قال أدهم:

- طيب أنا عندي معاد مهم ولازم أمشي.

قال حازم:

- ما تيجى تتعشى الليلة معانا، وأهى فرصة أنت وفريده تتكلموا.

نظر إِيَاد لكليهما قائلاً:

- يتكلموا فى إِيِه.

نظر حازم لأدهم قائلاً:

- أدهم طلب إِيَاد فريده مني، وأنا معنديش مانع، بس القرار الأول والأخير لفريده.
- وده حصل أمتى ده.. ده أنت لسه جاي من يومين.

- لما جابنى من المطار حكالي على كل اللي حصل.
 - ربنا يسهل.. أدهم فريدة مش مستقرة نفسيًا، بالراحة عليها واديها فرصة تخرج كل اللي جواها.
- تنهد أدهم بحب:

- هديها عمري كله فرصة، بس هى تبقى جنبي، انتوا مش متخيلين أنا بحبها قد أيه.
- فقال إياد بحنق:

- طيب اتلم بقى أخواتها الاتنين واقفين.
 - اتلم اتلم أنت ايه يا ابنى حد مسلطك عليا، أنا ماشي.
- قال حازم:

- هتيجي بالليل؟
 - أكيد.. سلام.
- خرج أدهم من الشركة وتناول هاتفه وطلب رقم أحدهم..
- الو

- أدهم الأنصارى أيه اللي فكرك بيا؟!!!
- انت فين عايزك.

- فى المكتب فى إيه يا أدهم!!

- لما أجبك.

- مستنيك.

عاد حازم وإياد إلى المنزل ووجدوا فريدة فى حديقته الفيلا بمفردها، نظر لها حازم بحزن فربت إياد على كتفه قائلاً: بهدوء.

- هتبقى كويسة فريدة قوية.

- خايف عليها ومش مسامح نفسي إنى مكنتش جنبها ومحستش بيها.

- انا كمان مش عارف استوعب كل اللي حصل وقالته، وازاى كلنا انشغلنا عنها وسبناها له، بس على العموم إن شاء الله اللي جاى أحسن، وهتخرج من اللي هى فيه، وافتكروا أدهم هيقدر يساعدها هو فعلاً بيحبها.

- ربنا يسهل أنا هروح أقعد معاها شوية.

- ماشى وأنا هدخل أشوف جويرية.

توجه حازم لفريدة ومال على أذنها قائلاً بهدوء:

- بتفكر فى مين يا جميل غيري.

انتفضت فريدة بحدة، صرخت برعب:

- حازم حرام عليك فزعتني.

اشفق حازم عليها؛ فاقترب منها رابتًا على كنفها بحنان:

- ما تخفيش يا ديدة محدش هيقدر يجي جنبك، وكمان فى حرس من الصبح على الباب محدش هيدخل غريب أبدًا ما تفلقيش.

تنهدت فريدة ببطء:

- أسفة يا حازم غصب عني.

ضمها حازم إلى صدره قائلاً:

انا اللي أسف يا فريدة إنى مكنتش جنبك يا حبيبتى، أنا مش عارف أسامح نفسي أبدًا إنى مكنتش موجود، وإنى فى زحمة مشاغلي نسيته.

أبعدها عنه قليل ناظرًا لعينيها.

- سامحني يا فريدة سامحني يا حبيبتى.

قبلت خده برفق قائلة:

- يا حبيبي يا حازم ما تقلش كده، أنت أخويا وأبويا وابنى كمان، مقدرش أزعل منك، أنا كمان غلط لما خبيت عليكوا اللي حصل.

- الحمد لله على أى حال، قليلى بقى...

- إيه!!

- أدهم الأنصاري.

انتفضت قليلا وابتعدت عنه متصنعة الغضب:

- ده أوقح إنسان شفته فى حياتي.

نظرت له بريبة قائلةً:

- انت تعرفه منين يا حازم.

ابتسم بحنان قائلاً:

- بصي بقى يا سיתי أدهم أنا أعرفه من أكثر من ثلاث سنين، بس على طول هو كان بره مصر، ومكنش فى فرصة انكوا تتقابلوا لحد من كام أسبوع.

- يعنى أنت كمان صاحبه، هو إيه بيحاصرني.

قهقه حازم بقوة:

- بيحاصرك إيه بس يا حبيبتى.

غضبت منه:

- بتضحك على إيه انت ما شفتش بيطلعلي فى أي حته ده إنسان غريب فعلاً.

نظر لها حازم بابتسامة خبيثة تعلقو شفتيه:

- امممم غريب بس..

نظرت له قائلةً:

- تقصد إيه؟!!

- مش اتفقنا مش هتخبي عنى حاجة.

- أكيد.

- طيب ممكن تحكيلى حاسة بايه.

- حاسة بايه من ناحية إيه.

- أدهم.

- يا ادى أدهم، إيه يا حازم انت أدهم شغلك ليه كده.

- امممم افهم من كده إنه مش شاغلك انتى كمان.

نظرت له بحق قائلةً:

- لا مش شاغلى ولا هيشغلى، عن إيدك بقى أشوف جوجو بتعمل إيه.

نهضت واقفة وما أن ابتعدت عنه قليلا حتى هتف بها قائلاً:

- طالما كده يبقى معندكيش مانع بقى إنه يبقى معانا على العشاء انهارده.

توقفت فى منتصف الطريق وعلت خديها حمرة خفيفة وقالت فى نفسها
أدهم جاى ... عشاء....

هتف بها حازم قائلاً:

فريدة .. فريدة.

تصنعت الغضب قائلةً:

خلاص يا حازم سمعت عن إبنك بقى.

ضحك حازم بخفة على ارتباك اخته، ثم تنهد بعمق، وتناول هاتفه وطلب رقمًا هامًا كان قد نسيه فى متاهة الحياة.

الفصل الخامس

- الوو..
- أهلا يا حازم ولا أقول يا دكتور حازم.
- لا يا عمى حضرتك عارف انت عندى إيه.
- وده اللي خلاك تغيب عن عمك كثير كده.
- مشاغل والله يا عمى أنا آسف.
- لا يا حبيبي أنا يهمنى بس اطمن عليك وعلى فريدة، هى عامله إيه.
- الحمد لله بس الحقيقة كان فى موضوع بخصوص فريدة كنت حابب أقابل حضرتك بخصوصه.
- أكيد يا حبيبي تشرفني فى أي وقت.
- تسلم يا عمي ربنا يخليك.
- هستناك وسلملي على فريدة وإياد.
- يوصل بإذن الله السلام عليكم.
- وعليكم السلام.

تنهد رفق بعد أن أغلق الخط ولم يمهله إياد فرصة حتى هتف بحنق:

- ما فيش فايذة برده عايز تنبش فى الموضوع.

تكلم حازم بغضب:

- دى هوإيه جديده عندك ولا إيه.

- ما تغيرش الموضوع.

- إياد افنكر انت أكثر واحد عارفنى كويس قوي، يمكن أكثر من نفسي، تفنكر إنى ممكن أسيب كريم بعد اللي عمله ده.

- أيوه يا حازم بس..

- من غير بس يا إياد يا تيقى معايا يا تبعد عن الموضوع تمامًا، وبعدين انت شايفنى بلطجي يعني، ولا هأجر اتنين يموتوه برغم إن ده منايا يعني.

- امال هتعمل إيه.

- هسلمه للحكومة.

إياد بفرع:

- حكومة حكومة إيه انت كنت بتكلم اللوا إسماعيل.

- أيوا يا إياد أنا مش هسيب كريم إلا لما أوصله لحبل المشنقة.

- أنت اتجننت رسمي، انت فاهم انت بتقول إيه، انت كده بتحط إيدك فى عش الدبابير.

- ودى فريدة يا إباد.

- ايوه يا حازم بس...

- قلتلك من غير بس ما بقاش حازم أبو العزم لو ما سلمتوش لحبل المشنقة.

نظر له إباد بقوة وبادله حازم نفس نظراته، التى علم كلاهما إنه لن يغير شىء إلى أن قطع حازم تبادل النظرات قائلاً:

- ها معايا ولا هتبعده؟!!

زفر إباد بقوة قائلاً:

- معاك طبعاً، وربنا يستر.

- مش عايز البنات يعرفوا حاجة فاهم.

- أكيد انت متخيل إن لو واحدة فيهم عرفت إيه اللي هيحصل بس على كده لازم نرتب حجات كتير؛ علشان نبقى مطمئنين عليهم.

- تمام بس من غير ما يحسوا.

- تمام الليلة هكلم حد يزود الحراسة وهبعت نركب كاميرات مراقبة، وحرس خاص بس من بعيد، وكل التليفونات تتراقب، وخاصة تليفون فريدة طالما كريم ظهر يبقى هيرجع يتكلم تاني.

- ربنا يستر.

فى المساء

كانت فريدة فى غرفتها لم يكن لها رغبة حقيقية فى مقابلة أدهم، واحتمال ضغطها على أعصابها فى حضوره؛ لذا أثرت البقاء فى غرفتها لتقرأ، وتسمع الموسيقى وتريح أعصابها من كل شيء.

قبل العشاء بساعة سمعت دقًا على باب غرفتها، أذنت للطارق بالدخول. وجدت جويرية التى ما أن رأتها حتى صرخت غاضبة:

- فريدة إيه ده انتى لسه ما لبستيش.

نظرت لها فريدة بلا مبالاة قائلةً: وهلبس ليه!!

- هو انتى مش هتتعشى معانا ولا إيه.

- لا ماليش نفس.

- فريدة انتى بتهربي.

- جويرية الله يكرمك فكك منى واقفلى الموضوع ده أنا أصلا مش فايقاله.

اقتربت منها جويرية قائلةً:

- يا ديدہ كده مش هينفع يا حبيبتي احنا قلنا تدي لنفسك فرصة
واعرفي أدهم وبعدين شوفي انتي عايزه إيه.

صرخت فريده غاضبة:

- يا جويرية مش حابة، مش عايزة، مش قادرة، ارحميني بقى
وبعدين انتي عارفة كويس قوي إنه ما ينفعش ولا نسيتي.

جويرية مهدئة لها: اهدي يا فريده مش كده، وبعدين انتي لازم تحكي
لحازم وإياد كل حاجة، كل حاجة يا فريده.

صرخت فريده بحده:

- انت اكيد اتجننتي لا طبعا مستحيل.... واوعي تحكي لإياد حاجة
فاهمة ولا لأ.

دخل إياد على صراخ فريده قائلاً بلهفة:

فى إيه مالك يا فريده.

- إياد الله يخليك خد مراتك وسيبوني فى حالي.

- طيب اهدي حصل إيه بس.

صرخت غاضبة:

محصلش... محصلش عايزة ابقى لوحدي إيه المشكلة!

رد إياد مهدئاً لها:

- ماشى يا فريدة بس انزلى اتعشى واقعدى معانا، وابقى اطلعي.

- مش عايزة اغنيها، انت ايه بقيت لحوح زيها كده ليه!

دخل حازم الغرفة على أصواتهم:

- فى إيه، إيه اللي بيحصل مالك يا ديدة.

نظرت له فريدة متوسلة:

- حازم وحياتي خدهم واطلعوا بره، عايزه أفضل لوحدي.

- ماشى يا ديدة حاضر، بس انزلى اتعشى معانا وبعدين اطلعي اوضتك.

وضعت كفها فوق رأسها بغضب:

لا انتوا أكيد متفقين عليا، انتوا إيه الإلاح اللي بقيتوا فيه ده، مش واكله مش عايزه أكل لا أرغب فى الأكل..

I don't want to eat

Je ne désire manger

اقلهالكوا بأى لغة تاني!!

زمر حازم بوجهها، وقال غاضبًا:

فريدة افنكر تهدي بقى، وبلاش شغل العيال ده.

صدمتها لهجته مما جعلها تغضب أكثر وترفع صوتها:

- حاللازم...

- بلا حازم بلا بتاع، اتفضلى غيري هدومك وانزلي انت مش طفلة صغيرة هنتحايل عليها علشان تنزل تتعشى

اختنق صوتها بدموعها:

- حازم أنا م.....

قاطعها حازم بغضب:

- عشر دقائق يا فريدة مش أكثر وتكوني تحت.

وجه كلامه لإياد وجويرية:

- وانتوا اتفضلوا على تحت.

أومات جويرية برأسها موافقة، ونظر له إياد نظرة معناها اهدا يكفى هذا، خرج حازم ووقفت جويرية وإياد ينظران لفريدة، التى اختنقت دموعها حاولت جويرية حثها على الهدوء قائلةً:

- ديده حازم ما...

- انزلى يا جويرية وأنا هاجي وراكي.

نظر إياد لجويرية محرگًا رأسه بمعنى أن تخرج، تنهدت خارجةً، نظرت فريدة لإياد قائلةً:

- هتفضل واقف كده كتير انت كمان!!

اقترب منها إباد رابتًا على كتفها قائلاً بهدوء: ممكن تهدى شوية ما فيش داعي لكل الدراما دي.

نظرت له بغضب قائلةً: دراما!!... انت شايف إني بعمل دراما يا إباد!
أمسك إباد كفها وسار بها إلى سريرها وجلسا رابتًا على كتفها بذراعه:
يا ديدو أنا وانتى فاهمين إن قد إيه انتى قوية، إيه مش عايزه تواجهي
اللي حصل، إيه مش عايزه تعيشي حياتك تاني!!
شهقت باكية:

- مش قادرة يا إباد، والله حاولت مش قادرة.

ضمها إلى صدره بقوة قائلاً:

- عيطي يا فريدة، عيطي.. صدقيني دموعك دي هتمسح كل التعب
اللي جواكي.

تشبثت بقبضتيها فى قميصه وانهارت باكية إلى أن هدأت، فقال مداعبًا:

- وبعدين الواد أدهم ده كويس والله، واد حليوه كده وجان، ده انتى
الوحيدة اللي جابته على ملا وشه، ده مكنش بيعبر حد، والبنات
كانت بتجري وراه.

ضحكت فريدة بخفة من بين دموعها، وأضاف إباد:

- مع إن لو عليا مش هسمحله يقرب منك، بس اعمل ايه بقى بيحبك
مجنون بيكي.

رفعت فريدة رأسها إليه متسائلة.

- ايوه يا فريدة الواد مجنون بيكي اديله فرصة يا حبيبتي، انتي من
حقك تعيشي حياتك مع إنسان يحبك ويقدرك اديله فرصة يا فريدة.

نظرت له متتهدة:

- حاضر يا إياد هديله فرصة، ممكن بقى تنفضل بره؛ لأن العشر
دقايق اللي دكتور حازم حددهم قربوا يخلصوا.

ضحك إياد بقوة وقال مداعبًا شعرها:

والله انتوا مجانيين انتوا الاتنين بس حازم عايز يخرجك من اللي انتي فيه
مش أكثر.

- مش مبرر إنه يكلمنى بالأسلوب ده برده، بس مش موضوعنا ياله
أخرج علشان أجهز.

- حاضر بس ما تتأخريش.

- حاضر.

خرج إياد من الغرفة ووجد حازم يقف بجوار الباب ساندًا كتفه على
الجدار، وفي عينيه تساؤل أجابه عليه إياد دون مواربة.

- فى حاجة غلط.

- يعنى إيه.
 - مش عارف بس اللي هي فيه ده مش طبيعي.
 - مش فاهم.
 - بص ولا أنا، بس احنا محتاجين نقعد مع حسام، رد فعلها أقوى من اللي هي بتحكيه.
 - قصدك فى حاجة أكثر من اللي هي حكتها.
- ضيق إياد عينيه قائلاً:
- أكيد ده مش رد فعل طبيعي لواحدة اكتشفت إن خطيبها تاجر مخدرات أو متعاطي أو حتى تاجر سلاح فى حاجة أكبر من كده.
 - يعنى إيه.
 - انت اللي تقولي يعنى إيه انت دكتور.
 - مش نفسي.
 - بس دكتور تقدر تقدر رد فعل حالة، حتى لو من غير تفسير عميق ليها.
 - خيلنا نعدى الليلة وبكره هكلم حسام ونشوف هنعمل إيه.
 - اهدا عليها شوية واضح إنها بتضغط على نفسها قوى، وممكن تنهار فبلاش.

- مش قادر أشوفها كده، مش عارف.

ربت إيد على كتفه قائلاً: واحدة واحدة.

دق جرس الباب فقال إيد:

- ده أكيد أدهم.

- انزل وأنا هجبها واجي.

- لا بلاش خليها تنزل لوحدها.

نزلا إلى الأسفل، وجدا جويرية التي كانت قد استقبلت أدهم، الذي حضر ومعه علبة كبيرة من الشوكولاته، وباقة رائعة من الورود.

قال إيد مشاكساً له:

- ده من أمتى الذوق ده كله.

رد أدهم بهدوء:

- ده أقل حاجة عندي، وانت عارف، وبعدين دي مش ليك دي لمدام جويرية.

ابتسمت جويرية برقه قائلةً: ميرسى يا أستاذ أدهم كلك ذوقك، بس خليها جوجو جوريه ثقيل قوي.

ابتسم أدهم قائلاً: على إيه يا مدام، ده كفاية تعبك الليلة ثم أضاف ضاحكاً: هو اسم صعب الحقيقة.

اصطنع إباد الغضب قائلاً: ما لكش دعوة صعب ولا سهل وانت مالك.
ابتسم حازم قائلاً: تعال يا أدهم سيبك منه، هو اسم مراته بيعصبه شوية.
صرخ إباد قائلاً: حالزم.

ضحك حازم بقوة: إيه هنكر، انت نفسك مكنتش بتعرف تنطقه لحد ما
هى سهلت عليك الموضوع، واختصرتهولك ياله تعالوا.
دخلوا إلى غرفة الصالون وجلسوا يتحدثون واستاذنتهم جويرية؛ لتنتهي
إعدادات تقديم العشاء، وعندها قال أدهم بهدوء:

- هى فريدة فين؟!!!

رد حازم قائلاً: فوق ونازله.

- طيب أنا كنت عايزكوا فى موضوع، نظر إلى إباد بقلق، ويا ريت
ما تتنرفزش عليا غير لما تسمعني.

- رد إباد قائلاً: مش هينفع الكلام هنا، خلونا نتقابل بكره ونشوف
هنعمل إيه.

- رد حازم قائلاً: تمام أنا هقابل حسام الصبح، وبعدها نتقابل فى
المكتب عند إباد، ثم وجهه حديثه لأدهم: مناسب يا أدهم ليك؟!!

- تمام قوي بس هو حسام ده مين؟

- اشمعنا.

- يعني أنا حسيت إنه قريب من فر.... قصدي قريب منكوا.
- رد إياد قائلاً: حسام ده ابن عمي دكتور أمراض نفسية وعصبية، وكان متابع حالة فريدة قبل ما تسافر لندن مع حازم.
- طب انت ليه رايحله بكره؟ فى حاجة بخصوص حالة فريدة يا حازم؟

قص عليه إياد شكوكه بخصوص فريدة، فقال أدهم: ده جزء من اللي كنت هتكلم معاكوا فيه بكره، وافتكّر إن حسام لازم يبقى معانا بكره، هحتاج رأيه ضروري.

- رد حازم قلّقاً: تقصد إيه؟!

تنهد أدهم قائلاً: خير بس ما تقلقش خلونا نتقابل بكره ونتكلم.

قطع حديثهم صوت خافت جعل دقائق قلب أدهم ترتفع، واغمض عينيه متأوها قائلاً: ااااه هتقتليني.

- مساء الخير.

ابتسم إياد وحازم، الذى قال لها بابتسامة أخوية: تعال ياديدى أنت واقفة ليه كده!

تقدمت ببطء منهم، ورفع أدهم عينيه لها؛ ووجدها فعلاً رائعة؛ ترتدى فستان من الحرير البنى الناعم، يلامس جسدها برقّة فائقة، وترسم عينيها بكحل بنى يظهر جمال عينيها، وتركت شعرها القصير، الذى

يلامس بداية كتفيها حرًا، بخصلاته الملتوية بنية اللون، والمتشعبة
بخصلات ذهبية رائعة.

وقف مقابلًا لها ناظرًا لها بعمق، ومد كفه يسلم عليها قائلاً بحشجة
أنفاس:

- ازيك يا فريدة.

ردت بقوة وغضب قائلةً: الحمد لله بس انت عارف أنااا..

ابتسم بحرج ليمتص غضبها قائلاً:

لا أنا اللي آسف نسيت انتى مش بتسلمى بالإيد.

نظرت له بعينين ناريتين:

- محصلش حاجة عن إذكوا.

قال لها حازم الذى كان يتبادل هو وإياد نظرات باسمه:

- رايحة فين ما تقعدى.

ردت دون أن تنظر له: معلش هساعد جوجو، أصلي اتأخرت أكثر من
عشر دقائق، عن إذكوا.

خرجت غاضبة من الغرفة؛ عندها انفجر إياد فى الضحك؛ فنظر له
أدهم باستغراب قائلاً:

- يا سلام وإيه اللي حصل بقى للضحك ده كله.

حاول إيداد الرد من خلال ضحكاته قائلاً:

- البننت دى هتعلمكوا الأدب.
- فقال حازم: احرص يا إيداد.
- هو إيه اللي حصل انت متخافك معاها يا حازم.
- أبداً يا أدهم هي بتدلع وأنا عايزها تخرج من اللي هي فيه.
- ابتسم أدهم قائلاً: سيبها تدلع حقها.
- رد إيداد قائلاً بابتسامه: يا حنيبيين، اللي يشوفك دلوقتي بالابتسامه الهبله دي ما يشوفكش وانت في البورصة.
- ضحك أدهم قائلاً: دي نقرة ودي نقرة يا صديقي.
- قطعت جويرية حديثهم لدعوتهم لتناول العشاء.
- جلسوا جميعاً على طاولة الطعام، فجلس حازم بجوار أدهم وجويرية بجوار فريده المواجه لأدهم، وإيداد على رأس الطاولة، ولم يخلُ العشاء من استفزاز حازم لجويرية وفريده، التي صرخت غاضبة:
- مش كفاية بقى يا دكتور وتسبنا ناكل ولا إيه.
- ابتسم إيداد برقة قائلاً: هو عمل إيه بس يا فريده.
- مش عارفة أركز.

ضحكوا جميعاً بصوت عالٍ، وقال حازم تركزي فى إيه بس يا ديده،
اهدى يا ماما اهدى يا حبيبتى.

- يووووووه انت بقيت سخييف جدًا يا حازم.

فقال أدهم مهدئًا: خلاص يا حازم كفاية كده سيبها، خلاص يا فريدة
اهدى وكلى براحتك.

- ابتسمت بغیظ قائلة: ميرسي حضرتك.

وبعد انتهاء العشاء دخلوا جميعاً إلى غرفة المعيشة؛ لتناول القهوة
والشاي، استأذنت بعدها فريدة للذهاب إلى غرفتها وتركتهم وذهبت،
كانت تشعر بضغط كبير على أعصابها؛ فقررت الدخول لأخذ حمام
دافئ يهدئ من توترها، وعندما خرجت وقفت فى الشرفة؛ لتتنفس هواء
الليل البارد، وسمعت عندها صوت أدهم شاكرًا جويرية وإياد وحازم
على استقبالهم له، وعلى العشاء اللطيف، وقبل أن يركب سيارته شعر
بعيون أدهم تتفحصه؛ رفع عينيه فوجدها فى شرفتها رائعة كما رآها
منذ قليل؛ ابتسم لها ملوحًا برأسه ببطء؛ جعلها تبتسم بتلقائية له، ثم
اصطنعت الغضب، ودخلت إلى الغرفة.

عاد كل من حازم إلى غرفته، وكذلك إياد وجويرية، التى توجهت لغرفة
فريدة لتطمئن عليها قبل النوم،

والتى وجدتها نائمة بعمق والإضاءة بجوارها كالعادة، تنهدت حزينة
على صديقتها، وتركت الغرفة وعادت لغرفتها؛ وجدت إياد فى الشرفة
وما أن رآها تدخل حتى التفت إليها مبتسمًا قائلاً:

ابتسم لائماً خدها بشفتيه:

- وحياتك عندي بحبك قد الحب اللي فى الدنيا دي، قد أي اتنين
بيحبوا بعض من أول الحب ما اتوجد، عارفة بيبقى هاین عليا
احبسك جوا قلبي بس علشان محدش يشوف عنكى الحلوين دول،
ولا يسمع صوتك غيري، بغير عليكى من نفسي.

وضعت خدها فوق صدره، ولقت جسده بذراعها وتنهدت بعمق:

- وانت عمري اللي فات، واللي جاي، انت الهواء اللي بتنفسه،
والنور اللي بينور دنيتي وحياتي.

رفعت عينيها إليه قائلةً:

- انت ابني وجوزي وحببي وصحبي واخويا، انت كل حاجة فى
الدنيا، ابتعدت بجسدها قليلاً ناظرة لعينيه بقوة:

- إياد أنا من غيرك أموت... أموت يا إياد.

ضمها إليه بقوة قائلاً بحب.

- بعد الشر عنك يا حبيبتي.

ابتعدت مرة أخرى قائلةً بخوف مغلف بالصرامة:

- ابعده عن الدمنهوري يا إياد.

أبعدها عنه أكثر قائلاً بشك:

- الدمهوري؟!!!! وإيه اللي جاب سيرته دلوقتي!!
- أنا عارفاك أكثر من نفسك، وعارف كمان حازم ومتاكدة انكوا مش هتسيبوا الموضوع بالساهل.
- ربتت على صدره بكفها بحنان مقتربة منه، وعيناها مختنقتان بدموعها:
- وحياتي عندك بلاش، وحياتي علشان خاطر ربنا بلاش يا إياد، أنا مقدرش أعيش من غيرك، هموت يا إياد والله العظيم، أموت أنت مش عارف دول ممكن يعملوا إيه مش عارف هو عمل في ف... شهقت بقوة مغمضة عينها مما جعل دموعها تسقط فوق خديها، ضمها إياد إليه ماسحاً دموعها بأصابعه قائلاً:
- طب اهدى بس محدش يقدر ياخذنى منك، وبعدين يا حياتي لكل أجل كتاب، وكمان بِسْمِ اللَّهِ الرَّحْمَنِ الرَّحِيمِ **أينما تكونوا يدرككم الموت ولو كنتم فى بروج مشيدة** صدق الله العظيم
- شهقت باكية بعنف:
- أيوه بس برده ولا ترموا بأيديكم إلى التهلكة، إياد علشان خاطر ربنا بلاش يا إياد بلاش، وحياتي عندك تناول إياد كفيها بين كفيه وقادها إلى كنية كبيرة، جلسا عليها ضامًا جسدها بين ذراعيه:
- طب اهدى بس وقوليلي في إيه أنا معروفش.

ابتعدت عنه بحدة:

- يعنى إيه.

نظر إليها بقوة:

- فى إيه تاني حصل لفريدة أنا معروفش.

الفصل السادس

ارتبكت قليلاً مبعدة عينيها عن عينيها قائلةً:

- ما فيش حاجة هي حكتلكوا كل اللي حصل.

أدار وجهها إليه ناظرًا في عينيها بقوة:

- جويرية مش هسأل السؤال تاني في إيه أنا معرفوش، إيه اللي عمله كريم في فريدة ما حكتهوش.

أبعدت وجهها من بين أصابعه، ووقفت بحدة قائلةً بعصبية:

- قلتك ما فيش كل حاجة هي حكتها ما فيش حاجة تاني.

وقف أمامها قائلاً بغضب:

- عصبيتك دي معناها إن في حاجة.

أولته ظهرها حتى لا يرى توترها قائلةً بتماسك:

- قلتك ما فيش.

أدارها إليه بعنف قائلاً: من أمتي بتخبي عليا حاجة.

نزعته ذراعها من كفه بحدة قائلةً:

يووووووه أنت هتعمل موضوع من ما فيش، قلتك يا إياد ما فيش
حاجة، ما فيش حاجة عن إندك.

همت بالابتعاد عنه قليلاً إلا أنه لم يمهلها؛ وسحبها بقوة جعلتها ترتطم
بصدره بعنفٍ متأوهةً:

- تعالى هنا انت رايحة فين؟

- فى إيه يا إياد هروح أغير هدومي.

- مش قبل ما تحكىلى فى إيه.

- ما فيش حاجة قلتك ما فيش.

نظر إلى عينيها بقوة قائلاً بصي لعنيا وقوليلي إن ما فيش حاجة.

نظرت إلى عينيه ثوانٍ قليلة، إلا أن عيناها اغرورقتا بالدموع مرة
أخرى، فضمها إلى صدره بحنان قائلاً بتعب:

- دموعك دي بتقول إن فى حاجة يا جوجو.

حركت رأسها بين ضلوعه ببطء لا ما فيش.

ارتكز بذقنه فوق رأسها قائلاً طيب بتعيطي ليه.

ضمت نفسها لصدره أكثر قائلةً: خايفة عليك قوي، هموت لو حصلك
حاجة، مش هعيش بعدك يا إياد.

- طيب اهدى دلوقتي وادخلي غيري هدومك ونامي، والصبح اللي فيه الخير يقدمه ربنا.

ابتعدت عن صدره قليلاً ناظرةً في عينيه بتوتر قائلةً بتوسل:

- يعني هتبعد عن الموضوع ده يا إياد؟!!

تنهد إياد بعمق رابطاً على خدها بكفه برقة: اللي فيه الخير يقدمه ربنا، بس أوعدك إن محدش هيُمسك انتي وفريدة طول ما فيا نفس بتنفسه.

قبل جبينها بقوة مضيقاً:

- يا له روعي انتي تعبتي اليومين دول، خدي حمام وارتاحي.

- وانت هتعمل إيه.

- أبداً هروح اتكلم مع حازم شوية وارجع ما تخفيش.

طبعت قبلة حانية فوق خده قائلة: ما تتاخرش.

بادلها قبلتها قائلاً: حاضر على ما تخلصي حمامك هكون جيت اهدي بقى ماشي.

حركت رأسها ببطء: ماشي

دق باب غرفة حازم وأذن لإياد بالدخول فهو الوحيد الذي قد يطرق بابه ليلاً:

- تعالى يا إياد.

فتح إيد الباب وأغلقه خلفه، وتقدم للداخل قائلاً بتجهم وشروء: انت لسه صاحي.

- لا نايم انت شايف إيه.

تنهد إيد واقترب من الشرفة يفتح بابها وتنفس بعمق قائلاً:

- فى حاجة أكبر من اللي فريدة قالتها يا حازم.

وقف حازم بجواره قاطباً جبينه سائلاً: حاجة إيه.

- مش عارف بس جويرية وقعت بلسانها.

وقف حازم أمامه قائلاً: قالت إيه!!

حكى إيد لحازم الحديث الذى دار بينه وبين جويرية، وختم حديثه قائلاً: ما تخفش بالشكل ده، فى حاجة أكبر بس أيه هى مش عارف.

قطب حازم جبينه أكثر: أنا هروح اتكلم مع فريدة.

- لا يا حازم فريدة مش هتحدى أي حاجة، فريدة محتاجة لدكتور

بجد يا حازم، فريدة لازم تتكلم علشان نعرف نتصرف، مش

هينفع ناخذ أي خطوة إلا لما نعرف الحقيقة كاملة مش عايزين

نتصرف، تصرف على جهل مننا بأي تفاصيل. أي تفصييلة

صغيرة ممكن تغير تفكيرنا كله

غضب حازم أكثر وارتفع صوته: الحيوان والله لسلخه حي.

ربت إيد على كنفه قائلاً: بالراحة يا حازم أي عصبية هتجيب نتيجة سلبية، خرينا ننام دلوقتى والصبح نشوف هنعمل إيه.

- ننام ومين هيجيله نوم بعد اللى قلته ده.

- اللى فيه الخير يقدمه ربنا تصبح على خير.

- وانت بخير.

غادر إيد غرفة حازم وتوجه لغرفته، فتح بابها بهدوء فوجد جويرية ما زالت مستيقظة على سريرها، اقترب منها وجلس بجوارها لامساً خدها بكفه قائلاً: ما نمتيش ليه، رفعت كفها تغطى به كفه فوق خدها وقالت مبتسمة: ومن امتى بنام من غيرك.

ابتسم بحنان قائلاً: طيب هقوم أغير وأجي وقبل أن يقف تمسكت جويرية بكفه بقوة: اتكلمت مع حازم!

- نظر لها بتمعن: أه بس لازم تبقى فاهمة إننا لازم نعرف كل حاجة؛ علشان محدش يمسكوا بأى أذى.

ارتبكت قليلاً مبعده عينها عن نطاق عينيه قائلاً: قلناك ما فيش حاجة.

رفع عينها إليها قائلاً: وحياتي عندك ما في حاجة غير اللى قالتها فريده؟

تنهدت قائلة: اسأل فريده جايز يبقى فى حاجة.

أخذ كفيها بين كفيه قائلاً: من امتى بتخبي عليا أى حاجة.

نظرت له قائلةً: قوم غير هدومك علشان ننام.

تنهد بتعب قائلاً: حاضر، قبّل جبينها، وغادر ليبدل ملابسه.

فى صباح اليوم التالي كانت فريدة فى الحديقة، ومعها جويرية، التى أخبرتها ما دار بينها وبين إيد، وقالت محذرة: مش هيسكتوا يا فريدة إلا لما يعرفوا كل حاجة، فالأحسن يعرفوا منك بدل ما يصطدموا بكريم وكل حاجة تتكشف.

نظرت لها فريدة بغضب: قلناك لا، اقلّى القصة دي.

- يا فريدة أبوه بس...

- يووووووه من غير بس، اسمعي الكلام بقه.

من بعيد كان حازم يراقبها، الذى وجد إيد يقف بجواره، فقال له: أكيد فى حاجة عصبيتها، ده معناه إن فى حاجة، وحاجة كبيرة كمان، أنا مش هستنى لما تضيع مني أنا رايح لحسام.

- أنا جاي معاك استنى، وهطلب أدهم يحصلنا.

ذهب حازم وإيد وأدهم لمقابلة حسام، وقص كل منهم ما حدث من فريدة وجويرية، وأضاف أدهم قائلاً: فى حاجة كمان: ليا صديق فى إدارة المرور، طلبت منه بيانات عن كريم الدمهوري وكل العربيات اللي متسجله باسمه، ولو فى أي مخالفات من أي نوع، يعنى تحميل ممنوعات، أو مخالفات لسلاح غير مرخص، أو أي حاجة إلا أن ورقه سليم تمامًا وماشي من غير ولا غلطة إلا أن الحادث الوحيد اللي حصل واتاخذ عليه هو ٣ أسلحه آليه اتمسكت فى عربية من عربيات النقل

بتاعته، ووقتها رجالته اللي شالت القضية، واللي اتقال إنهم شايين
الأسلحة دي حماية على الطريق، وكل واحد منهم أخذ سبع سنين سجن.

نظر لهم حسام بتمعن قائلاً:

- طيب خلونا نرتب كل اللي اتقال، فى نقاط كده نناقش نقطة نقطة:

أولاً فريدة قالت إنها حسست إنه دايمًا عصبي وكان أوقات بيسيها
ويرجع عادي جدًا، وده مش معناه إنه مدمن.

ثانياً: وده الأهم ما فيش تاجر مخدرات مدمن مستحيل طبعًا.

ثالثاً: المدمن مش بيبقى فى حالة عصبية بالشكل اللي فريدة قالتها، إلا فى
حالة احتياجه للجرعة، ولو فرضنا إنه متعاطي وهو فى الأساس تاجر
مخدرات، يعنى عمره ما هيسيب نفسه يوصل لمرحلة الاحتياج، دي
البضاعة كلها تحت إيده.

رابعاً: ما فيش تاجر سلاح هيتكلم فى موضوع خطير بالشكل ده فى
حفل، وارد إن أى حد يسمعه فيها.

خامساً: وده الأهم فى واقعة الاعتداء عليها، ازاي برج زي اللي فيه
شقة فريدة فى الموقع ده الأمن اللي موجود ده مستحيل يسمح لحد
يطلعها الساعة أربعة الفجر ومعاها اتنين أصحابه، وخصوصًا خطيبها،
والأهم إن فريدة معروفة جدًا فى البرج ده، وبعدين لو فرضنا إنه
طلعها من سلم الجراج اللي تحت البرج ومعداش على الأمن، فين
جيرانها ازاي ما صحبوش على صوت صريخها والأمن اللي انقذها.

كل ده مش مقنع بالإضافة لحاجة مهمة جدًا: وهى إن رد فعل فريدة زي ما أنا شفتها، وزى ما انتوا بتوصفوا أعلى بكثير من اللي بتقوله ده كله، أعلى بكثير قوي قوي قوي.

- قال إياد بشك: وده معناه..

- أكمل أدهم بشرود إن فريدة كدبت، وإن ما فيش حاجة من اللي قالتها دي حصلت.

- هب حازم من مكانه قائلاً بغضب: وده معناه إن اللي اتعمل أكبر من الكذب ده كله.

تحرك من مكانه فوقف إياد محاولاً اللحاق به: تعال هنا رايح فين.

- صرخ حازم بقوة لكريم: مش هسيبه.

وقف أدهم ببطء قائلاً بهدوء: غلط.

نظر له الجميع ورد حازم بقوة: انت بتقول إيه.

نظر أدهم لهم جميعاً قائلاً بنبرة قوية: غلط ما ينفعش نروح لكريم واحنا ما نعرفش أي حاجة، ومش هنعرف من فريدة أي حاجة.

- رد إياد قائلاً: تقصد إيه.

- قصدي إن احنا محتاجين نعرف أي حاجة من فريدة أو جويرية، لازم خيط نمشي فيه؛ لأن فريدة كده ضللتنا كلنا، فى حاجة فريدة

خائفة تحكيها، مش عارف بقى خائفة تفنكر، أو جايز خائفة من كريم.

- نظر له حازم قائلاً: ازاي؟!!!

- مش عارف بس وارد يكون هدها بيكوا، أو أى حاجة، مش عارف، بس اللي أعرفه إننا محتاجين نهذا ونفكر كويس، ونشوف هنعمل إيه.

- قال حسام بتردد: فى حاجة كده ممكن تخلي فريدة تتكلم، بس ممم مش عارف هتستحمل ولا لأ.

- قال إياد وإيه هى الحاجة دي.

- إننا نوهم فريدة إن كريم اتعرض لحازم، وإنها لازم تتكلم علشان نقدر ننفذ حازم، بس فى حالة فريدة النفسية دي أنا مضمنش رد فعلها ممكن يبقى إيه.

- رد حازم قلفاً.. يعنى فريدة لازم تتكلم، أنا مش هقدر استنى أكثر من كده، ومش هقدر أعرضها لده، أنا هروح لفريدة.

فى نفس الوقت كانت فريدة وجويرية فى الفيلا ودق جرس الباب؛ توجهت إحدى الخادمت؛ لتفتح ووجدت أحد رجال الأمن وبصحبتة شاب فى أواخر الثلاثينيات.

- أيوه اتفضل.

- آسف بس الأستاذ طالب يقابل الأنسة فريدة.

نظرت إليه الخادمة بريية قائلةً: نقلها مين؟

- ابتسم الشاب قائلاً: جوزها قوليلها جوزها.

- صعقت الفتاة من رد الشاب، وردت قائلةً: طيب حضرتك استنى لحظة هنا.

وتوجهت لجويرية تخبرها بالزائر القادم...

دقت الفتاة باب غرفة جويرية، التي كانت بصحبة فريدة، وقد سمحت لها بالدخول.

- خير يا أمنية فى إيه؟!!

- ترددت الفتاة قائلةً: أصل.. أصل..

- فى إيه يا بنتي ما تنطقي.

نظرت الفتاة لفريدة تائهة: أصل فى واحد بره طالب يقابل الأنسة فريدة.

نظرت لها فريدة بدهشة قائلةً: يقابني أنا!!

- أيوه.. حضرتك.

- ومين ده قلك اسمه!!

- لا بس قال.. قال يعنى إنه

ردت جويرية بعدم صبر:

- يقول إيه يا بنتى ما تخلصي.

- يقول إنه جوز الأنسة فريدة.

شهقت كلتاها بحدة، وهتفت جويرية: انتي اتجننتي.

- ردت أمنية بذعر: والله يا مدام هو اللي قالي كده.

- تحدثت فريدة ببطء وبأعين زائغة: شكله إيه.

- ردت أمنية: طويل طول الدكتور حازم، أسمرانى شوية، وشعره ناعم ولونه أسود، وعينه سودا.

ابتلعت فريدة ريقها ونظرت لجويرية تكمل عن الفتاة: وفي جرح فى حاجبه الشمال؟

تحدثت الفتاة ببراءة: أيوه فعلا.

- اغرورقت عيني فريدة بالدموع؛ فاقتربت منها جويرية متسائلة ببطء وخوف على صديقتها: تفكرى؟

- هزت فريدة رأسها: بنعم

التفتت جويرية لأمنية قائلةً بهدوء: روى قوليله إنها مش هتقابل حد.

- ردت فريدة بسرعة: لا استني انزلي وأنا جاية وراكي، هو دكتور حازم واستاذ إباد وصلوا؟

- لا يا أنسة فريدة.
- طيب انزلي بس ما تخليهوش يدخل من باب الفيلا، خليه يستناني في التراس.
- أو مات الفتاة برأسها قائلةً: حاضر.
- غادرت الفتاة الغرفة مغلقةً الباب وراءها هتفت جويرية بقوة انتي أكيد اتجننتي انتي عايزة تقابليه.
- ردت فريدة بألم: ما فيش فايده من الهروب، انتي عارفه إنه يقدر يجبني في لحظة، معتش ينفع أهرب أكثر من كده.
- توجهت جويرية غاضبةً لطاولة مجاورة وتناولت هاتفها قائلةً: لا طبعًا مستحيل، أنا هكلم إياد.
- اختطفنت فريدة من يدها الهاتف قائلةً: لا جويرية لا.
- صرخت بغضب: معتش ينفع يا فريدة، لازم يعرفوا.
- توسلتها فريدة قائلةً: ارجوكي بلاش، مش لازم حد يعرف حاجة، ارجوكي أنا هخرجله، لازم أعرف عايز مني إيه تاني.
- جويرية بغضب أكبر: يا فريدة انت ليه بتعملي كده، انت ما عملتيش حاجة، وهو ما يقدرش ينكر.
- ضحكت فريدة بخذلان قائلةً: انتي عارفة هو معاه إيه يقدر يئذيني بيه، تفتكري واحد عمل في واحدة كده، هيعترف بالحقيقة.

تناولت جويرية كفي فريدة بين كفيها ضاغطة عليها برفق: هنتبت ده يا فريدة، بس لازم حازم وإياد يعرفوا.

سحبت فريدة كفيها بهدوء: معتش ينفع ده اختياري ولازم اتحمل نتيجته، أنا نازلة وأرجوكي، أوعي تكلمي إياد.

- هزت جويرية رأسها باستسلام قائلةً: حاضر بس أنا هنزل معاكي على الأقل أبقى جنبك.

- بس من فضلك ما تدخليش إلا لو ندهت عليكى.. ممكن.

- حاضر يا حبيبتي.

تنفست فريدة بعمق ومسحت دموعها داعيةً الله أن ينفذها مما هو آت.

نزلت الفتاتان ووجدتا أمنية بجوار السلم، فسألتهما فريدة:

- هو الأستاذ كريم فين.

ردت الفتاة بتوتر:

- فى التراس بره زي ما حضرتك أمرتي.

ابتسمت فريدة بهدوء مطمئنةً الفتاة:

- طيب ادخلي جوا انتِ وما تخرجيش إلا لو ندهتلك ماشي!

بادلتهما الفتاة الابتسامة قائلةً: طب أجي مع حضرتك.

ربتت فريدة عل خدها برقة قائلَةً: لا يا منمن ادخلي انتِ يا جويرية
معايا.

ذهبت الفتاه فالتفتت فريدة لجويرية: ارجوكى ما تدخليش ولا تظهرى
مش عايزاه يعرف إنك عارفة حاجة، أرجوكى.

تنهدت جويرية بغضب: حاضر يا فريدة، حاضر. بس لو حسيت مجرد
إحساس إنه هيتناول أو هيتهور عليكى مش هستنى لحظة فاهمة.
ابتسمت فريدة لها بهدوء فاهمة.

استدارت فريدة مغادرة وقبل أن تفتح باب التراس وقفت قليلا تستجمع
شئتها عقلها وتنظم أنفاسها اللاهثة،
ثم رفعت رأسها باعتزاز وتقدمت.

كان كريم يتطلع إلى الحديقة بشرود، إلى أن استشعر عطرًا لم يرغب عن
حاسته لحظة واحدة مهما مر الوقت.

ما زلتى تضعين نفس العطر فريدتى، سمع صوت دقات كعبي حذاءها،
وعلم أنها اقتربت منه، التفت ببطء ليواجهها، نظر لها وكأنه غاب سنين
طويلة إلا أنها لم تتغير قيد أنملة؛ فما زالت كما هى مشرقة متوهجة
بسيطة وناعمة، قوية باعتزاز وكبرياء ليس لهما مثيل، هى كما هى لم
تتغير أبدًا.

اقترب منها مبتسمًا هامسًا بصوت أجش:

- فريدة.

أوقفته فريدة رافعة يدها تمنعه من الاقتراب:

- عندك يا أستاذ كريم.

وقف كريم ووضع كفيه فى جيبى بنطاله، وابتسم ابتسامة خبيثة.

- أستاذ كريم!!! من أمتى بقيت أستاذ كريم يا فر..باشمهندس فريدة؟

رفعت فريدة عينيها فى غضب:

- من زمان قوى.. خير إيه اللي جابك!!

ابتسم كريم بخفة: جاي أشوفك، أشوف مراتي ولا نسيتي يا مدام.

صرخت فريدة بوجهه قائلةً: ما تنطقش الكلمة دي على لسانك، انت عارف إني لا مراتك ولا زفت، واوعى تصدق الكذبة اللي انت كذبتها دي، ولا انت فاكرها حقيقة.

اقترب منها كريم ماسكاً ذراعها قائلاً بشراسة: صوتك يا مايعلاش تاني انتي عارفة كويس أنا أقدر أعمل فيكي إيه.

صرخت بوجهه مرة أخرى أعلى ما فى خيلك أركبه.

سحبها إليه من ذراعها قائلاً ببطء: أنا أقدر أعمل كتبيير قوى ما تنسش أنا عندي ليكي إيه يا زوجتي المصون.

نفضت فريدة ذراعها من يده وابتعدت عنه قائلاً بشراسة: اللي تقدر عليه وريهوني، واتفضل من غير مطرود.

نظر لها كريم نظرات شرسة ومد يده وأخرج ظرف من جيب سترته، ورماه فوق الطاولة المجاورة قائلاً بابتسامة ساخرة: على العموم دى هدية بسيطة، ونمرة تليفوني ما تغيرتش، متأكد من اتصالك، بس ما تتأخريش عليا يا فرى.. سلام يا حياتي.

ابتعد كريم مغادرًا فأقبلت جويرية راکضة، واحتضنت كتفي فريدة بذراعها قائلةً بخوف: فريدة انتي كويسة!!

نظرت لها فريدة بشرود: مش عارفة

نظرت جويرية للظرف قائلةً: فى إيه الظرف ده يا فريدة؟

تناولت فريدة الظرف بتوتر وفتحته؛ لتخرج العديد من الصور الفوتوغرافية التى صدمتها لدرجة جعلت جسدها يترنح ساقطة فاقدة الوعي، تلقفتها جويرية بين ذراعيها وسقطت بها أرضًا.

- صرخت قائلةً: فريدة فريدة، أمنية أمنية الحقيني.

أقبلت أمنية مسرعة: شيلها معايا، حملتا فريدة حتى أدخلتها إلى غرفة المعيشة، وجعلتها جويرية تستلقى على الكنبه الموضوعه، وصرخت فى أمنية: أجري هاتي برفان من فوق بسرعه.

خرجت أمنية مسرعة، وقامت جويرية وأحضرت كوب من الماء، وحاولت رش قطرات منه على وجه فريدة، الذى أصبح ببرودة الثلج، وقد فقدت لونها تمامًا وشحبت بشرتها، لدرجة يظنها الناظر إليها فارقت الحياة، خافت جويرية وقررت الاتصال بإياد وليحدث ما يحدث، تناولت سماعة الهاتف؛ وطلبت إياد، الذى رد بعد ثوانٍ قليلة، صرخت باكية:

إياد الحقني يا إياد، فريدة أغمي عليها، ومش عارفة أفوقها، بالله عليك يا إياد الحقني هتروح مننا يا إياد.

أغلقت السماعة بعد أن أخبرها بأنه فى الطريق إليها، دخلت أمنية مسرعةً تحمل زجاجة عطر؛ رشت منها جويرية على يدها وقربتها من وجه فريدة، تمسح بها على وجهها، حتى تنتشقها، ولكن لا فائدة، جلست بجوارها ممسكة يدها تبكي...

- فريدة وحياتي يا فريدة فوقى، فريدة ما تستسلميش، وحياتي يا فريدة انتي قوية ما تستسلميش يا فريدة.....

الفصل السابع

كانت فريدة فى حالة أخرى، تسمع صوت جويرية آتٍ من بعيد، إلا أنها لا تستطيع الحركة، يلفها برد قارص ليديها، قدماها مقيدتان، نظرت حولها لا تجد إلا الثلوج المغطاه بالدماء، دماء كثيرة التى كادت أن تطال قدميها، حاولت الركض إلا أن قدميها مقيدتان بقوة أسفلها لا تستطيع الحركة، ومن بعيد شاهدت حازم حاولت أن ترفع صوتها؛ لتنادى باسمه إلا أن صوتها يرفض إطاعتها والخروج من حنجرتها.

عجزت عن أن تلفت انتباه حازم لها، وأصبحت الدماء تغطي قدميها وتعلو حتى ساقيها، نظرت باتجاه حازم مرة أخرى؛ وجدت كريم خلفه ممسكاً بسكين يحاول قتله، حاولت تحذيره إلا أن صوتها لا يخرج منها، ظلت تصرخ باسم حازم ولكنه لا يسمعها؛ بكت صارخة باسمه: حازم خلى بالك يا حازم، حازم كريم وراك، حازم.. حازم... حازم، ثم سقطت فى بئر الظلام.

فى ذلك الوقت وصل إياد وحازم وأدهم وحسام، الذين وجدوا فريدة على حالتها إلا أن دموعها تسقط على خديها دون أن تصدر أي صوت أو حتى حركة بسيطة.

اقترب حازم منها بخوف وحزن شديدين، ورفع جسدها وضمها إلى صدره بقوة، ثم حملها لغرفتها، ودخل حسام خلفه وبقى إياد وجويرية وأدهم، الذى سأل جويرية غاضباً:

- إيه اللي حصل؟!!

شهقت باكية: معرفش معرفش

صرخ بها مرة أخرى: بردوا مصررة ما تتكلميش انتي كمان.

فزعت جويرية من صوته العالي...

فصرخ إياد قائلاً: أدهم فى إيه استنى نطمى على فريدة الأول.

احتمت جويرية فى ذراعه قائلةً: والله قتلها لازم تعرفوا بس رفضت، خافت عليكوا، خافت على نفسها.

تنهد إياد رابتاً على كفيها: طيب اهدى بس نطمى وبعدين تحكيلى كل حاجة، نظرت له بعينين باكيتين؛ فقال لها مشددًا: كل حاجة... فاهمة...

أومات برأسها موافقةً، وغرقت فى نوبة جديدة من البكاء.

ضمها إياد إلى صدره مهدئاً لها.

خرج حازم وحسام من غرفة فريدة، وبادره إياد بالسؤال مالها يا حسام؟!!

- صدمة عصبية حادة، هى واخدة مهدئ، بس مش ضامن لما تصحى إيه الوضع.

- قال أدهم بتوتر: يعنى إيه.

تنهد حسام قائلاً: ادعولها.

شهقت جويرية باكية لا يا حسام بالله عليك ما تقول كده، هتبقى كويسة،
أكيد هتبقى كويسة.

- ضمها إيد إلى صدره بقوة: اهدى شوية خيلنا نفهم.

- أضاف حسام: الصدمة اللي فاتت خلت عقل فريدة الباطن يخليها
تهرب؛ وبالتالي وقتها بطلت تتكلم مش فقدت النطق، المرة دي
الصدمة أقوى.

نظر له أدهم قائلاً بحزن: يعنى هروبها هيبقى أقوى ووارد إنها...

نظر له حسام رابتاً على كتفه: بلاش نسق الأحداث، الحقنة اللي خدتها
المفروض تصحى بعد ساعات، لو ما صحيتش هنشوف هنعمل إيه بس
اهدوا، هي محتاجة وجودكوا جنبها.

نظر إيد لحازم الذى كان يستند على الجدار مطرفاً رأسه لأسفل، اقترب
منه وربت على كتفه قائلاً: حازم انت كويس.

رفع حازم رأسه بعينين مخنوقتين بالدموع: هتروح يا إيد هتروح مني.

- رد إيد بهدوء: استغفر الله يا حازم، إن شاء الله هتفوق، وهتبقى
كويسة، استهدى بالله.

نظر حازم لجويرية بقوة وقال صارخاً: هتحكيلى كل حاجة فاهمة، مش
هتخبوا حاجة تاني.

نظرت جويرية له بخوف وقالت باكية: حاضر والله قتلها، بس هي اللي
رفضت يا حازم.

نزلوا جميعاً لأسفل، وجلست جويرية تتطلع لهم، فقال أدهم بحدة إيه اللي حصل؟

- مسحت دموعها بكفها وقالت: كريم جالها هنا انهارده.

شهق حازم بقوة، كريم... وازاي ما اتصلتيش بيا أو بإياد!!

- قالت باكيةً: رفضت يا حازم، رفضت.

- صرخ إياد بها: وإيه اللي حصل، انطقي.

التقطت أنفاسها قائلاً: هحكيلكوا كل حاجة.

قبل حادث فقد فريدة للنطق، كانت فريدة وكريم بيجهزوا فيلتهم علشان جوازهم كان قرب، وفي يوم كان المفروض كريم يعدى عليها علشان يروحوا الفيلا يشوفوا حجات ناقصاها، ولما اتأخر حاولت تكلمه، موبيله كان مغلق بعتتله رسالة إنها هتسبقه، وفعلاً راحت الفيلا، وهناك لقت عربية من عربيات نقل الأثاث جوا الفيلا، دخلت هي من الباب الرئيسي، وفكرت إنها عربية جايبة حجات كانت ناقصة، وكانت هي مبلغة المعرض بيها، بس الغريب إنها كانت بتنزل حجات فى البدروم، ولما حاولت تعرف فى إيه، لقت باب البدروم الداخلى مقفول، وعلى ما لفت لقت العربية خارجة.

دخلت البدروم وهناك لقت كريم وكام راجل من رجالته وصناديق كثير، وكانوا بيفتحوها واللي اكتشفته إنها أسلحة، وكانت أنواع كثير جداً هي أصلاً ما تعرفهاش، وسمعت كريم بيتكلم معاهم عن إن فى حد خاين بينهم من الرجاله اللي كانوا واقفين، وسمعت مشادة بينهم، وواضح إنه

كان في حد فيهم خاين فعلاً، وكريم كان عارفه، حاولت تخرج لكن وهيا طالعه اتزحقت على السلم، ولما حسوا بيها جبوها، وكريم عرف إنها سمعت كل حاجة، ووقتها مسك المسدس وقتل الراجل اللي اكتشف خيانتة، وقتها أغمى عليها، وفاقت بعدها بشوية واكتشفت إن الراجل فعلاً مات، وإن ايديها وهدومها كانت غرقانة دم، ما فهمتش في إيه، بعدها كريم هدها إنها لو اتكلمت هيلغ عنها، وإن هى اللي قتلت الراجل، وإن بصماتها على المسدس، وإنه صورها والدم والمسدس في ايديها، ولما حاولت تفسخ الخطوبة قلها أصلاً مراته مش خطيبته.

صرخ حازم قائلاً: انتى بتقولي إيه؟! ازاي!!

انتفض جسدها بقوة وصرخت باكية: اتجوزها عرفي.

شهق أدهم بقوة قائلاً: انتى بتقولي إيه، عرفى ازاي!! فريدة مستحيل تعمل كده.

بكت جويرية بقوة: فريدة ما كنتش تعرف كريم، استغل الموقف وخلاها مضت على ورق فاضي علشان يهددها بيه، وبعد الحادث لما فسخت الخطوبة بعثلها نسخة من عقد عرفي هي موقعة عليه، وموثق في الشهر العقاري ووقتها حاولنا نشكك في الإمضاء، لكن المحامى بتاعها قلها إنها مضتها، ووقتها عرضها على خبير خطوط وأكد له صحة التوقيع، وإن بكده فريدة تبقى مرات كريم، وعلشان العقد ده يتفسخ؛ لازم كريم اللي يطلقها وبيتعمل حاجة اسمها فسح عقد، وبتتسجل في الشهر العقاري بردوا، ولما حاولت معاه ورفض سلمت أمرها لله، وإنها خلاص كده حياتها ارتبطت طول عمرها بكريم، واللي كبير الموضوع لما حاول يهددها، وإنه صورها وهى في ايديها المسدس وإن الورق

المضى منها ممكن يعمل بيه حجات كتير، وقتها فريدة ما استحملتش وأغى عليها زى ما حصل انهارده، وقامت فاقده للنطق والباقي انتة عارفينوا.

- صرخ إياد قائلًا: يعنى موضوع الخيانة والمخدرات والاعتداء وكل الكلام ده إيه؟!

- شهقت باكية كذب.. فريدة كذبت عليكوا لإن مكنتش عارفة هتقولكوا إيه ولا هتتصرف إزاي.

- أوقفها إياد على قدميها ممسكًا ذراعيها بكفيه بقوة: انتوا إزاي تسكتوا على كل ده، وانتى إزاي تكدي عليا كده!!

نظرت له بخوف وانهارت باكية: والله يا إياد هى اللي رفضت، والله كنت عايزه احكيلك كل حاجة، بس رفضت.

اقترب حازم منه وحاول تخليص جويرية من يديه إلا أنه صرخ به قائلًا: أبعد يا حازم لما أشوف الهانم اللي أنا متجوزها مخبيه إيه تاني.

صرخ حازم قائلًا: اهدى يا إياد خلينا نفهم إيه اللي حصل تاني.

تركهم أدهم ووقف فى الشرفة شارداً، ولفت نظره الصور التى سبق أن أحضرها كريم لفريدة، تناول الصور من على الأرض وتفحصها وهاله ما رأى، وتوجه للداخل مرة أخرى.

وقال لحازم بغضب: ده اللي حصل تاني...

تطلعوا له جميعًا واقترب حازم منه؛ وأخذ الصور التي وجدها صور لفريدة في أحضان كريم بملابس أقل ما يقال عنها إنها ملابس عاهرة، وصور أخرى لها وهي ترقص في أحضان رجلين آخرين، صُعِقَ حازم مما رأى، واقترب إياد منه وأخذ الصور ونظر فيها، إلا أنه قال: مستحيل فريدة متعلمش كده!!

قال أدهم بهدوء: دى مش فريدة.

- نظر له إياد وحازم بحدة وقالوا فى نفس واحد: إيه

- أخذ حسام منه الصور وتطلع بها قائلاً مؤكداً على كلام أدهم: فعلاً دى مش فريدة

- نظروا جميعاً له بقوة واقترب منه حازم قائلاً: إزاي.

- فقال أدهم البننت اللي فى الصورة دى فى على إيدها اليمين علامة، فريدة إيديها ما فيهاش أى علامات.

- فقال حسام مؤكداً، وده حقيقي

- أضاف أدهم الصور دى تركيب وواضح جداً، كمان فريدة بس اللي مركزتش فيها من صدمتها.

- وجه حديثه لجويرية قائلاً: حصل حاجة تاني؟؟

هزت رأسها نافية

تنهد إيد ببطء قائلاً بحدة: اطلعي لفريدة وما فيش خروج من البيت لحد ما الكارثة دي تخلص فاهمة..

هزت رأسها موافقة قائلةً بخوف: إيد أنا...

- أضاف بحدة: مش عايز أسمع صوتك، اتفضلي على فوق.
- خرجت باكية، فقال حسام مهدئاً: بالراحة يا إيد هي ذنبها ايه بس.
- ذنبها إنها مراتي يا حسام، مينغفغش تخبي عني أي حاجة، وفريدة دي قبل ما تبقى صاحبته تبقى أختي، يعني كان لازم تحكي كل حاجة، بس مش وقته، احنا معتش ينفع نسكت أكثر من كده.
- فقال حسام: المهم الأول فريدة تفوق.
- فقال أدهم بتردد: هي فعلاً ممكن ما تفقش يا حسام.
- بص يا أدهم زي ما قتلتك في حالات كثير بتحاول تهرب من الواقع عن طريق عقلها الباطن، اللي بييساعدها على ده بأكثر من وسيلة، يعنى فريدة مش هتبقى لا قدر الله في غيبوبة، فريدة هتنام هتهرب من واقعها ومن صدمتها في اللي حصل بالنوم، عقلها الباطن هيتحايل على اللي حصل وهيضغط على عقلها إنه يهرب بالنوم.
- طيب ولو ده حصل!؟
- رد حازم بحزن: هتفضل متوصلة بمحاليل؛ علشان جسمها يفضل يتغذى.

- رد إياد بغضب: إزاي يعني وما فيش طريقة نخلي عقلها ما يستسلمش؟!

- قال حسام بعملية طبعًا وبعيد عن الأدوية في انتوا

- فقال أدهم مستفهمًا احنا... إزاي؟!

أيوه انتوا تقدرنا نتكلمنا معاها تحكولها إيه اللي حصل، واللي بيحصل، فكروها بحاجات حلوة وأماكن حلوة كانت بتحبها فريدة، مش هتبقى في غيبوبة فريدة هتحمس بكل حاجة بتحصل حواليتها، كل الموضوع إنها رافضة الواقع فبتهرب، لكن هتسمعكوا ووارد كمان تستجيب ليكوا، الموضوع بيتوقف على رغبتها في الحياة وتمسكها بيها.

- فسأل إياد: وده ياخذ وقت قد إيه، يعني ممكن تصحى أمتى؟!

- ده بيرجع ليها هي، ولقدرتها على التحمل، في ناس بتصحى بعد أسبوع أو شهر أو سنة.

فقال حازم بحزن أكبر: وفي ناس مش بتصحى.. شهق أدهم وإياد سويًا؛ وقال أدهم: مستحيل فريدة اللي أعرفها أقوى من كده، مستحيل هتفوق، أنا واثق من ده... تهذجت نبرات صوته: فريدة اللي حبتها أقوى من كده بكثير.

مر اليوم ثقيلًا عليهم جميعًا في انتظار استيقاظ فريدة، التي لم تفارقها جويرية لحظة وبقيت بجوارها؛ تقرأ لها آيات من القرآن الكريم.

وكان حازم وإياد يدخلان للاطمئنان عليها باستمرار ويعودا ليطمئنا أدهم، الذي استأذن حازم بالبقاء حتى يطمئن عليها، وبعد مرور ساعات

طويلة عليهم جميعًا دخلوا إليها؛ وحاول حازم إفاقتها إلا أنها لم تستجب له، حاول محادثتها وإفاقتها، ولكنها لم تستجيب لأي من محاولاته.

وقفت جويرية باكية، وقالت من بين شهقاتها: حازم لازم تفوق يا حازم، ثم اقتربت من إياد باكية بحرقة: إياد فوقها يا إياد، وحياتي عندك فوقها ما تسبهاش.

ضمها إياد إلى صدره، وخانته دموعه فسقطت على خديه، وهمس باذنها قائلاً: هتفوق إن شاء الله، هتفوق هي محتاجة ترتاح ادعيها.

توقف أدهم ينظر لهم جميعًا نظرات تائئة، لا يعلم ماذا يقول، أو كيف يتصرف، هل ستستسلم لضعفها، أم ستقاوم وتستيقظ من غيبوبتها؟

طلب منهم حازم ان يغادروا فلا نتيجة من وقوفهم معها وليتركوها، واتخذ باقى الإجراءات الطبية ليبقى جسدها حيًا فأوصلها بعدد من المحاليل؛ حتى يمد جسدها بالغذاء اللازم، وقبل ان يخرج طلب منه أدهم أن يبقى بجوارها قليلاً؛ فخرجوا جميعًا، وقبل ان يخرج إياد ربط على كتفه، وقال:

- اتكلم معاها واحكيلها اللي قلتهولى، أنا متأكد إنها هتسمعك وهتقاوم لما هتعرف انت قد إيه بتحبيها.

أوما برأسه قائلاً:

- يا ريت تسمعني.

خرجوا جميعاً ووقف أدهم بعيداً عن فراشها، يتطلع لجسدها المنهك، فقد ظهرت علامات الأرهاق على وجهها وكانها لم تتم لليال طويلة، اقترب منها وجلس على الكرسي المجاور لسريرها، ثم مال بجسده يستند على ركبتيه بذراعيه وأطرق رأسه لاسفل ثم تنهد بقوة قائلاً:

- بحبك.. أيوه بحبك جداً من يوم ما شوفتك، كنت بكذب نفسي كنت بقول بنت حلوة ومن عيلة ومتعلمة كنت بفكر إنك إنسانة كويسة من كل النواحي، ما فكرتش إن أنا ممكن أحبك ولا لأ... بس حبيتك، حبيت فيكي الطيبي والرقية،

اتعلمت معاكى إن الحب سعادة.. اتعلمت إن الحب هو وجودك معايا.. وإن الإيمان مش هيبكون إلا فى حضنك.. وإن الحزن هيبكون لحظة غيابك..

رفع رأسه ينظر إلى وجهها، ثم اقترب منها وجلس بجوارها، حاول لمس وجهها بأطراف أصابعه إلا أنه ابتسم بحزن قائلاً:

طبعاً لو لمستك ممكن تصحى تتخانقى معايا وتنامي تاني.

أبعد أصابعه عن وجهها، وتنهد بعمق قائلاً:

بالله عليكى يا فريدة تصحى ما تستسلميش... بالله عليكى متخانيش أموت مقهور عليكى.. انتى عمرى يا فريدة، عمرى اللي ما عشتوش واللى مش عايز أعيشه غير معاكى، أغمض عينييه بتعب وهتف قائلاً:
ااااااه يا كل عمري..

فتح عينيه يطالع وجهها مرة أخرى واقترب من أذنها هامساً بحبك..
ومقدرش علي بعدك.. أنتِ كل حاجة اتمنتها فى الدنيا.. أنت كل
حياتي.. أنا مش بحبك بس.. لا أنا بعشقتك.. متيم في هواك.. أسير
لعيونك.. وهعمل المستحيل علشان ترجعي، مش هسيبك تستسلمي لو
فيها موتى يا فريدة، سامعانى لو فيها موتى..

ابتعد عنها قليلا ونظر لها بحب، وجد دمعة تنزل من جانب عينها
المغلقة، اقترب منها مرة أخرى قائلاً من بين دموعه التى بدأت تنهمر
على خديه هو الآخر:

- انتى سمعانى يا فريدة، علشانى قاومي علشاننا كلنا، أنا وحازم
وإياد وجويرية، تنهد ببطء، علشانى أنا يا فريدة، علشاننا احنا
اللاتين، فريدة أنا بحبك وعايزك مراتي وحببتي وبنتي وأمي،
عايز أصحى الصبح على صوتك وعيونك، عايز أنام وأنا راسى
جوا حضنك، عايز لما أتعب ألقى إيدك بتطبطب عليا، لما أفرح
تبقى جنبى، لما أشتكي تسمعيني، لما أغلط تتخانقي معايا
وتخصميني، عايز أكبر وأشيب وانتى جنبى، عايز ولادى يبقوا
منك أنت، عايزك انتى.

شعر بأحدهم يربط على كتفه ببطء، التفت فوجد إياد وجويرية عند باب
الغرفة تكتم أنفاسها بكفها، وعيناها تبكي ألماً على صديقتها، نظر له إياد
بحزن: كفاية يا أدهم، قوم كفاية كدة.

ترجاه أدهم قائلاً:

- سيبني معاها بالله عليك خلىني معاها شوية.

أمسكه إِيَاد من كنفه يحثه على القيام:

- لا يا أدهم كفاية، انت لازم تبقى أقوى من كدة، أمال حازم يعمل إيه، وبعدين احنا محتاجين نشوف هنعمل إيه مش هنعد جنبها حطين إيدينا على خدنا، لازم تفوق تلاقى كل حاجة خلصت ياله يا أدهم.

نظر له أدهم نظرات حزينة ثم أطرق رأسه قائلاً:

- حاضر ثانية واحدة بس.

ثم نظر لفريدة ومال فوق جبهتها طابعاً قبله حانية، ثم همس بأذنها قائلاً:
وحياتي عندك قاومي وأنا هجبلك حقك، بس قاومي.

ثم ابتعد عنها، وخرج من الغرفة هو وإياد الذى وجه كلامه لجويرية بحدّة.

- خليك معاها ما تسيبيهاش، ولو حاجة حصلت أو حسيتى بحاجة كلمينى، والأمن اللي بره مش هيسمح لحد يخرج أو يدخل إلا بإذني.. فاهمة؟

ارتبكت من حديثه إلا أنها أجابت بخوف: حاضر.. فاهمة.

هم بالذهاب إلا أنها تمسكت بذراعه قائلةً بلهفة:

- إياد..

لم يلتفت لها وأجاب بحدّة:

- نعم.

- أجابت من بين دموعها:

خلي بالك من نفسك.

حاول الذهاب ولكنها تشبثت بذراعه أكثر قائلةً بخوف أكبر:

- إياد بالله عليك ما تخرج وانت كدة ما تموتنيش يا إياد.

تنهد بحدة ثم نظر لها قائلاً:

- بعد الشر عنك.

نظرت له بحب، وحاولت الكلام إلا أن دموعها خنقتها، سحبها إلى صدره، وضمها بقوة قائلاً:

- اهدي كل حاجة هنتحل.

ضمت جسده إليها أكثر قائلةً من بين دموعها:

- آسفة يا إياد، والله مش هخبى عنك حاجة تاني بس خلي بالك من نفسك.

رفع وجهها إلى عينيه قائلاً:

- طيب اهدي وبعدين نتاكم، ياله ادخلي لفريده، وحاولي تتكلمي معاها، اعملى زى حسام ما قال.. ماشي؟

- حاضر بس انت رايح فين؟!!

- هنروح نشوف اللواء إسماعيل، واللي فيه الخير يقدمه ربنا.

نظرت له من بين دموعها قائلةً:

- لا اله إلا الله.

ايتسم رابطًا على خدها بكفه:

- سيدنا محمد رسول الله.

دخلت جويرية وجلست بجوار فريدة، واخذت تحكي لها عن مواقف كثيرة مرت بهما معًا، وعن حبها لإياد، وكيف كانت تشكي لفريدة جفائه، وعدم إحساسه بها، ورغبتها في أن يصبح زوجها، وكيف كانت فريده تساعدها على التقرب منه؛ حتى أحبها وطلبها، وكيف أصبح لفريدة الفضل بعد الله سبحانه وتعالى في زواجها من حبيبها، تناولت كف فريدة بين كفيها قائلةً بدموعها:

عارفة إنك تعبانة وعايزة ترتاحي، عايزة تنسي كل حاجة حصلت، بس النوم مش حل، لازم تصحي، لازم تقاومي، كلنا معاكي وجنبيك، سامحيني يا فريدة معرفتش أخبي أكثر من كده، كان لازم أحكيلهم كل حاجة، مقدرتش أستحمل أشوفك بتضيعي، فريدة انتى اختى مش صاحبتى، ما ليش غيرك بعد ربنا وإياد، ما ينفعش ما تبقيش موجودة فى حياتي، ارتاحي ونامي بس لازم تصحي أقوى يا فريدة.

فى تلك الأثناء كان حازم وأدهم وإياد يجلسون مع اللواء إسماعيل وقص عليه حازم كل ما حدث، وعرض عليه الصور التى كان كريم قد تركها لفريدة.

سكت الجميع لحظات قليلة حتى قال اللواء إسماعيل:

- الموضوع كدة متشعب جدًا بس خلونا نفكر فى نقط كدة.

* فريدة عرفت إن كريم تاجر سلاح.

* كريم كان فى خاين فى رجالته.

* كريم قتل الراجل وخلقى فريدة تمسك المسدس بعد كده، وبالتالي بصمات فريدة على المسدس وده دليل على إن فريدة هى اللي قتلت.

* كريم صور فريدة وفى اديها المسدس وده مش دليل إن هى اللي قتلت الراجل.

* فى عقد جواز عرفي موثق فى الشهر العقارى إن فريدة مرات كريم، وده سهل إنه يتلغى بطلاق كريم لفريدة، وده آخر حاجة ممكن نفكر فيها.

الأهم دلوقتى إننا لازم نحط كريم تحت المراقبة هو ورجالته، وأكد هنلاقي نقطة ضعف ممكن من خلالها ندخل لكريم، بس علشان نعمل ده ويبقى كل حاجة قانوني لازم نبلغ المباحث.

كان الجميع ينظرون إليه مستوعبين لما يقول، عندها أضاف:

- بس هيبقى فى مشكلة.

قال حازم بقلق:

- مشكلة إيه.

فسكت اللواء قليلاً ونظر لإياد بقوة:

- جويرية لازم تشترك معاهم.

هب إياد من مكانه قائلاً بقوة: مستحيل.

وقف حازم مهدئاً له:

- اهدى بس خلىنا نسمع من سيادة اللواء هو بيقول ايه.

وقف اللواء قائلاً:

بص يا إياد كل اللي انتوا حكيتوه ده أنا مصدقوا، فيه بس محدش فيكوا هنقدر ناخذ بكلامه لأنه مكنش حاضر ولا عارف أي حاجة، الوحيدة اللي كانت موجوده وحاضره هي الوحيدة اللي ممكن المباحث تاخذ بكلامها؛ على اعتبار إنها شاهدة على موقف، وتقدر تدى معلومة عنه، غير كده محدش فيكوا ليه أي صفة.

صرخ إياد غاضباً:

- مستحيل مستحيل جويرية لأ.

فقال أدهم بغضب:

- إياد اهدى جويرية الوحيدة اللي نقدر نعتمد عليها في ده.

- مستحيل يا أدهم انت مش عارف جويرية، جويرية أضعف من

إنى أعرضها لده، هي ما تقدرش تقف في وش حد، مقدرش

أحطها في الموقف ده، فريدة كانت أقوى منها، لكن جويرية لأ.

ربط حازم على كتفه قائلاً بنفهم:

- اهدا يا إباد احنا هنبقى جنبها مش هنسبها، هي الوحيدة اللي هنقدر نعتمد عليها.

- أيوه يا حازم بس...

ربط أدهم على كتفه قائلاً يطمئننه:

ماتقلقش هي هتبقى تحت الحراسة، احنا هنطلب ده، وكمان هخلي رجالتي يراقبوها ٢٤ ساعة في ٢٤ ساعة اطمئن.

نظر لهم إباد حائراً فهو في موقف لا يحسد عليه، اخته وحبيبته أيهما يختار، خوفه على جويرية قوي ورغبته في الانتقام لفريدة بنفس القوة، فيا ترى كيف يتصرف!! هل يضع جويرية في هذا الموقف ويعتمد عليهم ويطمئن كما يقولون أم ماذا يفعل!!

عندها تنهد بقوة مسلماً أمره الله قائلاً بتعب:

اللي تشوفوه، بس أنا عايز مراقبة مشددة، ولو حسيت بأى خطر هسفرها بره مصر نهائي.

ربط حازم مشدداً على كتفه:

- ماتقلقش هي ما تقلش عن فريدة في غلاوتها، وعمرى ما هخطر بحياتها، دي اختي زي فريدة.

عادوا جميعاً إلى الفيلا، وتركهم أدهم ليعود إلى منزله رغم إصرار حازم وإياد بأن يبقى معهم، إلا أنه رفض قائلاً:

خلوني براحتي بس خلوا بالكوا من فريدة.

دخل حازم غرفة فريدة؛ فوجد جويرية نائمة على الكرسي المجاور لها، نادى عليها بصوت منخفض حتى لا يفزعها فتحت عينيها ببطء قائلةً:

- حازم انتوا جيتوا امتي.

- لسه حالا، فريدة عامله إيه.

نظرت لها بعين حزينة:

- كويسة بتكلم معاها بس ما فيش استجابة.

- طيب قومي روعي اوضتك.

- هو إياد فين؟

- دخل اوضته.

- طيب انت مش هتنام.

- لا هنام بس مع فريدة هنا، مش عايز اسبها.

- طيب لو حصل حاجة صحيني، تصبح على خير.

- وانتي بخير.

دخلت جويرية غرفتها لتجد إياد جالسًا على السرير، محيطًا رأسه بكفيه، اقتربت منه، وجلست بجواره، لمست كتفه بكفاها قائلةً في قلق:

- فى إيه يا إياد انت كويس.

نظر لها إياد نظرة خوف وقلق؛ اقلقتها فقالت بخفوت وتوتر:

- فى إيه يا إياد، حصل حاجة!!

رفع رأسه وضمها إلى صدره قائلاً:

- لا يا حبيبتي ما فيش مرهق بس.

رفعت عينيها له، ولمست ذقنه بأصابعها:

- فى إيه يا إياد ده مش إرهاق!

تنهد بتعب وأمال جذعه على السرير ساحبًا جسدها معه، وحاضنًا لها:

- تعبت وخايف عليكوا قوي.

ربتت بكفها على صدره بحنان:

- مش قلتلي "قل لن يصيبنا إلا ماكتب الله لنا".

نظر لها ثم قال:

- فى حاجة لازم عملوها، وانا مرعوب عليكى.

ارتجف جسدها بين أحضانه فضمها أكثر إليه..

فقلت بخفوت:

- خير يا إباد في إيه.

سكت لحظات قليلة ثم قال:

- طالبين منى إنك تروحي تدي معلومات عن كريم للمباحث.

شهقت بفزع، فشدّها إليه وضمها أكثر، فضمت نفسها إليه أكثر قائلةً من بين دموعها:

- ما فيش حل تاني.

قبل جبينها بقوة

- لو في حل تاني مكنتش عرضتك لكل ده، بس للأسف انتي الوحيدة اللي عارفة كل حاجة، وحضرتي حالة الإغماء اللي حصلت لفريده.

تنهدت بقوة قائلةً:

- حاضر يا إباد.

اعتدل جالساً:

- يعني انتي موافقة تروحي؟!!

جلست بجواره قائلةً:

- طبعا يا إباد دي فريده، عارف يعني إيه فريده.

ابتسم لأمسا خدها بأصابعه قائلةً:

- عارف يا أحلى جوجو، بس أنت مش خايفة؟!!

ضمت جسده بذراعيها قائلةً:

- انت جنبى هخاف من إيه يا إياد

ضمها إليه قائلاً:

يا عمر إياد اللي فات واللي جاي.

فى صباح اليوم التالي اتصل أحد رجال المباحث بإياد؛ ليخبره أن اللواء إسماعيل طلب منه مباشرة المعلومات، التى سوف تقدمها جويرية للمباحث للمساعدة فى القبض على كريم، وتم الاتفاق على أن يحضر الضابط إلى الفيلا حتى لا يصل أي خبر عن الموضوع لكريم فى حاله مراقبته لهم، وبالفعل حضر الضابط إلى الفيلا الساعة الثانية عشر ظهرًا بوجود حازم وإياد، وطلب منهم تركه مع جويرية بمفردهم قليلًا.

نظرت جويرية لإياد بقلق إلا أنه ضمها قائلاً بحب:

- ما تقلقيش أنا بره مش هبقى بعيد، ما فيش حاجة، هو هيتكلم معاكي شوية واحكي كل حاجة تعرفيها حتى لو كنتي ما حكيتليش عليها لينا.. ماشي.

اومات موافقة: حاضر.

قبّل جبينها قبل أن يخرج.

ثم قال لها الضابط بهدوء:

- انت قلقانة ليه يا مدام جويرية، احنا هندردش زى اتنين أصحاب، كل الموضوع إنني عايز بس ما يبقاش في أي تاثير لأي حد عليكي، اهدى كدة وخدي نفس، واحكي لي كل حاجة من الأول.

تنهدت جويرية قائلةً: حاضر.

وقصت عليه كل ما حدث بين كريم وفريده، وكل ما أخبرتها به فريده بخصوص تجارة السلاح، ومقتل الرجل وعقد الزواج حتى اللحظة، التي أغمى على فريده فيها.

كان الضابط يستمع لها بهدوء حتى قال: طيب في أي حاجة ثانية ناسياها أو خايفة تقوليها؟!

نظرت له قائلةً: لا خالص ده كل حاجة والله.

ابتسم الضابط بود قائلاً: مصدقك يا مدام أنا بس بتكلم معاكي.

ابتسمت قائلاً: خلاص كدة

- خلاص كدة، ثم توجه إلى الباب وفتحه؛ ليجد حازم وإياد واقفان ينتظران انتهائهما، عندها قال لهما خلاص تقدروا تتفضاوا، دخل حازم ثم إياد، الذي ما أن دخل حتى ارتمت جويرية في أحضانه؛ ضمها بقوة هامساً في أذنها:

- انتى كويسة؟

- أيوه الحمد لله.

ابتسم الضابط قائلاً:

- ما تقلقش يا باشمهندس احنا اتكلمنا شوية مش أكثر، واضح إن الباشمهندس بيخاف عليكى قوي يا مدام.

ابتسم حازم قائلاً بمداعية:

- بنته مش مراته يا فندم، معلش هى تقدر تطلع دلوقتى؟

- اه طبعا وميرسى يا مدام، وإن شاء الله كل حاجة تخلص بسرعة.

أومات برأسها موافقة:

- إن شاء الله.

ربط إياد على خدها برفق قائلاً:

- اطلعي انتى لفريدة دلوقتى.

غادرت جويرية، وجلس حازم وإياد مع الضابط، الذى بادر بالحديث قائلاً:

- أولا علشان نبقى متفين محدش من حضراتكوا هيتصرف أي تصرف من غير الرجوع ليا؛ علشان ما نقاش بنضيع كل حاجة

و..

دق الباب ودخل أدهم، الذى وجدهم جميعاً فقال حازم:

- تعال يا أدهم، وأشار إلى الضابط قائلاً: مقدم إيهاب العريزي من المباحث.

استاذ أدهم الأصارى خطيب فريدة.

نظر أدهم وإياد لحازم باستغراب؛ فابتسم حازم بهدوء مضيئاً: اقعد يا أدهم.

جلس أدهم فقال الضابط مرة أخرى:

- استاذ أدهم زي ماكنت بقول قبل ما حضرتك تيجي يا ريت محدش يتصرف أي تصرف دون الرجوع لينا، علشان ما نتعارضش مع بعض.

- ثانيا استاذ حازم أنا محتاج حضرتك تستفز كريم.

- مش فاهم.

- بص أنا عايز كريم يتحرك بتوتر، مش عايزه يفضل مطمئن كده؛ لأن توتره ده هيخليه يعمل حاجة غلط، وأنا مقدرش إنى أواجهه إلا لو غلط.

- امممم، والطلب!

- زيارة لكريم.

إياد بقلق:

- بس كده نبقى بنعرفه إن حازم عارف!

نظر له الضابط مؤكداً:

- ماهو لو مش حازم هتبقى مدام جويرية....

الفصل الثامن

- إليه مستحيل

ابتسم الضابط مهدئاً له:

- ماتقلقش مدام جويرية أضعف من إنني أخليها فى المواجهة دي، مش هتعرف، وممكن تبوظ كل حاجة، وكمان كريم ذكي مش هتفتعه، لكن دكتور حازم أولاً ليه مبرر إنه يروح بعد موضوع الصور، وبعد حالة الأنسة فريدة، وكمان ثباته الإنفعالي بحكم التعود، هيساعدنا كتير إن مهما كريم استفزه مش هيغلط فى اللي هنتفق عليه، وعلشان كده هو الأنسب، لكن حضرتك أو أستاذ أدهم الموضوع هيبقى غريب ليه، ووجود أدهم بالتحديد ممكن يخليه يتهور بشكل احنا مش متوقعينه؛ لأن واضح وآسف على اللي هقوله إنه فعلاً بيحب فريدة.

قطب أدهم جبينه فقال حازم مهدئاً

- هو اللي بيحب فريدة، مش هي اللي بتحبه، فنهدي بقى.

ابتسم إياد قائلاً:

- معلىش يا حضرة الضابط أعذره.

- أبدأً والله، أنا بس خايف إن ظهور أدهم فى الصورة ممكن يخلى كريم يبقى عنيف، وده مش مطلوب.

فقال أدهم على مضض:

- حاضر بس لو عمل أي حاجة أنا هتصرف، ومش هسكت.

أضاف الضابط:

- ما تفلت من اللحظة دي كلكوا هتبقوا تحت المراقبة وطبعًا حضرتك كمان، وأرقام تليفوناتكوا كلها هتتراقب علشان لو فكر إنه يتصل أو يعمل أي حاجة نبقى بنشتغل رسمي، المهم حازم أنا عايزك تروح لكريم تستفزه، بمعنى مش عايز خناق، أنا عايز بس تهديد إنه يبعد عن فريده، وياريت ما يعرفش إن فريده فى الحاله اللي هى فيها، عايزه فاهم إنها كويسة جدًا وإن هى اللي رافضه تتعامل معاه، وياريت تليفونها ما يتفلس لأنه أكيد هيحاول يتصل بيها، ولو حصل أنا عايز حد يفتح الخط بس بعد ما يتصل أكثر من مرة من غير ما يتكلم، عايزه يفهم إنها بتفتح الخط ورافضه الكلام؛ عايز أشوف رد فعله.

أى حاجة مهما كانت صغيرة تشكوا فيها، أو تحصل حتى لو متخيلين إنها تافه لازم تبلغونى بيها، وبعد إذنكوا من انهارده هيبقى فى حد من رجالتنا جوا الفيلا للتأمين مش أكثر.

نظر لهم ليعلم ردود أفعالهم فوجدهم جميعًا منصتين له، فأضاف قائلاً:

- حد من حضراتكوا معاه سلاح؟

فرد إِيَاد:

- انا وأدهم معانا.

- مرخص؟

- اه طبعا.

- ودكتور حازم؟

فرد حازم:

- لا أنا ما ليش فيه.

- تمام يا ريت بقى سلاحكوا يبقى معاكوا الفترة اللي جاية،
ودكتور حازم قبل المقابلة بتاعت كريم هيبقى معاك سواق، هو
ضابط من اللي دوره التأمين برده؛ علشان ما نحدش من
حركتك، وعلشان تبقى طبيعية لو كنتوا تحت المراقبة إن
السواق مع حضرتك من قبلها، تمام كده حد عنده أى استفسار.

ردوا جميعاً:

- لا تمام.

- تمام قوى مش هأكد تاني محدش يتصرف غير بالتنسيق معايا،
ثم وجه كلامه لأدهم قائلاً: استاذ أدهم كلامى ياريت يتنفذ.

فزفر أدهم قائلاً:

- هحاول.

- طيب أستنذن أنا، وإن شاء الله تظمنوا على الأنسة فريدة.

غادر إيهاب، وجلس حازم وإياد وأدهم، الذي بادر قائلاً:

- هتروح امتي؟

- بكره على طول، مش هستنى عايز ارتاح.

- طيب تف...

قطعت أمنية حديثهم قائلةً بفرح:

- أنسة فريدة فاقت.

هبوا جميعاً من أماكنهم، وصعدوا إلى فريدة، وكان أولهم حازم بالطبع، الذي اقترب منها، وجلس بجوارها؛ فوجدها مغمضة العينين كما هي، وبجوارها جويرية تمسك كفها وتبكي.

فقال ببطء:

- إيه اللي حصل؟!!

قالت من بين دموعها:

- كنت بتكلم معاها لقيت إيديها بتضغط على إيدي، وفتحت عنيتها
قالتلي: صدعتوني، وابتسمت ونامت تاني.

فقال أدهم بقلق:

- ده معناه إيه يا حازم.

ابتسم حازم قائلاً:

- معناه إنها قررت تصحى، على العموم هنشوف، تناول أحد أنواع الحقن وحقنها بها، وقال: المفروض الحقنة دى تنشطها وتخليها تفوق بعد ساعة على الأغلب، خلونا نستنى ونشوف.

فقالت جويرية:

- أنا مش هسيبها.

فأضاف حازم:

- محدش هيسيبيها، هى محتاجة تشوفنا كلنا أول ما تصحى، ونظر لأدهم مشجعاً: تعال اقعد جنبها واتكلم معاها، هى محتاجة تسمع صوتك.

فتنحج أدهم بحرج قائلاً:

- لا خليك انت جنبها.

فابتسم إباد قائلاً رابطاً على كتفه:

- اقعد يا أدهم انت خطيبها رسمي، وكمان احنا موجودين أهو، ونظر لجويرية قائلاً:

- تعالي يا جوري خلي أدهم يعد جنبها.

زمجرت جويرية بطفولة قائلةً:

- ايوه بس.....

فأسكتها إباد قائلاً:

- تعالي بلاش دلع، سيبي الواد ياخذ فرصته، محدش عارف
فريدة هتصحى تعمل فيه إيه.

فابتسم حازم قائلاً:

- إن شاء الله مش هتعمل حاجة.

قامت جويرية، وجلس أدهم بجوار فريدة ونظر إلى وجهها، وجدها
كأنها تبتسم وهي نائمة؛ فابتسم قائلاً بهمس:

- وحشتيني اصحي بقى.

ربط حازم على كتفه قائلاً:

- اتكلم معاها واحنا هنقعد فى التراس بره.

فحرك أدهم رأسه موافقاً:

خرج حازم وإباد، الذى سحب جويرية من يدها حتى يتركها أدهم مع
فريدة.

تناول أدهم كفها وابتسم قائلاً:

- مغلش أصل انتى لما هتصحى مش هترضى أمسك إيدك، وأنا مش قادر أقاوم، عارفة لما هتصحى والمشكلة دى تخلص أنا مش هسيبك لحظة واحدة، وهفضل قاعد على قلبك كده على طول، حتى لو زعلانة مني هصالحك، ولو ما رضيتيش برده هرخم عليكى لحد ما ترضي عني، ياله بقى بطلي دلع واصحي، انتى وحشتيني قوي، امتى كل ده يخلص واتجوزك، أه ما هو أنا هتجوزك، مش قللتك أنا قبل كدة انتى مراتي، بس عارفة يا ديدة انتى مش مراتى بس، لا انتى حبيبتى واختى وبنتى وصاحبتي، وحياة عنيكى الطوين دول ما هسمح لحد يزعلك أو يوجعك تانى يا ديدة، بس فوقى بالله عليكى كفاية كدة، انتى وحشتينى قوي يا ديدة، ووحشني خناقك وعصبيتك، عنيكى وابتسامتك، كل حاجة فيكى وحشتني.

سكت أدهم قليلاً ناظرًا لأصابعها بين كفه، ثم سمع صوتًا اشتاقه كثيرًا يقول له بهدوء:

- مش قللتك مبحش حد يلمس إيدي.

رفع رأسه سريعًا لها مبتسمًا وضاحكًا وباكيًا فى وقت واحد، وصرخ قائلاً:

- ديدة..

دخل حازم وإياد وجويرية على صرخته، ووجدوها تنظر لأدهم وكفها يستريح بين كفيه، ودموعه تغرق خديه وابتسامة حب كبيرة على

وجهه، فرفعت كفها الأخرى تمسح دموعه من فوق وجنتيه قائلةً
بابتسامة حانية متعبة:

- بطل عياط يا رخم انت.

فهز رأسه وأغمض عينيه مستمتعًا بلمس أصابعها فوق خده، اقترب
حازم منهما، وقال لأدهم:

- عن إذتك بقى كده يا أستاذ أكشف عليها.

نظر له أدهم قائلاً بترجي:

- طب شوية كمان مش هترضى بعد كده أمسك إديها:

فقال إباد مبتسمًا:

- قوم يا ابني وبعد كده نشوف.

نظر لها أدهم بحب يتزجاها؛ فضغطت على كفه بأصابعها بحنان،
وابتسمت له.

تركها أدهم مجبرًا، وجلس حازم مكانه، رفع معصمها يقيس نبضها،
ويطمئن عليها، ثم نظر لها ورفع جسدها عن السرير قائلاً بحنان:

- موتيني رعب يا مجنونة، ثم احتضنها بقوة، فضمت جسده
بذراعيها قائلةً بين أحضانه:

- أسفة يا حازم، أسفة.

فقال إياد متصنعاً الغضب:

- لسه حسابك مجاش يا هانم، لما تبقي كويسة هنشوف.

فضربته جويرية على كتفه، واتجهت إليها قائلةً:

- بطل يا إياد بقى.

فابتسم أدهم قائلاً:

- من هنا ورايح محدش هيعملها حاجة.

فنظرت له فريدة بابتسامة خجلة وأغرقت وجهها فى صدر جويرية،
التي كانت تضم جسدها بحب.

تحرك إياد وربط على رأس فريدة مقبلاً لها، قائلاً في حب:

- حمد لله على السلامة رعبتينا عليكى يا ديدة.

رفعت رأسها مبتسمة لها، فتناولت كفه بين كفها قائلةً:

- حقك عليا حقوكوا كلكوا عليا.

فقال أدهم:

- اللي انتى عايزاه كله اعمليه، بس تبقي معايا قصدي معانا.

فضحكوا جميعاً على إحراجه فقالت فريدة:

- مالكوا سيبوه فى حاله.

فابتسم حازم قائلاً:

- ما شاء الله بعيننا فى لحظة، وبعدين مش ده أدهم الوقح الغريب،
اللى بيحاصرك فى كل حته، واللى مش بتكرهى حد قده.

عند هذه الجملة نظرت فريدة لأدهم تستعطفه:

- ما قلتش دي أنا والله، ثم التفتت لحازم غاضبة إيه انت بتحط
التاتش بتاعتك!

فضحوا جميعاً عليهما.

فقال أدهم بحب:

- قولى كل اللى انت عايزاه، المهم تبقي بخير وكويسة وأنا كفيل
أغير كل اللى هتقوليه عليا.

فربط إيداد على كتفه قائلاً:

- ما بلاش دي هتواريك أيام بسواد شعرك.

فغضبت فريدة قائلةً:

- إيداد إيه انت بتخوفه مني.

اقترب أدهم منها وجثا على ركبتيه بجوارها ناظرًا فى عينيها بحب
وقال:

- أنا عمري ما هخاف، ولا هزعل منك أبدًا يا ديدة، انتى حب عمري كله.

نظرت له فريدة بحب؛ فدمعت عيناها، وحاولت الكلام إلا أنها تلعثمت
قائلة:

- أدهم أنا.. أنا...

فرت دمعة على خدها؛ التقطها أدهم بأصابعه قائلاً بخفوت:

- أوعى اللولى اللي نازل من عنيكى ده ينزل أبدًا، ده أغلى من
أى حد، وأى حاجة.

ابتسمت فريدة بحب له.

وقطع حازم تلك اللحظات الرائعة قائلاً:

- طب مش كفاية بقى كدة ونسيبها ترتاح شوية ولا آيه.

فقال أدهم:

- طب ممكن تسبنى شوية معاها.

- لا ياله كفاية عليها كده، ترتاح على ما جويرية ترتبنا غذا
محترم علشان ديدة محتاجة تتغذى كويس، وبعدين يا سيدى
قدامك العمر كله بإذن الله تطلع عينك وتطلع عنيها.

فنظر أدهم لها باسمًا:

- تطلع عيني أنا راضي بس هي تبقي كويسة وأنا هحطها جوا
عيوني.

فربط إيد على كتفه، وقال مشاعبًا:

- طب ياله ياعم روميو سيب جولبيت ترتاح شوية.

لمس أدهم كفها بحذر خوفًا من رد فعلها، إلا أنها راحت كفها تحت
كفه، فقال بحب:

- أنا تحت ومش هسيبك.

فأومأت برأسها موافقة ثم أراحت جسدها على السرير مرة أخرى،
خرجوا جميعًا عدا حازم، الذي جلس بجوارها، قائلًا بحب:

- عاملة إيه دلوقتي.

ابتسمت قائلةً:

- حاسة إنى مكسرة.

ربت على خدها قائلًا:

- ده طبيعي بس فى حاجة تانية نفسك كويس، عنيكى مش مزغللة
يعنى حاسة بأي حاجة.

هزت رأسها نفيًا قائلةً:

- لا أبدًا بس حاسة إنى مرهقة.

- ده بردوا طبيعى خالص، ارتاحي ولما هتكلي هتبقى كويسة، أنا ساعتين وهاجي اصحيكي بس ما تحاوليش تقومي من السرير لوحدك؛ لأن وارد تحصل دوخة أو زغللة.. ماشى!
- حاضر.

كاد يقف إلا أنها تمسكت بذراعه قائلةً بخجل:

- حازم أنا.. أنا.

فحثها على الحديث قائلاً:

- انتي إيه!!

أخذت نفساً عميقاً، وأردفت قائلةً:

- آسفة على كل حاجة وأي حاجة.

ربط على كفها قائلةً يطمئننها:

- مش وقته يا ديدة، وما تقلقيش من حاجة طول ما أنا عايش، فاهمة... ولو حصلي حاجة أنا مطمئن عليكى بردوا بوجود أدهم وإباد.

فزعت قائلةً:

- ما تقلش كدة، ربنا يحميك ويخليك ليا يارب.

ربت على خدها قائلاً:

- طيب ارتاحي دلوقتي وما تشيليش هم أي حاجة.

عادت فريدة لتستلقى على فراشها، وخرج حازم من غرفتها، وتوجه للأسفل، وجد إباد يشاكس أدهم فقال لهما:

- أنا رايح لكريم.

فسكت كلاهما ونظرا إليه فبادره أدهم قائلاً:

- دلوقتي ليه.

- مش هقدر أسيبها تعيش في الرعب ده أكثر من كدة، أنا هكلم إيهاب وهروح ومش هتأخر.

فقال إباد:

- طب أجي معاك؟!!

- لا هروح لوحدي خليكوا هنا.. تمام.

فأوما كلا منهما برأسه موافقاً.

خرج حازم واتصل بإيهاب يخبره أن فريدة استيقظت، وأنه في طريقه لكريم؛ لتنفيذ ما اتفقا عليه، وأنه قد أخذ معه الصور، التي سبق أن أحضرها كريم لفريدة، حتى تُسهل له استفزاز كريم؛ فوافق إيهاب، الذي طلب منه أن يتوخى الحذر جيداً، وأن ينتبه جيداً لكل كلمة أو تصرف قد يحدث أمامه في مقر شركات الدمهوري؛ لأنه بالتأكيد سوف يستفاد منها.

بعد ربع ساعة كان حازم يقف فى مكتب رئيس مجلس إدارة الدمنهوري جروب، وطلب من سكرتيرة كريم أن تخبره بأن دكتور حازم أبو العزم يرغب فى مقابله.

توجهت السكرتيرة لمكتب كريم؛ طرقت الباب ودخلت، ثم عادت تخبر حازم بأن استاذ كريم سيقابله خلال خمس دقائق، ودعته للجلوس لينتظره.

وبعد دقيقتين ارتفع صوت كريم وأحدهم من داخل الغرفة، وكان عبارة عن مشاجرة بين الرجلين، وخرج الرجل من المكتب غاضبًا قائلاً:

- حسبى الله ونعم الوكيل فيك يا كريم، منك الله، خربت بيتى والله لأوريك، حسبى الله ونعم الوكيل.

دخلت السكرتيرة لكريم الذى أخبرها أن تدخل دكتور حازم، ولا تسمح لأحد بالدخول عليهما.

خرجت الفتاة وطلبت من حازم الدخول، ولكنه سألها:

- هو مين الراجل اللي خرج ده؟

فنظرت الفتاه لمكتب كريم وقالت بخفوت:

- ده عم حسنين كان بيشتغل فى المخازن، وحصلت مشكلة كدة وأستاذ كريم طرده، والراجل عنده بيت وأولاد، بس نعمل إيه بقى.

فقال حازم:

- امم أه طيب عن إنك.

دخل حازم ووقف مواجهاً لكريم، الذى ابتسم فى وجهه، ومد يده ليسلم عليه قائلاً:

- زوما حمد لله على السلامة واحشنتنى والله.

نظر له حازم بسخرية فأضاف كريم:

- إيه يا حازم مش هتمد إيدك تسلم عليا ولا إيه.

- نفتكر ينفع إيدي تبقى فى إيدك يا كريم.

نظر له كريم رافعاً إحدى حاجبيه بسخرية قائلاً:

- وإيه اللي يمنع.

نظر له حازم وقال غاضباً.

- فريدة يا كريم ولا نسيته!

تنهد كريم قائلاً:

- اقعد يا حازم وأهدا.

- أهذا أهذا إيه انت مجنون، ولما انت عايزني أهذا دول يبقوا إيه،

قدفه بظرف الصور، الذى سبق أن تركه لفريدة...

فقال كريم بتوتر:

- حازم أنا...

ضرخ حازم قائلاً:

- انت إيه يا بيه يا محترم، ثم رفع إصبعه بوجه كريم محذراً:
بص يا كريم أقسم بالله العلي العظيم لولا إني خايف على فريدة
من أي صدمات تاني، ومش عايز أعرضها لأي انفعال، أنا
كنت قدمت فيك بلاغ سب وقذف وتشهير، وانت عارف إني
أقدر أخذ حكم ومن أول جلسة مع سمعة فريدة اللي محدش يقدر
يختلف عليها، ومع سمعة حضرتك اللي ما شاء الله زي الزفت،
أو إني أقدم بلاغ وأطلب منك رسمي عدم التعرض ليها، وأخذ
عليك إقرار بده، بس أنا اللي محجمني فريدة وحالتها النفسية،
بس على العموم كل ده هيخلص وقريب قوي.

ضيق كريم عينيه قائلاً بتردد:

- يعنى إيه؟!!

صرخ حازم بوجهه قائلاً:

- يعنى أنا وفريدة هناجر، وهنسيبك البلد باللي فيها، ومن هنا
لوقت ما ده يحصل حذار تقرب من فريدة يا كريم، وإلا قسمًا
بالله أنا مش مسؤول عن اللي هعمله فيك، فاهم ولا لا.

غادر حازم مكتب كريم، الذي كان يستشيط غضبًا؛ وتناول منفضة
سجائر من فوق مكتبه وقذفها في النافذة العريضة في مكتبه، ثم تناول
هاتفه قائلاً:

- حوليني بمحمود حالاً.

وأغلق السماعه بقوة.

وبعد دقيقة كان هاتفه يدق، رفع السماعه قائلاً بحدّة:

- دكتور حازم أبو العزم – مهندس إياد الفايد- مهندسة فريدة أبو العزم – مدام جويرية هادي مراقبة ٢٤ ساعة ولحظة بلحظة أعرف تحركاتهم مفهوم.

أغلق كريم سماعه الهاتف وقال:

- أما أشوف أنا ولا أنت با ابن أبو العزم.

خرج حازم من مكتب كريم؛ وقفت السكرتيره احتراماً له، فقال:

- شكراً يا آنسة معلش هو ممكن أطلب منك خدمة؟

فقالته الفتاة مرحة:

- أكيد يا فندم.

- معلش ممكن تديني رقم عم حسنين يعنى عايز ابعتله حاجة كده لحد ما يحل مشاكله مع كريم.

ابتسمت الفتاه قائلةً:

- أه طبعاً.

وكتبت له رقم الهاتف فى ورقة:

- اتفضل بس يا ريت حضرت ما تعرفش حد إنك أخذته مني.

ابتسم حازم ابتسامة جذابة قائلاً:

- أكيد طبعاً أشكرك.

- مع السلامة يا فندم.

خرج حازم من مجموعة الدمنهوري، ووجد أحدهم يقف بجوار سيارته؛ فاقترب منه ففتح له الرجل السيارة قائلاً بخفوت:

- ظابط طارق حسين من طرف مقدم إيهاب العزيزي حضرتك، اركب ومنتكلم جوا.

ركب حازم السيارة وانطلق بها طارق، الذي قال بود:

- باشمهندس إباد كلم إيهاب بيه، وقال له إنك جاي لكريم وتوقع إنك هتخرج من عنده متراقب، وده اللي حاصل فعلاً، فى عربية ماشية ورانا من ساعة ما اتحركنا تقريباً.

فقال حازم:

- طيب تمام أنا كنت هكلم إيهاب أصلاً.

طلب حازم إيهاب وقصَّ عليه ما حدث، وأخبره بموضوع عم حسنين إلا أن إيهاب هبَّ صارحاً فيه:

- إيه يا حازم، ده اللي اتفقنا عليه.

فقال حازم متوترًا:

- إيه يا إيهاب ما أنا بحكيك أهو كل اللي حصل، انت مش قلت أي حاجة الأحظها أفلك عليها.

إيهاب بغضب:

- تلاحظها تحكيلي، مش تعملها، أفرض إن كريم وده أكيد مركب كاميرات مراقبة فى مكتبه، واتبلغ إن حضرتك كلمت السكرتيرة، وأخذت منها الرقم بتاع الراجل، كريم مش غبي.

ابتسم حازم:

- ولا أنا كمان يا إيهاب البننت لو عارفة إن فى كاميرات مراقبة مكنتش ادتنى الرقم وهى حذره كده، كانت رفضت أو توهت فى الكلام، وبعدين سببها على ربنا، واللي فيه الخير ربنا يقدمه، بقى ما توترنيش أنا اصلا المقابلة دى موتراني جدًا، وخارج مش طايق نفسي.

- طيب على العموم حصل خير، انتوا متراقبين، وده أنا كنت متوقعه، والرجاله عندكوا فى الفيلا من ساعة تقريبًا، وطبعًا برده الفيلا اتراقبت، وكمان مكتب إباد ومكتب فريدة وشقتها.

فقال حازم مستغربًا:

- بالسرعة دي.

- أكيد انت بتتعامل مع كريم الدمنهوري، وده مش أي حد، المهم حاول تقلل حركتك انت طبيعي هنا فى إجازة، خلي بس إياد بتعامل عادي جدًا، ويتحرك عادي، وياريت المدام بتاعته ما تتحركش لوحدها، ولو مضطرة يبقى من خلال طارق، طارق ظابط شاطر وذكى هيعرف يتصرف فى أي موقف، وأنا بعتمد عليه.

- تمام هي كدة كدة إياد مش هيسمحلها بالخروج.

- طيب كويس، أخبار فريدة إيه.

- أه صحيح، الحمد لله فاقت انهارده بعد انت ما مشيت.

- طيب كويس الحمد لله، طيب أنا كنت حابب اقعد معاها لو صحتها تسمح.

- اممم مش عارف.. إيه رأيك تعدي تتعشى معانا، وأهو يبقى عيش وملح وتتكلم مع فريدة، كلنا هنبقى هناك.

- اممم مش هينفع عشا خليني أشرب الشاي معاكوا على ٧ كويس؟

- أكيد هستناك.

- تمام ومن فضلك يا حازم ما تعملش فيها شارلوك هولمز تاني ممكن.

ضحك حازم قائلاً:

- طبعًا حاضر.

- سلام.

- مع السلامة

عاد حازم إلى الفيلا ووجد إياد وأدهم وجويرية؛ فحكى لهم كل ما حدث مع كريم ومكالمته لإيهاب، وتحذير إيهاب لهم جميعًا فقالت جويرية:

- يعني أنا لو عايزه أخرج مش هعرف!

فقال إياد غاضبًا

- تخرجي فين فى الظروف دي!

سكتت خائفة:

- إيه يا إياد أنا بتكلم بس.

صرخ قائلاً:

- من غير كلام، خلي المصيبة دي تعدي على خير، ولا انتي ناسية مين السبب فيها.

صرخت قائلةً:

- إياد أنا..

هَبَّ صارخًا بصوت عالٍ:

- لا انتى ولا أنا، انتهينا ما فيش خروج من البيت لحد ما الليلة
دي تنتهي فاهمة ولا لأ.

اغرورقت عيناها بالموع، إلا أنها تماسكت حتى لا تبكى أمام حازم
وأدهم، وأومات برأسها موافقة، ثم تنحنت قائلةً:

- أنا هروح أشوف فريدة.

خرجت من الغرفة مسرعة قبل أن تتساقط دموعها.

ثم تنهد إيداً غاضباً وسقط جالساً على الكرسي المجاور، ثم نظر لحازم
وأدهم الذين كانا يعاتبانه بنظرات واضحة

فقال غاضباً:

- إيه انتوا الاتنين..

فقال حازم:

- إيه انت مش كدة

وأضاف أدهم:

- على الأقل مش قدامنا اخرجتها جدًا.

فقال إيداً غاضباً:

- كل ما افتكر إنها خبت عليا وإن لا قدر الله كان ممكن يجراهم
حاجة بتجنن، مش عارف.

فقال حازم مهدئاً:

- طيب اطلع شوفها، هي أكيد فى اوضتها، صالحها، جويرية
بتحكك، وفريدة عندية انت عارف.

فتنهذ بتعب:

- حاضر.

غادر إياد ليصعد إلى غرفة جويرية، وبقي حازم وأدهم، الذى فتح معه
موضوع فريدة قائلاً:

- حازم انت هتقول لفريدة إني خطبتها رسمي وإنك موافق!

ابتسم قائلاً:

- أكيد بس انت عارف الوضع، فريدة كدة على ذمة راجل، حتى
لو ورق مزور، لازم ما نبعدهش ده عن تفكيرنا، وصدقنى أنا
مش هلاقى حد أمن على فريدة معاه زيك يا أدهم.

فقال أدهم غاضباً

- كله من الحيوان اللي اسمه كريم ده، لولا كد كنت كتبت عليها
حالاً

فضحك حازم قائلاً

- طب اهدا بس كله خير من ربنا، المهم أنا هطلع أشوف فريدة
وأنزل.

- وأنا هعمل كام تليفون كده على ما تنزلوا.

- تمام البيت بيتك طبعًا.

- ربنا يخليك.

ترك حازم أدهم وتوجه لغرفة فريدة.

ولدقائق ماضية كان إياد يطرق غرفة جويرية، فهو يعلم أنها بالتأكيد تبكي، فلم يرغب في إغضابها أكثر فطرق الباب؛ ولكن لم تأذن له بالدخول؛ ففتح الباب بهدوء، ودخل الغرفة إلا أنه لم يجدها، ولكنه سمع صوتها من خلف باب الحمام تبكى وتشهق بقوة.

فاقترب من الباب واستند بجبهته فوقه قائلاً بصوت مرتفع قليلاً:

- افتحي الباب.

كتمت أنفاسها حتى لا يسمعها.

فقال مرة أخرى بنبرة أعلى:

- افتحي الباب يا جوري.

تمالكت أنفاسها وقالت من بين دموعها:

- هاخذ دوش واخرج.

- جويرية ما تنرفز نيش، افتحي الباب بدل ما اكسره.

فقال بصوت غاضب:

- إيه يا إياد ما فيش خصوصية خالص، سيبنى لوحدي.

فابتسم قائلاً بمشاغبة:

- ومن امتى الخصوصية دي!

شهقت من خلف الباب وقالت بتلعثم:

- إياد احترم نفسك.

فابتسم أكثر وادعى الغضب قائلاً:

- قلت افتحى الباب، هكسره وانتى عارفة إنى عملتها قبل كدة.

الفصل التاسع

داعتها ذكرى بعيدة فى أول زواجهما عندما حاولت الاختباء منه، ولكنه لم يمهلهما الفرصة وكسر الباب، وكان عقابها من أذ ما يكون لكليهما. فابتسمت واستندت هى الأخرى على الباب بظهرها، وسمعت أنفاسه المتحشجة وهو يهمس قائلاً:

- افتحي الباب.

تنهدت مبتسمة ثم نزعت الابتسامة عن وجهها، وتصنعت الغضب، والتفتت بحدة، وفتحت الباب بقوة؛ فوجده يستند على إطار الباب باسمًا لها، فحاولت المرور لكنه وقف أمامها مانعًا لها، فحاولت التحرك جانبًا إلا أنه وقف أمامها مرة أخرى مبتسمًا لها، فقالت غاضبةً:

- ابعد عدينى يا إباد.

ابتسم مقتربًا منها:

- ولو ما بعدتش!

رجعت للوراء خطوة قائلةً بغضب:

- إباد ما تهزرش ابعد عدينى.

اقترب منها حتى أصبح فى مواجهتها قائلاً بهمس وبطء:

- ولو ما بعدتش؟!!

همست قائلةً بخجل:

- ابعد يا إباد.

اقترب منها لاغيًا المسافة الفاصلة بينهما، حتى لامست أنفاسه خصلات شعرها، وهمس قائلاً: ببطء تغلل إلى أنفاسها:

- ولو ما بعد تش.

نظر إلى عينيها بحب فأخضت عينيها حزنًا منه، فرفع عينيها إلى عينية قائلاً بهمس:

- ما تزعليش.

اغرورقت عيناها بدموعها، وحاولت الكلام إلا أنها اختنقت بدموعها وشهقت، فسحبها إلى صدره قائلاً:

- معلش ما تزعليش مني، بس انت مش متخيلة أنا خايف عليكى وعلى فريدة قد إيه.

قالت من بين دموعها:

- والله قتلها كتير إنها لازم تفلك، بس هى ما رضيتش، والله كانت خايفة عليكوا قوي.

حرك كفيه على ظهرها برفق وحنان قائلاً:

- عارف يا حبيبتى عارف، بس وحياتي ماتخبي عني حاجة تاني،
ثم أبعدھا عن صدره برفق قائلاً: جورى انتى مش بس مراتى
وحبيبتى انتى بنتى وأمي واختى، أنا من غيرك أموت، نظرت
إليه بحب قائلةً: وأنا يا إياد.. أنا مش بعيش غير بيك وليك،
سامحني يا إياد، والله مش هعمل كده تاني، مش هخبي عليك
حاجة أبدًا تاني مهما كانت.

نظر إليها بحب وضمها إلى صدره بحنان، فرفعت عينيها إليه، فاقترب
بشفتيه من شفتيها؛ وقبلها بحنان فرفعت ذراعيها تحيط بهما رقبتة، تنهل
من حنان شفتيه.

ابتعدت عنه لاهثة لتلنقط أنفاسها، نظر إلى عينيها قائلاً:

- بحبك.

نظرت له بخجل قائلاً بمشاكسة:

- طب ياله اتفضل اطلع بره.

ابتسم ضاحكًا:

- طب إيه مش هتخرجي.. ولا هتباتي فى الحمام الليلة.

ضربته على كتفه قائلةً:

- بطل بقى ياله اخرج.

قهقه ضاحكًا:

- طب ياله علشان أنا جعان بصراحة.

- حاضر يا حبيبي من عنيا.

ابتسم بعشق:

- تسلملى عيونك.

فى ذلك الوقت كان حازم يتوجه لغرفة فريدة التى وجدها نائمة فاقترب منها رابتاً على كتفها:

- ديدى ديدى ياله يا حبيبتى اصحى.

تملمت فريدة فى سريرها، وفتحت عينيها قائلةً بابتسامة طفولية:

- حازم هو أنا نمت تانى كثير.

- لا يا حبيبتى، انت كنتى صاحية، أنا بضحك عليكى.

ابتسمت ضاحكة:

- والله... طب مش كنت تقلى.

ابتسم بحنان قائلاً بخفوت:

- حمدلله على سلامتك يا ديدى.

- الله يسلمك يا حبيبي، سامحنى يا حازم.

- خلاص يا ديدة ما تتكلميش، أنا مقدر اللي كنتي فيه، المهم بقى فى حاجة عايز اتكلم معاكي فيها قبل ما تنزلي.

اعتدلت فى سريرها قائلةً:

- خير يا حازم!

- بصي يا ديدة: أولاً المباحث دلوقتي متابعة موضوع كريم.

فزعت قائلةً:

- إيه انت بتقول إيه يا حازم.

ربت على كتفها قائلاً:

- اهدى يا ديدة، كان لازم الموضوع أخطر من واحد بيحب واحدة وبيطاردها، وانتي فاهمة ده، وأنا مكنتش هستني لما كريم يتهور ويعمل فيكي حاجة؛ فكان لازم أبلغ المباحث، وفعلاً احنا كلنا تحت المراقبة لأن كريم طبعاً اتحرك وبسرعة؛ وعلشان كده أنا بقلك علشان تاخدي بالك، وكمان ما فيش خروج من البيت نهائي لحد ما المشكله دي تتحل، فريده أنا مش مستغني عنك.

تنهدت بتعب قائلةً:

- حاضر يا حازم.

- المقدم إيهاب العزیزی هو المسؤول عن القضية، وهیجی اللیلة
یدردش معاکي شویة آخر النهار.

هزت رأسها قائلةً:

- حاضر يا حازم.

- الحاجة الثانية بقى..

نظرت له قلقة:

أردف قائلاً:

- أدهم..

نظرت له بتعجب قائلةً:

- اشمعنى!

ابتسم قائلاً:

- بیحبك یا دیده، وخطبك مني، وأنا وافقت.

اتسعت عیناها دهشةً، قائلةً بغضب:

- والله.. طب کویس ألف مبروك.

قهقه ضاحكًا:

- الله یبارك فیکي.

ردت قائلةً بغضب أكبر:

- حالازم.

ابتسم رابتًا على خدها قائلاً:

- يا ديدة يا حبيبتى انتى بتحبيه وهو بيحبك، يبقى تهدي وتديله فرصة.

- فرصة إيه يا حازم، أنت المفروض عرفت كل حاجة، يبقى ازاي هتجوز واحد وأنا على ذمة واحد تاني؟!

- يا حبيبتى كل حاجة هنتحل ما تقلقيش، أنا بس عايزك تهدي، وكل حاجة هنتحل، وتدي لأدهم فرصة، الواد هيتجنن من ساعة ما تعبتى، اديله فرصة يا قلبى، وكل حاجة هنتبقى كويسة.

تنهدت قائلةً:

- حاضر يا حازم.

- تمام ياله قومي بقى علشان نتغدى، حاولت النهوض من سريرها فقال حازم: بالراحة؛ علشان ما يجلكيش دوار، ساعدها على الوقوف وأسندها حتى وصلت للحمام قائلاً: هبعثلك جورى تساعدك.. تمام.

هزت رأسها موافقةً.

وبعد ساعة تقريبا كانت جويرية وفريدة تنزلان درجات السلم، وفريدة تستند على جويرية، وما أن رأهما أدهم وإياد وحازم حتى ذهبوا إليهما؛ فاقترب إياد منها حاضناً لها، وقائلاً بحب:

- حمد لله على سلامتک يا ديده.

ضمته برقه قائلةً:

- ربنا يخليک يا إياد.

تکلم أدهم متحنحاً:

- احم احم حمد لله على سلامتک يا فريدة.

ابتعدت عن إياد قليلاً قائلةً: بابتسامه هادئة:

- الله يسلّمک.

خرجوا جميعاً للتراس، فقال أدهم لإياد بهمس عصبی:

- لو لمستها كده تاني هخسرك.

ابتسم إياد قائلاً:

- يا راجل دي اختي يا أهيل انت.

ابتسم أدهم من بين أسنانه قائلاً:

- أنا اللي عندي قلته، ما ابقاش أنا مش عارف أسلم عليها وانت واخدها بالحضن، ما تهرجش.

قهقهه إياد بقوة حتى دمعت عيناه.

فالتفتوا جميعًا اليهما فقال حازم:

- في إيه مالك!

رد أدهم:

- أبدًا بيستخف دمه بس.

مر الغداء هادئًا بين مشاكسات إياد لأدهم وإغضابه، إلا أنه كان سعيدًا برؤية فريدة مبتسمةً ضاحكةً، استاذنوا منهم وتركوهم بمفردهم، اقترب أدهم من كرسيها قائلاً بحب:

- حمد لله على سلامتكم.

نظرت له مبتسمة:

- الله يسلمك.

- انتي مش متخيلة أنا كنت خايف عليك ازاى، كنت هموت لو جراك حاجة، ردت مسرعة:

- بعد الشر عنك، ما تقلش كدة.

ابتسم قائلاً:

- فريدة أنا ..

حثته فريدة قائلةً:

- انت إيه!

ابتسم قائلاً:

- بحبك.

ابتسمت فريدة واحمر خداهما، فأخفضت عينيها بخجل، فقال مسرعاً:

- لا يا ديدة وحياتي لا.

رفعت عينيها متسائلة!!... فأردف قائلاً:

- ما تنزليش عنيكي، عيونك وحشتني يا ديدة، ابتسمت خجله
قائلةً بخفوت:

- أدهم.

- عيونه!

أردفت قائلةً:

- الأدهم!

- قلبه.

قالت متصنعة الغضب:

- الأدهم!!!

- وحياتي بلاش يا فريدة، ما تقلبش، خليكي كدة، أنا عايز أقول حاجات كتير، وانت منعاني سبيني بقى الله يباركك أتكلم.

ابتسمت قائلةً:

- مش وقته يا أدهم مش وقته، وتنهدت قائلةً: لما اللي احنا فيه يخلص هنتكلم كتير يا أدهم.

ابتسم قائلاً:

- حاضر يا حبيبتي بس وحياتي عندك ما تخبي عنى حاجة يا ديدو.

هزت رأسها قائلةً بعفوية:

- حاضر يا أدهم.

اتسعت عينيه دهشةً وجثا على ركبتيه ساندًا كفيه على ذراعى كرسيها:

- قلتي إيه!!

فقلت بعفوية قلت:

- حاضر يا أدهم.

فرد قائلاً:

- وحية أبوكي يا شيخة قلتي حاضر!!

ابتسمت بخجل:

- خلاص يا أدهم.

ضم كفيها بكفيه قائلاً:

- حاضر يا عيون أدهم.

قطع عليهما لحظتهما إباد الذي قال بمشاكسة:

- الله الله الله دا إيه ده بقى، بقى اسبيك مع البننت شوية تغرغر بيها كدة.

أغض أدهم عينيه مستغفراً ربه قائلاً: استغفر الله العظيم، ثم فتح عينيه قائلاً لفريدة بابتسامه:

- عن إبنك ثانية واحدة، ثم وقف على قدميه واقترب من إباد محاولاً لكمه، إلا أن إباد تفادى ضربته ضاحكاً وقال:

- خلاص ياعم الشرس، المهم ياله يا ديده علشان المقدم إيهاب هنا وعايز يتكلم معاكي.

ارتجفت فريدة قائلةً بتوتر:

- حاضر.

اقترب منها أدهم مشجعاً وربتاً على كفها:

- ما تغلقيش مش هسيبك.. أو مأت برأسها موافقةً.. تناول أدهم كفها بين كفيه وساعدها على الوقوف وتوجهها لغرفة الصالون، وتعرفت فريدة على إيهاب الذى طلب منها أن تقص عليه كل ما

حدث من البداية، وعندما انتهت احست بالإجهاد فطلبت من حازم أن تتوجه لغرفتها، وأخذتها جويريه؛ لتنام وبعدها جلس إيهاب يخبرهم أنه توصل لعم حسنين، وأنه سوف يطلب منه المساعدة فى الإيقاع بكريم فى أقرب وقت، وشدد عليهم بعدم الاصطدام بكريم، وأذ الحذر فى تعاملاتهم.

فى صباح اليوم التالي على إحدى القهاوي الشعبية كان رجل خمسيني يجلس حزيناً يسند رأسه على كفي يديه؛ فاقترب منه شاب بسيط الهيئة:

- صباح الخير يا عم حسنين.

رفع الرجل رأسه قائلاً بتعب:

- صباح النور يا ابني.

- ممكن اتكلم مع حضرتك شوية؟

نظر له الرجل ملياً ثم قال بتردد:

- اتفضل يا ابني.

ابتسم الشاب قائلاً بود:

- معلىش لو تسمح حضرتك تيجي معايا مش هينفع كلامنا هنا.

اجاب عم حسنين بحيرة:

- ليه يا ابني خير!

رد الشاب مطمئنًا إياه:

- كل خير، تعال بس يراجل يا طيب نتكلم فى حنة تانية، وما تقلقش، ولو ما عجبكش الكلام هرجعك بنفسى لحد هنا.

نظر له عم حسنين مليًا وقال بخفوت:

- وماله اتفضل.

غادر الشاب ولم يكن سوى الضابط طارق، وتوجهها لأحد المقاهى الهادئة على شاطئ البحر.

ابتسم طارق بود وقال:

- بص بقى يا راجل يا طيب أنا عايزك فى خدمة، وانت الوحيد اللي تقدر تساعدني.

- خير يا ابني لو أقدر ما أتأخرش.

ابتسم طارق ورد بثقة وهدوء:

- كريم الدمنهوري.

ارتبك حسنين، وقال بقلق مستفهمًا:

- كريم الدمنهوري!؟

حرك طارق رأسه مؤكدًا على كلامه.

- أيوه يا عم حسنين كريم الدمنهوري.

بتوتر:

- وانت ليك إيه عنده يا ابني، ده راجل شراني.

ابتسم طارق بهدوء، وأخرج من جيبه بطاقته، ليربها لعم حسنين قائلاً:

- أنا اسمي طارق عبدالعزيز، ضابط بالمباحث، ومن غير أي لف أو دوران يا عم حسنين أنا عايز كريم الدمنهوري.

ارتبك حسنين قائلاً:

- أيوه يا ابني بس أنا مالي وماله.

رد طارق قائلاً:

- انت كنت شغال معاه، وأنا عرفت إن حضرتك راجل طيب وبتاع ربنا، وما يرضيكش إنه يبقى في شيطان زي كريم ده عايش معانا من غير ما نصرفه ولا إيه؟

رد حسنين بتوتر:

- يا ابني الله يباركك ابعدي عن الموضوع ده، أنا صاحب عيال وعيالي ما لهمش غيري في الدنيا لو جوالي حاجة مين هيراعيهم.

ابتسم طارق وربت على كف عم حسنين:

- ما تفلش يا عم حسنين محدش هيعرف أي حاجة عن علاقتى بيك، وعلشان كده أنا جايلك بشكل غير رسمي وطالب مساعدتك وكل اللي طالبه معلومات عن كريم.

رد حسنين بخوف واضح:

- أيوه بس أنا معرفش حاجة عنه.

ابتسم طارق:

- يا عم حسنين أنا جيتلك دوغري ما تفلش عليا انت بقى، وبعدين انت عارف كريم بيشتغل فى إيه، تخيل إن واحد من ولادك لاقدر الله يجراه حاجة بسبب كريم، هتعمل إيه ساعتها!

رد حسنين بقوة ودون تردد:

- هقتله.

- وأنا يا سيدى بقلك أنا عايز أحمى ابنك وابنى وولاد كتير قوي وعايز مساعدتك.

تنهد حسنين باستسلام قائلاً:

- حضرتك عايز تعرف إيه.

لمعت عيني طارق وأجاب بقوة:

- كل حاجة، كل حاجة يا عم حسنين.

- طيب بص يا ابنى كريم الدمهورى راجل مش سهل، ومش هتتعرفوا توقعوه بسهولة وافتكرا انت أكيد دورت وراه كويس وما لقتش عليه حاجة، عايز كريم دور على محمود سعيد مدير الأمن بتاعه وإيده اليمين فى كل عملياته المشبوهة، كريم عمركوا ما هتلاقوا عليه حاجة، كل اللي اقدر أفيدك بيه يا ابنى إنى أوصلك لمخازن كريم اللي بيتخزن فيها السلاح اللي بيتاجر فيه، لكن باقى التفاصيل أنا فعلاً ما أقدرش أفيدك؛ لأنى فعلاً ما أعرفش حاجة.

كل اللي أعرفه إن فى عملية كبيرة قوى كريم دخل فيها، وكان بيجهز كل مخازنه لاستقبالها، واللى سمعته إنها عمليه العمر زي ما بيقولوا، بس امتى وفين صدقنى يا ابنى معرفش.

ابتسم طارق قائلاً:

- مصدقك يا عم حسنين.

اعطى حسنين لطارق بيان بجميع عناوين المخازن التابعه لكريم، التى يتم تخزين الأسلحة فيها، وأعطاه أرقام هواتف محمود، التى كان يتصل به من خلالها؛ شكر طارق حسنين على مساعدته، ووعده بألا يُعلم أحد بفحوى الحديث الذى دار بينهما، إلا أن حسنين طلب منه إنه فى حالة حدوث أى مكروه له أن يهتم طارق بأولاده؛ لأنهم ليس لهم أحد إلا الله سبحانه وتعالى، ومن بعده هو، فطمأنه طارق بألا يقلق، وأنه سيتأكد من عدم حدوث أى مكروه له.

غادر طارق وتوجه لإدارة المباحث، وقابل إيهاب، وقص عليه كل ما دار مع حسنين، وأعطاه بيان بعناوين المخازن، ورقم هواتف محمود، مدير الأمن الخاص بكريم.

- تمام قوي يا طارق.

- المعلومات دى مش عايز حد يعرف عنها أي حاجة، وعايز مراقبة مشددة على محمود وكريم، واستصدر أمر من النيابة بمراقبة تليفوناتهم كلها بلا أي استثناء، وأي معلومة توصلك تبليغي بيها، مش عايز غلطة يا طارق.

أكد طارق بجدية:

- حاضر يافندم.

بعد أربعة أيام مما دار، وبالرقابة المشددة على كريم ومحمود، التي لم ينتج عنها أي جديد، رن هاتف فريدة، التي كانت تجلس مع حازم وجوري، رفعت الهاتف وردت:

- الو..

- ...

نظرت للهاتف لتتأكد بأن الخط ما زال مفتوح، ثم وضعته على أذنها مرة أخرى...

- الو..

- أبوه يا فريدة...

شفت فريدة بقوة؛ فالتفت حازم لها قائلاً:

- فى إيه.

نظرت له برعب فسحب منها الخط، فتح مكبر الصوت وسمع صوت كريم:

- فريدة سمعاني أنا متأكد إنك سمعاني، ومش بعيد يبقى دكتور حازم كمان سامع، على العموم أنا بس حبيت أحذرك أوعي تفكري فى وقت إنك هتكونى لحد غيري، وما تنسيش يا مداام إنك مراتي، ولو خايفة على الأستاذ أدهم يا ريت تقطعي علاقتك بيه نهائي، يا إما انت عارفة أنا أقدر أعمل إيه.

شفت فريدة بقوة وقالت من بين دموعها:

- انت عايز مني إيه ما تسبني فى حالي بقي.

صرخ كريم قائلاً:

- انتي بتاعتي فاهمة يعني إيه بتاعتي، ومحدش يقدر ياخذ حاجة تخص كريم الدمنهوري يا فريدة، وانت عارفة ده كويس قوي.

عندها امتدت يد أدهم الذى كان قد حضر، واستمع لتهديد كريم وسحب الهاتف من يد حازم وقال بقوة وهدوء:

- مش فريدة أبو العزم اللي تتهدد يا ابن الدمنهوري، ولا أدهم الأنصاري اللي يخاف، واللي تقدر عليه وريهوني.
- وأغلق الخط فى وجهه، ثم أغلق الهاتف نهائياً، نظرت فريدة لأدهم باكية، وصرخت قائلةً:
- انت أكد اتجننت يا أدهم، انت عارف ده ممكن يعمل إيه.
- قال أدهم صارحاً:
- كنتي عايزاني اسكتله يا فريدة.
- صرخت باكيةً:
- وانت تتكلم أصلاً بصفتك إيه؟! ربتت جوري على يدها قائلةً:
- اهدى يا فريدة مش كده.
- وقفت غاضبةً قائلةً:
- محدش يقولي اهدى.
- وقف حازم الذى كان يتابع الموقف، وقال بقوة:
- فريدة مش كدة اهدى خلينا نتكلم.
- نظرت لحازم، وقالت برعب:

- انتوا مش فاهمين ده يقدر يعمل فيكوا إيه، يا حازم ده مجرم مجرم.

فقال أدهم غاضباً:

- مش هسمحه يمس شعرة منك.

نظرت له بحدة:

- مش هتقدر عليه، افهم بقى انت مش قده.

اقترب منها وأمسك ذراعيها بقوة، وهزها بين يديه قائلاً:

- افهمي انتي بقى، مش هسمحه يلمسك لو فيها موتي، افهمي يا غبية افهمي، أنا بحبك ومش هسمحه يمد إيدته عليكى فاهمة ولا لأ.

نظرت له فريدة ثوانٍ قليلة ثم نفضت كفيه عن ذراعيها قائلةً بقوة:

- أدهم ابعده عني ابعده عني.. يا أدهم أنا مش عايزة أشوفك.

نظر لها بغضب:

- انتي بتقولي إيه انتي أكيد اتجننتي.

صرخت غاضبة:

- أيوه اتجننت، ابعده عن واحدة مجنونة بقى.

صرخ حازم فيهما قائلاً:

- بس بقى انتوا الاثنين، وخلصنا نشوف هنعمل إيه.

صرخت قائلةً:

- محدش هيعمل حاجة، هتنسوا كريم ده نهائي فاهمين ولا لأ، ثم نظرت لأدهم ورفعت إصبعها بوجهه، وانت يا أستاذ أدهم انساني تمامًا، فاهم ولا لأ.

نظر لها أدهم بقوة، ولف أصابعه على إصبعها ضاغطاً عليه بقوة:

- بموتي يا فريدة، بموتي.

اتسعت عيناها دهشةً؛ فترك أدهم إصبعها؛ فنظرت لهم جميعاً،
وركضت مسرعةً تبكي...

لحقتها جويرية مسرعة، ورمي أدهم جسده على أقرب كرسي، ووضع رأسه بين كفيه، ربت حازم على كتفه قائلاً:

- اهدى هي بس خيفة.

رفع أدهم رأسه قائلاً:

- عارف وده اللي مموتني، مش واثقة فيا، ولا فى أي حد فينا.

جلس حازم بجواره قائلاً:

- اعذرها، فريدة بتبان قوية بس هي من جوا ضعيفة قوي، ثم ابتسم مضيقاً: وبعدين إيه هتستسلم بسهولة كدة،

نظر له أدهم وقبل أن يجيبه دق جرس هاتف حازم، الذي طالع شاشته
ليقول:

- ده إيهاب، وفتح الخط قائلاً:

- أيوه يا إيهاب.

أتاه صوت إيهاب قائلاً بغضب:

- افتح السماعة الخارجية:

فتح حازم السماعة قائلاً:

- معاك.

تكلم إيهاب بصوت غاضب:

- استاذ أدهم إيه اللي انت بتعمله ده، هخلي كريم يتصرف
بشكل احنا ممكن ما نقدرش نواجهه، وأنا سبق وطلبت إن
محدث يتهور.

تكلم أدهم غاضباً:

- وانت كنت عايزنى أعمل إيه وأنا سامعه بيهددها، انت ماقتش
هي مرعوبه ازاي.

صرخ إيهاب قائلاً:

- أيًا كان، أنا سمعت المكالمة وكريم ما يقدرش يقرب منها، ولا من أي حد فيكوا، فمن فضلك مش عايز أي غلطة احنا قربنا قوي بلاش تضيع مجهود الناس دي كلها.

- انت ازاي بتكلمني بالشكل ده.

- بكلمك علشان المفروض إنك تبقى فاهم ومقدر كل اللي احنا بنعمله علشانكوا؛ وعلشان نحملكوا فساعدنا لو سمحت، ولو مش هنقدر أنا هيبقى ليا تصرف تاني مع السلامة.

ثم أغلق الخط فهبَّ أدهم واقفًا:

- ده مجنون رسمي.

وقف حازم قائلاً:

- لا هو بيتكلم صح.

استدار أدهم قائلاً بغضب:

- حالازم!

قاطع حازم قائلاً:

- اهدى بس يا أدهم واقعد.

جلس أدهم على مضض، فقال حازم بهدوء:

- أدهم كريم ده مش قليل، وانت عارف ده، دى مافيا يا أدهم،
ومش هنقدر عليهم لوحدنا، وبعدين احنا عايزين كل حاجة
قانوني علشان ما بيقاش في أي ثغرة، كريم يقدر يخرج منها،
وبعدين أنا مقدر حبك لفريدة وخوفك عليها، بس لازم نهادا
ونصبر، انت متخيل يعنى إنى اقعد هادي، ولا على بالي، لا
طبعًا، بس أنا اتعلمت إنى اهدا وادرس كل خطوة يا أدهم،
وبعدين انت راجل أعمال، المفروض إن ده أسلوب حياتك من
الأساس، إيه اللي اتغير.

تنهد أدهم قائلاً بتعب:

- اللي اتغير إنى حبيت، وأنا واضح إنى فى الحب ببقى واحد
تاني غير اللي انت وأنا نعرفه، مش قادر يا حازم أشوفها كده،
مش قادر:

ربت حازم على كتفه قائلاً:

- هانت يا أدهم، هانت، وبعدين أديك بوظت كل التقدم اللي
وصلت له مع فريدة.

- اطمئن عليها وطمئنها، وبعدين هعرف أرجعها تاني، المهم
الموضوع ده يخلص بقى.

ثم هبَّ واقفًا فقال حازم:

- على فين؟!!

- عندي مواعيد كنت جاي بس اطمئن عليها واشوفها، بس اللي حصل بقى.

- طيب مع السلامة وما تقلقش لما هتهدى الأمور هتتحل.

- بإذن الله.

ونعود للوراء قليلاً بعدما أغلق أدهم الخط فى وجه كريم؛ اتصل كريم بمحمود قائلاً بشراسة:

- أدهم الأصاري ساعهتويبقى متكتف عندي.

ثم أغلق الهاتف قائلاً بشراسة أكبر:

- قربت موتك يا أنصاري

وبعد ساعة كان أدهم يخرج من فيلا الفايد، ركب سيارته وسار بها، وعلى بعد عدة شوارع من الفيلا اعترضت طريقه سيارتين رباعيتي الدفع؛ فاضطر أدهم للتوقف، وقبل أن يتمكن من أخذ سلاحه؛ كان أربعة رجال يتقدمون من السيارة بسرعة، ويفتحون الباب المجاور لأدهم؛ ويخرجونه منها؛ وانهالوا عليه ضرباً، حاول أدهم مقاومتهم بقوة إلا أن باغته أحدهم بضربة على عنقه؛ أفقدته الوعي، حمله أحدهم فى إحدى السيارات وفروا بها...

الفصل العاشر

وبعد عشر دقائق دق هاتف حازم، الذى كان يجلس مع فريده محاولاً تهدئتها فقال لها:

- ده إيهاب فتح الخط قائلاً أيوه يا إيهاب.

رد إيهاب بقوة

- لو فريده جنبك ما تبينش أي حاجة من اللي هقولها.

فقال حازم بهدوء:

- تمام

فرد إيهاب بتعب

- اللي توقعته حصل، أدهم فى ايدين كريم دلوقتى.

فقال حازم محاولاً التماسك أمام فريده:

- وبعدين

- أبدأً هنحاول نخرجه احنا عارفين هما خدوه فين، بس أي تحرك مننا دلوقتى هيكشف كل حاجة.

- تمام.

- هتابعك بأي حاجة هتحصل، وياريت فريدة ما تعرفش حاجة خالص يا حازم.

- أكيد مع السلامة.

- مع السلامة.

أغلق حازم الهاتف؛ فبادرته فريدة قائلةً بقلق:

- فى إيه؟!!

فقال بهدوء يغلف به توتره:

- أبداً كان بياكد بس إن لو كريم اتصل تاني نتعامل بهدوء.

نظرت إلى عيني حازم قائلةً بخوف:

- من امتى بتكذب عليا.

ابتسم قائلاً:

- إيه يا ديدة بكذب دي، لا مش بكذب يا سيّتي هو ده اللي حصل، وياله عن إذنك.

هَبَّت واقفة وتمسكت بذراعه بكفيها بقوة:

- رايح فين؟!!

ربت على خدها قائلاً:

- نازل المكتب تحت، هشوف الدنيا فى لندن إيه.

نظرت له برجاء:

- حازم انت مش خارج صح.

ابتسم قائلاً:

- مش خارج يا ديده.

ثم تركها وما أن خرج من غرفتها حتى ظهرت على وجهه ملامح الغضب، واتصل بإياد وقص عليه كل ما أخبره به إيهاب:

فقال إياد بحدّة:

- وبعدين يعنى إيه مش هينفع يدخلوا، ازاي يعنى هنسيبه فى إيديهم كدة.

- مش عارف يا إياد، مش عارف.

- طيب اقل أنا جاي.

وبعد دقائق كان إياد يقف مع حازم فى غرفة المكتب يتناقشون؛ لإيجاد حل، لإنقاذ أدهم، حتى دخلت عليهم فريده باكية، وجويرية خلفها، فتقدم منها حازم مسرعاً:

- فى إيه مالك يا فريده.

تمسكت بقمصه بكفي يدها قائلةً:

- حازم ما تخبيش عليا أدهم فين يا حازم؟!
ارتبك حازم ونظر لجويرية مستفهماً فوجدها تهز رأسها بمعنى لا أعلم.
فربت حازم على كتفيها بكفيه قائلاً:
- في إيه بس يا ديدة.
صرخت قائلةً:
- قلى أدهم فين يا حازم.
فقال مهدئاً:
- مش عارف يا ديدة في إيه بس.
اقترب إباد قائلاً بتوتر:
- مالك يا فريدة؟!
نظرت له باكية:
- أدهم تعبان مش كويس أدهم فيه حاجة.
نظر لها حازم قائلاً:
- مش فاهم.
ابتعدت قائلةً بغضب:

- قلبي واجعني يا حازم، قلبي واجعني قوى، أدهم تعبان يا حازم، وحياتي يا حازم ما تخبي عليا، وقولى أدهم فين!

تنهد قائلاً:

- مش عارف يا ديده من ساعة ما خرج ما أعرفش عنه حاجة.

ضمها إياد إليه قائلاً:

- اهدى يا فريده، هو أكيد كويس، هو كان عنده مواعيد كثير.

ابتعدت عنه بحدة قائلةً:

- من امتى بقيتوا بتكدبوا عليا، كده أنا قلبي مش مستحمل، ارحمنى بقى، ثم تهدج صوتها وزاغت عينيها قائلةً بضعف، قبل أن تسقط مغشياً عليها: أدهم تعبان.

التقط حازم جسدها قبل أن يلامس الأرض، وهرعوا جميعاً إلى غرفتها، وجعلها تستلقي على سريرها؛ وأعطاهم مهدئاً، وطلب من جويرية ألا تتركها، وغادر هو وإياد لإيهاب لمعرفة آخر التطورات.

من ساعتين ماضيتين كان آخر ما رآه هو أحدهم يقترب منه؛ يباغته بضربة على عنقه أفقدته وعيه؛ وبعدها لم يشعر بشيء إلا ظلام دامس يلف عقله، ثم بدأ جسده يتألم، حاول الحركة إلا أنه لم يستطع، شعر بجسده كله يؤلمه، حاول أن يصفى ذهنه قليلاً؛ ليتذكر أين هو، أخذ ذلك منه بعض الوقت حتى عاد بذاكرته لما حدث مع فريده، والسيارتين اللتين هاجمته، ومن بعدها صراعه مع الرجال، ثم فقدانه الوعي، عندها

تيقن بأن عدم قدرته على الحركة وآلام جسده ناتجة عن ربطه، فتح
عينيه ببطء؛ ليطالعه وجه كريم الذي قال هازئاً:

- أدهم بيه نورتنى، أنا قلت انت هتفضيها نوم.

ابتسم أدهم قائلاً:

- لا ما تفلقش أنا صاحي.

ابتسم كريم:

- صحي النوم يا راجل، بس إيه الحركات الأكشن دي، ما كنتش
أعرف إنك جامد قوي كده، ده انت يا راجل كسرت إيد راجل
عمر محد كسرله صباح حتى.

ابتسم أدهم ببرود قائلاً:

- وقريب هكسر لك دماغك.

قهقه كريم ضاحكاً بشراسة:

- طيب مش تركز بس يا دومي كده، وتشوف انت عامل ازاي
الأول.

أجاب أدهم مستفزاً له:

- ما هو انت لو مش خايف مني مكنتش ربطني كده.

أجاب كريم بغضب:

- مش كريم الدمنهوري اللي يخاف يا ابن الأنصاري، ثم عاجلة
بلكمة على فكه؛ جعلت رأسه يترنح فقال أدهم: وهو اللي انت
بتعمله ده إيه مش خوف ----

- صدقني انت أجبن من إنك تفكني.

ضربه كريم مرة أخرى بقبضة يده فى جانبه الأيسر؛ فتألم بشدة جعلته
يغمض عينيه بقوة متأوهاً فقال كريم:

- وانت شايف إن ده جبن.

فقال أدهم بصعوبة:

- طبعاً لو مش جبان كنت فكنتي وأنا أوريك ابن الأنصارى يقدر
يعمل إيه.

تناول كريم عصاً خشبي غليظة ودار بها حول أدهم قائلاً:

- بهدوء أنا مش شايف يعنى إن الموضوع مستاهل كل ده يا
أدهم.

فقال أدهم بتعب:

- وهو إيه الموضوع أصلاً.

وقف كريم أمامه، وأمسك خصلات شعر أدهم بأصابعه؛ ورفع رأسه
من خلالها ونظر فى عينيه قائلاً ببرود:

- فريدة.

اتسعت عيني أدهم غضبًا وقال صارخًا:

- ما تجبش اسمها على لسانك يا كلب.

لطمه كريم على وجهه بكفه قائلاً:

- أنا هوريك الكلب ده هيعمل فيك إيه.

ثم رف العصا الخشبية بيديه، وسددها في جانب أدهم الأيسر، الذي صرخ متألماً:

- موتك على إيدي يا كريم.

ضحك كريم بشراسة.

- هنشوف مين هيموت مين يا أنصاري.

ثم عاجله بضربة أخرى على جانبه الأيمن، ثم أخرى على الأيسر ثم قال:

- ده بس علشان ضلوعك المكسورة دى تفكرك مين كريم
الدمنهوري، لما تبقى فريدة نائمة في حضني

صرخ أدهم غاضبًا:

- اخرس يا حيوان، فريدة أبعد لك من نجوم السما فاهم ولا لأ.

عاجله كريم بلكمة شرسة في فكه؛ جعلت عينيه زائغتين، وهم قائلاً في أذنه:

- هنشوف.

ثم بعدها لفه الظلام مرة أخرى، إلا أنه هذه المرة وجد فريدة تبتسم، وتلمس وجهه المصاب قائلةً بحب: (استحمل علشانى يا أدهم، أنا ما ليش غيرك، وحياتي يا أدهم استحمل)، ثم قبلته على جبينه، وابتسمت وتركته ليبقى فى ظلامه، حاول مناداتها إلا أنه لم يستطع؛ فالتفتت له مرة أخرى مبتسمة وغادرت.

فى هذه الأثناء كان حازم وإياد مع إيهاب فى المكتب؛ ليعرفوا منه آخر التطورات.

فقال إيهاب:

- واضح إن العملية اللي جالنا معلومات عنها من فترة قربت؛ فى تحركات كثير فى مخازن كريم، وتأمين أكثر من الأول بس لحد دلوقتى ما فيش أي معلومات أو مواعيد.

فقال إياد بغضب:

- وأدهم؟

رد إيهاب بهدوء:

- مش هقدر أدخل دلوقتى، هبقى ببوظ كل حاجة، ونبقى رجعنا للصفر تانى.

فقال حازم بعصبية:

- أيوه بس ده ممكن يموته.
- ما افكرش فى التوقيت ده يقدر يعمل كدة.

فقال إياد:

- بتوتر يعنى إيه.
- يعنى كريم هيبقى عايز ينتقم من أدهم بسبب مواجهتهم اللي حصلت فى التلفون، وأي حد فى شخصيتك كريم هيبقى عايز ينتقم من أدهم الأول قبل ما يخلص عليه.

فشهق حازم قائلاً:

- انت بتقول إيه.

بقول:

- إنه هينذيه بس مش هيموته، على الأقل لما العملية دى تخلص.

فهب إياد قائلاً بشراسة:

- واحنا هنستنى لما يموته مثلاً..

فقال إيهاب مهدئاً:

- اهدا يا إياد، إن شاء الله مش هيحصل حاجة بس المهم..

قطع حديثهم صوت طرقات مسرعةً على الباب، ودخل بعدها طارق قائلاً بسرعة:

- العملية الليلية

هبوا جميعًا واقفين، وقال إيهاب:

- امتى؟ ١

- الساعة ٣ الفجر.

- والتسليم فين؟!!

أجاب طارق مرتبًا:

- المخزن اللي فيه أدهم.

فشهق حازم وإياد وقال إيهاب بقوة:

- هيخليه كبش فدا فى حالة لو حصل حاجة.

فقال إياد مسرعًا:

- إيهاب إلا أدهم، انت لازم تتصرف.

فقال إيهاب:

- اللي ربنا رايده هو اللي هيكون، المهم دلوقتى أنا عايزكوا تروحوا، وما فيش حركة من البيت نهائي، ولا تعامل مع أي حد، ثم وجه كلامه لحازم مشددًا، حازم وفريدة وجوري يبقوا قدام عنيكوا، ما يفاركوش لحظة، أنا مش عايز اتفاجئ بأي

حاجة، ثم وجه كلامه لطارق قائلاً: الحراسة تبقى الضعف،
وجوا الفيلا مش براها، مفهوم وأنا طالع معاك العمليه دي.

فقال طارق بقوة:

- تمام يا فنندم.

غادر إياد وحازم وعادا للفيلا، وما أن وصلا حتى وجدا فريدة وجويرية
تجلسان فى غرفة المعيشة وما أن رأتهم فريدة حتى هبّت واقفة،
وتوجهت لحازم قائلةً بغضب:

- أدهم فين يا حازم؟

فاجاب بحدة وتبدو عليه علامات التعب:

- معرفش يا فريدة معرفش.

ضربته بقبضة يدها عل كتفه قائلةً بغضب، وبدموع منهمة على خدها:

- كداب كداب، انت عارف، كريم قتله مش كده، قولى يا حازم.

فصرخ حازم قائلاً:

- معرفش قتلتك معرفش.

اقترب إياد منها محاولاً تهدئتها:

- اهدى يا فريدة، اهدى مش كده.

- ما تقليش اهدى، قولى أدهم فين.

زفر إِيَاد حَانَقًا:

- ما نعرفش يا فريدة، والله ما نعرف.

اقتربت جويرية قائلَةً:

- اهدى يا فريدة مش كده.

نظرت لها فريدة وقالت شاهقَةً:

- جراه حاجة يا جوري، والله جراه حاجة، قلبي بيقولى كدة، ثم
نظرت لحازم قائلَةً بترجي: وحياتي عندك قولي.

نظر لها حازم بضعف ثم اقترب منها، واحتضنها بقوه قائلاً:

- ادعيله.

شهقت جويرية، والتفتت لإِيَاد تنظر له باستفهام، فأوماً برأسه لها
بضعف، اقتربت منه جويرية، واحتضنت ذراعه بخوف، وهمست قائلَةً:

- مات؟!!

انتفضت فريدة صارخة:

- لا ما تقوليش كده أدهم عايش، عايش ثم نظرت لحازم ترجوه
أن يؤكد، لامها بنظرات عينيها إلا أنه لم يقوى على النظر لها؛ فأغرقت
وجهها فى صدره قائلَةً: والله عايش هو تعبان وموجوع بس عايش، ثم
انهارت باكيةً.

ضمها حازم إلى صدره قائلاً:

- بإذن الله هيرجع.

بقوا جميعاً معاً فى غرفة المعيشة، ولم يستطع أي منهم أن يهدأ؛ فظلت فريدة تبكي إلا أنها توضأت وأخذت تصلي وتقرأ آيات من الذكر الحكيم، وتدعو الله تعالى أن يرد أدهم لها:

وعند الساعة الثانية عشر كان المخزن الذى يحتجز به أدهم مراقب من قبل المباحث والقوات الخاصة؛ تحسباً لأي طارئ قد يحدث، وعند الساعة الثالثة لاحظ مصابيح سيارات تأتي من بعيد، وحركه غير عادية على باب المخزن عندها تأهبت القوات للهجوم، ولكن بعد الإشارة من المقدم إيهاب - الذى حضر كمان كان متفق عليه - اقتربت السيارات وفتحت باب المخزن الرئيسي ليُسمح للسيارات بالدخول، وقد دخلت متتابعة، وأغلق الباب مرة أخرى، عندها أعطى إيهاب إشارة لفرقة من القوات بالتقدم - كانت مكلفة بالتخلص من الأمن الرابض على أبواب المخزن من الأربع اتجاهات - وفعلاً تقدمت فى الظلام، وتم التخلص من الرجال الموجودين جميعاً بهدوءٍ شديد؛ حتى لا يثيروا انتباه الموجودين بالداخل، وبعدها أعطوا إشارة للباقيين بالتقدم، فتقدمت باقى الفرق بالتتابع.

أعتلت مجموعة منهم سطح المخزن، وتسَلَّلت للداخل، ومجموعة أخرى توجهت للخلف، والمجموعة الثالثة توجهت من الأمام، وعند إشارة واحدة متفق عليها تم الهجوم من قبل المجموعات الثلاث، تم إطلاق العديد من الأعبرة النارية؛ التي أصابت رجال كريم إصابات مميتة،

وكذلك عدد من رجال القوات الخاصة، وعندما شعر إيهاب بتقهقر كريم علم إنه يحاول الهرب؛ فصرخ بصوت عالٍ قائلاً:

- كريم ما تحاولش الهرب ما فيش فايذة، انت وقعت خلاص.

فصرخ كريم قائلاً:

- مش كريم اللي يقع يا إيهاب.

فرد إيهاب بصوت عالٍ:

- كويس إنك لسه فاكِر صوتي، ثم أشار لمجموعة من الرجال بالتقدم ببطء لمحاصرة كريم.

فرد كريم ضاحكاً:

- طبعاً وهي دي أيام تتنسي يا صاحبي.

- انا عمري ما كنت صاحبك يا كريم.

فرد كريم بشراسة:

- كنت فاكِر نفسك دايمًا أحسن مني، بس علشان دخلت الشرطة، وأديني أهو دلوقتني أحسن منك.

رد إيهاب بقوة:

- انت شايف إنك كده أحسن مني.

فأضاف كريم الذي توجه ناحية أدهم، الذي كان يحاول فك أربطته:

- انت شايف إيه يا صاحبي.

ثم فك أربطة أدهم، ورفع مسدسه فى جبهته قائلاً:

- ما تحاولش أنا معدتش فارق معايا.

حاول أدهم الوقوف على قدميه إلا أنه أنهار تحت وطأة ألم جسده، فرفعه كريم بصعوبة ليحتمي بجسده، وقال بصوت عالٍ:

- خرجنى يا إيهاب وليك عليا أسيب البلد كلها.

فقال إيهاب بصوت قوي:

- صعب يا صاحبي، دي بلدي، وكدة يبقى بخونها.

أضاف كريم قائلاً:

- طيب ولو قتلتك هديك أدهم حي.

- مش هتفرق كل معركة وليها ضحاياها.

وقتها كان أدهم يستوعب ما يحدث، ثم شعر برجال القوات الخاصة تحيط كريم، فقرر التماسك والتحمل على ألم جسده، ودار حول نفسه دورة كاملة، جعلته يقف خلف كريم، ثم باغته بضربة خلف ركبته؛ جعله يفقد اتزانته ويسقط على الأرض، إلا أنه تصرف بسرعة؛ وقفز على قدميه مرة أخرى مصوباً سلاحه ناحية أدهم، وأطلق رصاصة بعشوائية جعلت أدهم يصرخ ساقطاً على الأرض دون حركة، ومن بعدها توالى الرصاصات على كريم من كل صوب، فصرخ إيهاب

قائلاً: محدش يضرب، محد يضرب، إلا أن الأوان قد فات، فقد تلقى جسد كريم العديد من الرصاصات، وما أن توقف ضرب الرصاص حتى توجه إيهاب مسرعاً لكريم، الذى قال له قبل أن يلفظ أنفاسه الأخيرة:

- أنا برده اللي كسبت يا صاحبي.

فقال إيهاب:

- انت كده خسرت كل حاجة يا كريم.

نظر كريم لأدهم الغريق في دمه:

- بموت أدهم أنا كده كسبت، ثم تحشرجت أنفاسه؛ وفارق الحياة فى لحظة واحدة.

نظر إيهاب لصديق طفولته قائلاً بحزن شديد:

- طول عمرك غبي يا صاحبي.

ثم توجه لأدهم الذى كان ينزف بشدة، وعندما وجد قلبه ما زال ينبض؛ صرخ قائلاً:

- إسعاف بسرعة.

حضرت سيارات الإسعاف التى كانت واقفة على بعد - ليس بالبعيد - عن المخزن، وحملت أدهم وباقي المصابين، واتصل إيهاب بحازم الذى اختطف منه فريضة الهاتف ولم تهمله الرد؛ فسمعت إيهاب يقول

- لسه بتكذب عليا يا حازم، إيهاب قال إنه مات.

- لا يا حبيبتي والله عايش، كريم اللي مات.

نظرت له بقوة قائلةً:

- انت بتقول إيه.

- بقولك أدهم عايش عايش.

فقال مسرعةً:

- طب هو فين، إيه اللي حصل، ليه قلبي لسه واجعني.

فقال إياد بتردد:

- هو بس اتصاب يا فريدة وفي المستشفى.

صرخت قائلةً:

- اتصاب اتصاب ازاي إيه اللي حصل.

فقال حازم:

- هنروح المستشفى وهنشوف اهدى بس.

ذهبوا جميعًا إلى المشفى؛ فوجدوا إيهاب يقف أمام غرفة العمليات، فأسرعت فريدة قائلةً:

- حصل إيه.

فنظر إليها إيهاب بتوتر، ولم يعرف ماذا يقول لها؛ فصرخت قائلةً،
وهى تبكي:

- انت ساكت ليه قولى حصل إيه.

نظر له حازم قائلاً:

- إيه اللي حصل يا إيهاب!؟

فقال إيهاب بتوتر:

- حالته خطيرة.

شهقت فريدة بقوة، ووضعت كفها فوق فمها قائلةً برعب:

- هيموت، هيموت ويسيني!

ربتت جويرية على كتفها قائلةً:

- لا يا حبيتي إن شاء الله هيعيش.

فقال حازم:

- أنا هدخل العمليات اهدى بس.

تعلقت فريدة بذراعه قائلةً من بين دموعها:

- عايزة أشوفه يا حازم.

ربت على كفها مخلصاً ذراعه من كفها:

- ما ينفعش، اهدى وأنا هطمنك، ادعيه.

دخل حازم غرفة العمليات، واستغرقت العملية أكثر من خمس ساعات، كانت فريدة تموت وقتها فى الثانية ألف مرة، وظلت جالسةً تبكي، وتقرأ القرآن، وتدعو الله أن ينجي أدهم، جلست جويرية وإياد بجوارها، يخففان من روعها، حتى خرج حازم، لكنها لم تكن تملك من الطاقة ما يعينها على الوقوف، توجه حازم لها وجثا على ركبتيه أمامها ولمس كفيها بكفيه قائلاً بحب:

- فريدة

نظرت له من بين دموعها قائلةً بالأم:

- قولى أي حاجة إلا أنه مات.

ابتسم بخفوق وتوتر

- ما متش بس..

ارتبكت نظراته قليلاً، فهمست تحته على أن يكمل حديثه:

- بس إيه .. جراه إيه.

الفصل الحادى عشر والأخير

نظر لها بقوة قائلاً:

- حالته حرجة، لو عدت ٢٤ ساعة وحالته مستقرة يبقى ربنا معاه.

اغلقت عينيها بآلم ثم فتحتها بقوة قائلةً:

- عايزه أفضل معاه.

ارتبك قائلاً:

- ما ينفعش يا فريدة هو هيدخل العناية.

فقال بقوة:

- عايزه أفضل معاه يا حازم.

فتمهد قائلاً:

- طب تعالى.

ثم وقف وسحبها من يديها، فوقفت إلا أنها ترنحت، فقال بخوف:

- فريدة كده مش هينفع انتى مش كويسة

فقال متماسكةً، وهى تنظر له برجاء:

- هبقى كويسة وأنا جنبه، خدني عنده يا حازم.

فأوما برأسه موافقًا، ثم أخذها لغرفة العناية المركزة، وما أن رأت حالته؛ حتى شهقت بقوة، فقال حازم مهدئًا:

- اهدى مش كدة.

فقالت باكية، وهى تنتظر له:

- هو إيه اللي حصل يا حازم، إيه كل الخراطيم والأجهزة دي.

أجلسها على كرسي بجوار سرير أدهم، وقال بعملية:

- بصى يا فريدة أنا هشرحك كل حاجة؛ علشان تبقي مقدره حاله أدهم، بس مش عايز أي انفعال، أدهم حاسس بكل حاجة حواليه.

فأومات برأسها قائلةً:

- حاضر بس قولى.

تنهد حازم قائلاً:

- أدهم عنده كسر مضاعف فى أربعة أضلع، وكان عنده نزيف فى الرئة وارتجاج فى المخ، واخذ رصاصه فى ركبته.

شهقت قائلةً:

- وبتقولى هيبقى كويس.

فقال بهدوء:

- انا قلت لو عدت ٢٤ ساعة اللي جايه وحالته مستقرة؛ هيبقى ربنا معاه، ولو ماهدتيش أنا هخرجك بره.

نظرت فريدة لأدهم بحب قائلةً:

- لا يا حازم هو محتاجلى أنا هفضل معاه مش هقدر أسويه.

فقال حازم: بهدوء طيب.. أنا هسيبك وأروح أشوف إيهاب، واطمن إياد على أدهم.

ثم توجه لها وربت على كتفها قائلاً:

- فريدة خرجي اللي فى قلبك ما تحبسيهوش أكثر من كدة.

نظرت له ثم انهارت باكية، تركها حازم مع أدهم وخرج؛ ليطمئن إياد، الذي قال له:

- يعنى إيه.

- يعني لو أدهم عدت عليه الفترة دى هيبقى كويس، المهم ما يحصاش مضاعفات.

- مضاعفات زى إيه.

- حاله أدهم حرجة جدًّا وخطره، أنا قلت لفريدة على الوضع الحالي بس ملقنلتهاش على الباقي.

- باقى إيه ما تنطق.

تنهد حازم قائلاً:

- أدهم اخذ أكثر من ضربة فى ظهره؛ ووارد تأثر على حركته.

شهق إياد وجويرية، وقالت:

- يعنى إيه ممكن ما يمشيش تاني.

فقال حازم:

- وارد بس مش هنعرف أي حاجة غير لما يفوق، ثم أضاف وقد ظهر عليه التعب: ربنا يستر.

فى تلك الأثناء كانت فريدة تجلس جوار أدهم؛ تمسك يده بإحدى يديها وبالأخرى تمسك المصحف الشريف، تقرأ القرآن الكريم، لم تدر كم مر عليها من الوقت، إلا أنها شعرت بالتعب؛ فنظرت لأدهم وختمت قراءتها ودعت له أن تمر الفترة الباقية على خير، ثم اقتربت منه واستندت برأسها على كتفه، ونظرت لوجهه قائلةً:

- بحبك.. والله العظيم بحبك، ما تسينيش يا أدهم، أنا من غيرك أموت، رفعت أصابعها ولمست فكه برقة...

عارف من أول يوم شفتك وانت بتعصبني وبتستفزني، بس حبيتك، حبيتك بشكل عمري ما تخيلته أبداً، كنت ببعد عنك وأنا هموت واترمي فى حضنك، حبيتك زي ما الكتاب ما بيقول، كنت خايفة عليك من كريم، مكنتش عايزة كل اللي حصل ده يحصل، وأنا نايمة كنت بسمعك وانت

بتتكلم معايا، عارف انت كمان مش هتبقى بس جوزى، لا انت هتبقى
حبيبي وابني صاحبي وأخويا، هتبقى كل حاجة يا أدهم... تترقرقت
الدموع فى عينها فقالت مضيئة: أدهم علشانى قاوم، انت أقوى منى
بكثير، مش ههون عليك تسبني لوحدي يا أدهم، وحياتي عندك ما
تسبني.

سكنت فريدة وظلت تبكي بهدوء على كتف أدهم، حتى سقطت فى سبات
عميق، ولم تشعر بذلك الذى كان قد أفاق على كلماتها الهادئة وصوتها
الرخيم وهى تقرأ آيات القرآن الكريم، حتى ختمت آياته ودعت الله أن
ينقذه ويبقيه لها، ثم استمع لباقي كلماتها، التى كانت تعترف فيها بحبها
له، حتى إنه لم يستطع أن يفتح عينيه كي لا يقاطعها حتى سكنت
كلماتها، وانتظمت أنفاسها؛ ففتح عينيه ببطء يطالع وجهها الحبيب؛
فأمال خدها يلمس جبهتها برفق؛ فهممت فريدة برقة، فأبعد خده ومال
بشفتيه يلثم جبينها برقة، ثم قرب رأسه منها وأغلق عينيه مرة أخرى.

وعدت فريدة أصواتًا خافتةً بجوارها؛ ففتحت عينها لتجد حازم يقف
بجوار أدهم ومعه دكتور آخر يتناقشان فى حالة أدهم بألفاظ طبية لم
تفهمها، فرفعت رأسها قليلاً فوجدت أدهم على حالته لم يتغير، فقالت
لحازم:

- ما فيش جديد!؟

النتقت حازم لها مبتسماً بقوة:

- لا فى... تمام الحمد لله كل المؤشرات الحيوية بتقول إنه كويس.

فنظرت له مرة أخرى، ولمست خده بكفها وأضافت بحزن:

- طيب ما صحيش ليه، ثم التفتت لحازم مرة أخرى قائلةً بعبوس:
انت مش قلت هيفوق.

ابتسم حازم قائلاً:

- هيفوق ما تفلقيش هو واخد مسكنات قوية؛ وده هياثر عليه،
قومي انتي دلوقتي روعي.

فقالت بحدة:

- لا مش هروح أنا هفضل جنبه.

فقال حازم ببأس:

- يا فريدة وجودك هنا ما لوش داعي

فقال صارخة:

- قلنتك لا.

فحذرها حازم قائلاً:

- صوتك انتي فى العناية المركزة.

فقالت بصوت خافت:

- مش هروح يا حازم.

فاحتد عليها قائلاً:

- بطلي دلغ بقى، قلتك مش هتفيد قعدتك دي.
- كادت أن تتكلم، إلا أن صوت أدهم رن فى أذنيها قائلاً بصوت مجهد:
- ما تز عقلهاش يا حازم.
- شهقت فريده فرحة وارتمت فوق صدره قائلةً وهى تبكي:
- أدهم أدهم.
- فتأوه أدهم قائلاً:
- اااااه بالراحة يا عمري.
- رفعت جسدها عنه قائلةً بخوف:
- أنا آسفه انت كويس؟
- نظر لها بحب قائلاً:
- طالما انتى كويسة أنا كويس.
- فنظرت له فريده بشوق، إلا أنها تذكرت لهفتها وخوفها عليه، فلكمته فى كتفه قائلةً بغضب:
- ما تعملش فيها فان دام تاني أنا مش ناقصة رعب.
- فتأوه قائلاً:
- ااااه انتى إيدك ثقيلة قوي على فكرة.

مسدت كتفه قائلةً بخوف، وهي تنتظر لعينيه:

- كنت هموت يا أدهم لو جرالك حاجة.

تناول كفها وقربه من شفثيه وطبع قبلة خفيفة عليه قائلاً:

- بعد الشر عنك يا روح أدهم.

اقتربت بوجهها منه قائلةً برفق:

- حمد لله على سلامتك.

قرب وجهه منها حتى أصبح على بعد شعره من شفثيها، وقال:

- الله يسلمك يا قلبى

نظرت فى عينيه بعشق فبادلها نظرتها إلى أن تنحح حازم قائلاً:

- احم احم أجيب اتنين لمون ولا حاجة.

انتفضت فريدة وابتعدت بسرعة عن أدهم، واحمرت وجنتاها خجلاً فأضاف حازم:

- حمد لله على سلامتك.

رد أدهم بغضب:

- الله يسلمك يا سخيف.

ابتسم حازم قائلاً:

- حاسس بأى حاجة غريبة.

فقال أدهم:

- لا الحمد لله بس جسمي واجعني قوي.

- طبيعى انت عندك ضلعين مكسورين، وواحد رصاصه فى ركبتيك، على العموم انت هيتعملك شوية أشعات نظمن، وبعدها إن شاء الله تنتقل اوضه عاديه.

فقال أدهم متسائلا:

- كريم؟

نظر حازم لفريده وله ثم قال:

- البقاء لله وحده.

فقال أدهم:

- آسف مكنتش اتمناله كده أبداً، بس هو اخذ جزاءه، ربنا يسامحه ويغفرله.

خرج حازم من غرفة أدهم، التى نُقل إليها بعد استقرار حالته، فتطلع أدهم إلى فريده بقلق، ثم لمس كفها برفق قائلاً:

- انت كويسة

نظرت له بحب، وضمت كفيه بين كفيها قائلةً:

- طول ما انت كويس أنا هبقى كويسة

ابتسم أدهم قائلاً:

- طب إيه.

ابتسمت بدورها وردت بتلقائية:

- إيه إيه.

- إيه انتي.

- إيه انت.

- فريدة!

- أدهم!

زمجر أدهم غاضباً:

فضحكت بخفة وقالت:

- مالك بس!؟

حرك رأسه بغضب:

- ما ليش.

ثم تأوه بقوة ففزعت فريدة/ وربتت على ذراعه قائلةً:

- أدهم مالك يا حبيبي.

ابتسم بحب:

- قلتي إيه.

ردت وملامح الخوف فى عينيها:

- مالك يا أدهم إيه اللي تعبك.

كرر أدهم مشددًا:

- قلتي إيه يا ديدة.

فقلت بحب:

- مالك يا أدهم إيه اللي تعبك.

رد أدهم مترجياً لها:

- وحياتي يا ديدة قليها تاني.

توردت وجنتيها خجلاً، وأخفضت رأسها، وقبل أن تنطق دخل إياد
الغرفة قائلاً:

- حمد لله على السلامة يا بطل.

زمجر أدهم قائلاً:

- انت يا ابني حد مسلطك عليا.

ضحكت فريدة بقوة، حتى دمعت عيناها؛ فنظر لهما إياد بتعجب، وقال
لفريدة هامساً:

- هو جراه حاجة فى عقله.

فضحكت أكثر، فرد أدهم قائلاً:

- لا يا ظريف.

فنظر لها بغضب:

- وانتي بتضحكي! ماشي اضحكي براحتك، بكره محدش هينقذك
مني.

وضع إياد ذراعه فوق كتفي فريدة، وضمها إليه بتلقائية مهدداً أدهم:

- انت هتهدها من دلوقتى ولا إيه.

حاول أدهم النهوض، وسحب فريدة من ذراعها، حتى فلتت من تحت
ذراع إياد، وقال بزمجرة:

- هو أنا مش حذرتك قبل كدة.

فضحك إياد بقوة:

- انت أكيد اتجننت رسمي.

رد أدهم متألماً:

- أه أي.. حاجة تخصصها هبقى مجنون فيها.

حاول التقاط أنفاسه بصعوبة، ولاحظ إياد وفريدة حالته؛ فتقدم إياد منه
قلقًا:

- أدهم اهدا أنت تعبان، وده ما ينفعش.

ربتت فريدة على صدره بقلق قائلةً:

- وحياتى يا أدهم اهدا.

أمال أدهم رأسه للخلف قائلاً:

- بطل سخافة؛ وأنا هبقى كويس.

فضربه إياد بخفة على كتفه، وقال ضاحكًا:

- بعنيك ده أنا هعذبك.

ضربته فريدة قائلةً بغضب:

- إياد مش كدة، هو لسه تعبان.

تأوه إياد من ضربتها، وقال متصنّعًا الحزن:

- بتبعيني علشانه يا فريدة.

ابتسمت فريدة ونظرت لأدهم بحب قائلةً:

- ابيع الدنيا كلها علشانه.

بادلها أدهم ابتسامتها، فقال إياد:

- يا سلام ماشي يا أنسه فريدة، ابقى شوفي بقى مين هيوافق على جوازكوا.

لم يعيره أدهم انتباهًا، وقال وعينيه تحتضنها:

- محدش يقدر يمنع حاجة، دي ملكي وبتاعتي أنا وبس.

مرت الأيام سريعًا، كانت فريدة لا تترك أدهم نهائيًا حتى تماثل للشفاء، وخرج من المشفى، وبقى فى شقة فريدة وحازم، برفقة حازم وإياد، تظل فريدة معهم طوال اليوم، ثم تعود للفيلا ليلاً لتبيت مع جويرية.

وفى أحد الأيام كان حازم وأدهم وإياد بمفردهم، فقال أدهم بجدية:

- حازم أنا عايز اتجوز فريدة، كدة الموضوع القديم خلص، وأنا مش عايز حاجة تحصل جديدة تأجل الموضوع بقى.

فابتسم حازم قائلاً:

- طيب هشوف فريدة، وهقولك.

زمجر قائلاً:

- تشوفها إيه يا حازم بس، انت حدد وهى مش هتعترض، لكن لو اديناها فرصة للتفكير أنا مش ضامن مخها، اختك دي فظيعة؛ فى ثانية بتقلب ١٨٠ درجة.

ضحك إياد بقوة قائلاً:

- تستاهل والله؛ علشان تبقوا تبيعوني انتوا الاتنين.

ابتسم أدهم قائلاً:

- أبيع الدنيا علشانها.

وبعد أيام قليلة فى فيلا الفايد؛ كان زفاف أدهم وفريده، التي كانت ترتدى فستان زفاف رائع؛ جعل منها أميرة من أميرات الأساطير، ورفعت شعرها تاركة خصلات بسيطة منه؛ زادتها رقةً وجمالاً، وفوقها تاج من الذهب الأبيض مطعم بالألماس جعلها أميرة حقيقية، دخل حازم غرفتها ليأخذها وينزل للأسفل كما جرت العادة، إلا أنه عندما نظر لها دمعت عيناه قائلاً:

- ما شاء الله، تبارك الله، ربنا يحميك يا ديده، ثم اقترب منها، وضمها إلى صدره مقبلاً جبينها بقوة، ثم نظر إلى عينيها قائلاً:

أنا موجود دائماً يا فريده، أوعي تنسي ده، أوعي تتخلي إن بجوازك أنا مش هبقى موجود، لا أنا هفضل دائماً جنبك، انتي بنتي يا فريده مش اختي بس، نظرت له فريده قائلةً:

- ربنا يخليك ليا يا حازم يا رب، ابتسم قائلاً:

- طب ياله بقى علشان المجنون اللي تحت، ده على نار، ولا وأنا كنت حابب أعذبه شوية بس ياله كفاية عليه كدة.

ابتسمت قائلةً:

- ماشي يا حبيبي.

خرج حازم وفريدة من الغرفة، وتأبطت فريدة ذراعه؛ فأحس حازم
برعشة جسدها، فربت على كفها، وقال مبتسماً:

- اهدي يا حبيبتى.

نزل حازم وفريدة درجات السلم، وما أن شعر أدهم بها حتى التفت لهما،
وسرح بجمالها، ونسي المحيطين به، وتقدم من السلم مسحوراً بجمالها:
نظرت جويريه وإياد بحب لفريدة، التى ما أن رأتها جويرية حتى
سقطت دموعها سعيدة لصديقتها، فضمها إياد لصدره قائلاً:

- بطلي هبل يا جوري بتعيطي ليه بس.

فقالت شاهقة:

- ما شاء الله أصلها حلوة قوي.

وصلت فريدة وحازم لأدهم الذى سلمه حازم كف فريدة قائلاً له:

- لو دمعة منها نزلت بسببك هقتلك.

نظر أدهم لها بعشق:

- ولا عمرى أقدر يا حازم.

ابتسمت فريدة بخجل، وأطرقت رأسها أرضاً؛ فاقترب أدهم منها، ورفع
وجهها إليه، ونظر فى عينيها بحب قائلاً:

- بحبك.

ابتسمت بخجل وأغلقت عينيها فأخرجها حازم من خجلها قائلاً:

- ياله يا أدهم الناس بتتفرج عليكوا:

تقدم أدهم وفريدة وحازم من الحضور الذين تسابقوا في تهنئتهم، ثم خفت الإضاءة قليلاً، فضمها أدهم إلى صدره بقوة هامساً في أذنها:

- الأغنية دي ليكي.

ثم علت أصوات أغنية

LIONEL RICHIE

"Hello"

I've been alone with you

Inside my mind

And in my dreams I've kissed your lips

A thousand times

I sometimes see you

Pass outside my door

Hello!

Is it me you're looking for?

I can see it in your eyes

I can see it in your smile

You're all I've ever wanted
And my arms are open wide
'cause you know just what to say
And you know just what to do
And I want to tell you so much
I love you

I long to see the sunlight in your hair
And tell you time and time again
How much I care
Sometimes I feel my heart will overflow
Hello!

I've just got to let you know
'cause I wonder where you are
And I wonder what you do
Are you somewhere feeling lonely?
Or is someone loving you?
Tell me how to win your heart
For I haven't got a clue
But let me start by saying I love you

Hello!

Is it me you're looking for?
'cause I wonder where you are
And I wonder what you do
Are you somewhere feeling lonely?
Or is someone loving you?
Tell me how to win your heart
For I haven't got a clue
But let me start by saying I love you

ضمها أدهم ورقصا سوياً إلى أن انتهت الأغنية إلا أنها مالت على أذنه
هامسةً:

- ودي ليك...

انا بعشقه للنديا أيوة هقولها أنا

متفائلة بيه

دي فرحة الدنيا وما فيها جاتلى فيه

وبدعى ربنا كل يوم يخلينى ليه

انا بعشقه بكون ضعيفة بشوفه أنا بستقوى بيه

دة حد من نوع اللى مرة بتلاقيه

أنا حابة نفسي طول ما هيه ملك ليه

ملكني بكل إحساسي فاكرنى تملى مش ناسى

بقالى هو ده ناسى مليش بعديه

فى وقت ما يجى اداى

بتبدا كل أحلامى وتحضن صورته أيامى

بموت أنا فيه

أنا بعشقه معرفش لما بقابله يومها أنا

ببقي مين

بباخدنى من روى وحياتى بكلمتين

ده اللى زيو نفسى أعرف راحو فى

ملكنى بكل إحساسي فاكرنى تملى مش ناسى

بقالى هو ده ناسى مليش بعديه

فى وقت ما يجى اداى

بتبدا كل أحلامى وتحضن صورته أيامى

بموت أنا فيه



جميع حقوق النشر محفوظة. ولا يحق لأي شخص
أو مؤسسه أو جهة إعادة إصدار هذا الكتاب. أو جزء منه .
أو نقله بأي شكل من الأشكال أو تداوله الكترونيا نسخا
او تخزينا دون إذن خطي من الدار